

BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE

S T E N O G R A M

**S SEDAMNAESTE SJEDNICE GRADSKOG VIJEĆA TUZLA ODRŽANE 23.
DECEMBRA 2015. GODINE U MALOJ SALI BOSANSKOG KULTURNOG
CENTRA S POČETKOM U 9,30 SATI**

- SJEDNICI PRISUSTVUJE 27 VIJEĆNIKA

U Tuzli, decembar 2015. godine

JOZO NIŠANDŽIĆ – predsjedavajući Gradskog vijeća Tuzla

Poštovani vijećnici, poštovani predstavnici izvršne vlasti, obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti, dame i gospodo.

Otvaram sedamnaestu redovnu sjednicu Gradskog vijeća Grada Tuzla.

Konstatujem, da prema evidenciji Stručne službe Vijeća, sjednici prisustvuje 27 od ukupnog broja vijećnika, što je dovoljno za punovažan rad i odlučivanje.

Za današnju sjednicu niko mi se nije najavio za odsustvo. Ali jeste gospodin Admir Hasanović mi se javio da će kasniti, ali da će stići.(Hasanbašić.) Hasanbašić. Admir Hasanbašić. Ali evo nedostaje gospodin Mujić. (Stigao je.) Mirsad Malohodžić. Je stigao u međuvremenu. Bajić Edis došo i Adnan Sijerčić.

Obavještavam vijećnike, da su svi klubovi vijećnika dobili stenogram, a svaki vijećnik uz materijale za današnju sjednicu je dobio i skraćene verzije zapisnika s 15. redovne sjednice Gradskog vijeća Tuzla, održane dana 26. 11. 2015. godine.

Stavljam na stenogram i skraćenu verziju zapisnika sa prošle sjednice. (NADA MLADINA – Ima li primjedbi?) Ima li primjedbi neko na zapisnik molim vas? Nada je upravu. Nema.

Ko je za stenogram i skraćenu verziju zapisnika s 15. redovne sjednice Gradskog vijeća Tuzla, održane dana 26. 11. 2015. godine, molim da digne ruku? (20) Ima li neko protiv? (Nema.) Uzdržan? (Nema.)

Konstatujem da je usvojen Stenogram i Skraćena verzija zapisnika s 15. redovne sjednice Gradskog vijeća Tuzla, održane dana 26. 11. 2015. godine, naime 20 vijećnika je glasalo za, nema niko protiv, nema suzdržan.

Stenogram i skraćenu verziju zapisnika sa 16. redovne sjednice održane dana 15. 12. 2015. godine, nismo uspjeli usvojiti, odnosno uraditi iz tehničkih razloga, pa ćemo navedena dokumenta usvajati naredni put.

Za današnju sjednicu predlažem dnevni red, kao što ste dobili uz Poziv za ovu sjednicu:

D N E V N I R E D

- Usvajanje Zapisnika sa 15. redovne sjednice Gradskog vijeća Tuzla, održane dana 26. 11. 2015. godine.

1. VIJEĆNIČKA PITANJA

2. RAZMATRANJE I USVAJANJE ODLUKE O IZMJENI STATUTARNE ODLUKE O ORGANIZACIJI GRADA TUZLA U SKLADU SA ZAKONOM O GRADU TUZLA

3. RAZMATRANJE I USVAJANJE PROGRAMA RADA GRADSKOG VIJEĆA TUZLA ZA 2016. GODINU

4. RAZMATRANJE I USVAJANJE ODLUKE O USLOVIMA, KRITERIJIMA I POSTUPKU ZA DODJELU I KUPOVINU NAPUŠTENIH STANOVA, PRIVATIZIRANIH PREDUZEĆA KOJI SU STAVLJENI NA RASPOLAGANJE GRADU TUZLA, KAO I NAPUŠTENIH STANOVA U VLASNIŠTVU GRADA TUZLA

5. RAZMATRANJE I USVAJANJE:

a) ODLUKE O DOPUNI ODLUKE O PROGLAŠENJU DOBROM U OPĆOJ UPOTREBI

(JKP "Komunalac" d.o.o. Tuzla)

b) ODLUKE O DOPUNI ODLUKE O PROGLAŠENJU JAVNIH DOBARA
(JKP “Centralno grijanje” d.d. Tuzla)

c) ODLUKE O DOPUNI ODLUKE O PROGLAŠENJU JAVNIM VODNIM
DOBROM
(JKP “Vodovod i kanalizacija” d.o.o. Tuzla)

6. RAZMATRANJE I USVAJANJE ODLUKE O DAVANJU SAGLASNOSTI ZA
ZAKLJUČENJE UGOVORA O REGULISANJU MEĐUSOBNIH PRAVA I OBAVEZA U
VEZI SA POVJERAVANJEM NA UPRAVLJANJE I KORIŠTENJE JAVNIH DOBARA
IZMEĐU GRADA TUZLA I JAVNIH KOMUNALNIH PREDUZEĆA ČIJI JE OSNIVAČ
GRAD TUZLA

7. RAZMATRANJE I USVAJANJE ODLUKE O UTVRĐIVANJU LISTE
KANDIDATA ZA PUNOMOĆNIKE DRŽAVNOG KAPITALA ZA UČEŠĆE U RADU I
ODLUČIVANJU SKUPŠTINA JAVNIH PREDUZEĆA I JAVNIH KOMUNALNIH
PREDUZEĆA ČIJI JE OSNIVAČ ILI SUOSNIVAČ GRAD TUZLA

8. RAZMATRANJE I USVAJANJE:

a) PRAVILNIK O IZMJENI PRAVILNIKA O KRITERIJIMA I POSTUPKU ZA
ODOBRAVANJE JEDNOKRATNE POMOĆI PRIPADNICIMA BRANILAČKE
POPULACIJE SA PODRUČJA GRADA TUZLA

b) IZVJEŠTAJ O RADU KOMISIJE ZA ODOBRAVANJE JEDNOKRATNE
POMOĆI PRIPADNICIMA BRANILAČKE POPULACIJE U 2015. GODINI

9. RAZMATRANJE I DAVANJE SAGLASNOSTI NA SPORAZUM ZA
REGULISANJE MEĐUSOBNIH ODNOSA U VEZI OBJEKTA BIVŠI “GRAFICAR” U
TUZLI S MIŠLJENJEM GRADSKOG PRAVOBRANILAŠTVA GRADA TUZLA

10. RAZMATRANJE INFORMACIJE O PODRŠCI GRADA TUZLA
ORGANIZACIJAMA CIVILNOG DRUŠTVA I JAVNIM USTANOVAMA U OBLASTI
DRUŠTVENIH DJELATNOSTI U 2014. GODINI

11. KADROVSKA PITANJA

12. TEKUĆA PITANJA:

a) Obavještenje Službe za prostorno uređenje i zaštitu okoline o razlozima
prolongiranja izrade Regulacionog plana Prostorne cjeline Solina Novo Naselje 2

Obavještavam klubove vijećnika da su prijedloge za naknadno uvrštavanje hitnih i
neodložnih pitanja, odnosno dopunu dnevnog reda, mogli podnijeti u pismenoj formi,
najkasnije 48 sati prije održavanja ove sjednice.

Kolegij Gradskog vijeća Grada Tuzla, održao je svoju sjednicu 22. 12. tj. juče i
konstatuje da su u poslovničkom roku stigli sljedeći prijedlozi za izmjene i dopune dnevnog
reda:

1. Konstatujem da su po zaključku sa 16-te redovne sjednice Gradskog vijeća Tuzla
održane dana 15. 12. 2015. godine u sali Kantonalne privredne komore, dodani u dnevni red
današnje sjednice slijedeći materijali:

**12. RAZMATRANJE INFORMACIJE O SARADNJI GRADA TUZLA SA
INOSTRANIM SUBJEKTIMA I REALIZACIJI PROJEKATA I PROGRAMA IZ
OBLASTI MEĐUNARODNE SARADNJE**

**12. RAZMATRANJE INFORMACIJE O PODRŠCI GRADA TUZLA
PROJEKTIMA I AKTIVNOSTIMA MLADIH**

**13. RAZMATRANJE INFORMACIJE O AKTIVNOSTIMA NA ANIMIRANJU
GRAĐANA I ORGANIZOVANJU AKCIJA DOBROVOLJNOG DARIVANJA KRVI NA
PODRUČJU GRADA TUZLA ZA PERIOD JANUAR - OKTOBAR 2015. GODINE**

15. RAZMATRANJE INFORMACIJE O POJAVI BRUCELOZE

16. RAZMATRANJE INICIJATIVE ZA IZMJENU IZBORNOG ZAKONA SA CILJEM DA MANDAT PRIPADA POLITIČKOJ STRANCI

19. TEKUĆA PITANJA

- a) Inicijativa za postavljanje usporivača brzine na raskrsnici Paša bunar i drugim raskrsnicama, gdje je ugrožena bezbjednost građana
- b) Inicijativa za kvalitetnu pripremu i čišćenje prometnica (saobraćajnica) na području Tuzle u vrijeme zimske sezone
- c) Urgencija Službi za komunalne poslove, izgradnju i poslove mjesnih zajednica za provjeru ispravnosti svih gradilišta na području grada Tuzla
- d) Urgencija za hitnu rekonstrukciju pješačkog prolaza u ulici Muhameda Havajia Uskufija, koji se nalazi između Gimnazije Ismet Mujezinović i OŠ Pazar
- e) Inicijativa za izradu "Vodiča za investitore Grada Tuzla"
- f) Inicijativa za postavljanje usporivača brzine u Rudarskoj ulici
- g) Inicijativa za dopunu Odluke broj: 02-05-12617-2005 od 23. 12. 2005. godine
- h) Inicijativa za energetske efikasan grad
- i) Inicijativa za uspostavljanje putne komunikacije između ulica Paša bunar i Batva u dužini od 30 m
- j) Inicijativa za rekonstrukciju vodovodne mreže u MZ Dobrnja, naselje Razinoge
- k) Inicijativa za sanaciju mosta u MZ Dobrnja, naselje Rozića bare

S obzirom na zaključak sa prošle sjednice o ovome nećemo glasati. (EKREM TOPIĆ – I izborni prag 7%.)

Pod dva Narodna stranka Radom za boljitak predlaže da se u dnevni red današnje sjednice dopuni pod tačkom pod nazivom inicijativa za sanaciju putne infrastrukture u naselju Gornji Brđani oko novoizgrađenog mosta

Kolegij Gradskog vijeća Tuzla na svojoj sjednici održanoj 22. 12. 2015. godine zaključio je i predlaže Gradskom vijeću Tuzla da se inicijativa Narodne stranke Radom za boljitak razmatra pod tačkom tekuća pitanja.

Pitam vijećnike, ko je za ovakav prijedlog, molim da digne ruku? (28) Ima li neko protiv? (Nema.) Uzdržan? (Nema.)

Konstatujem da je 28 vijećnika glasalo za, nema niko protiv, nema suzdržan te je prihvaćen prijedlog da se ova tačka uvrsti u dnevni red današnje sjednice kao tačka podtačlja lj) tačke Tekuća pitanja.

Kolegij Gradskog vijeća na inicijativu više klubova vijećnika, a u vezi sa stanjem aerozagađenja u gradu Tuzla na svojoj sjednici održanoj dana 22. 12. 2015. godine je zaključio i predlaže Gradskom vijeću Tuzla slijedeće:

- da se u dnevni red današnje 17-te redovne sjednice uvrsti kao tačka slijedeća tačka dnevnog reda, a da se ostale tačke redoslijedom pomjere, to bi bila deveta tačka po redu:

RAZMATRANJE INFORMACIJE O ZAGAĐENJU ZRAKA NA PODRUČJU GRADA TUZLA UZ URGENCIJU MINISTARSTVU ZDRAVSTVA I MINISTARSTVU PROSTORNOG UREĐENJA I ZAŠTITU OKOLICE TUZLANSKOG KANTONA ZA PROVOĐENJE PLANA PREVENTIVNIH MJERA VEZANO ZA ZAGAĐENJE ZRAKA U GRADU TUZLA.

Napominjem, da je vijećnicima neposredno pred sjednicu podijeljen materijal odnosno Informacija resornog Ministarstva prostornog uređenja i zaštite okolice Tuzlanskog kantona, tako da raspolažemo sa relevantnim podacima.

Pitamo vijećnike ko je za ovakav prijedlog, molim da digne ruku? (28) Ima li neko protiv? (Nema.) Uzdržan? (Nema.)

Konstatujem takođe da je jednoglasno prihvaćen i ovaj prijedlog, 28 vijećnika je glasalo za, nema niko protiv, nema suzdržan, te je i ova tačka uvrštena u dnevni red današnje sjednice Gradskog vijeća Tuzla kao tačka 9.

Pod četiri. Komisija za ljudska prava i slobode predlaže da se dnevni red današnje 17-te redovne sjednice Gradskog vijeća Tuzla dopuni tačkom pod nazivom, to je osamnaesta tačka:

18. RAZMATRANJE ZAHTJEVA ZA UKIDANJE DISKRIMINACIJE U ODNOSU NA UPOSLENIKE, KOJI PRIMAJU PLATU I NAKNADE IZ BUDŽETA TUZLANSKOG KANTONA

Kolegij Gradskog vijeća Tuzla na svojoj sjednici održanoj dana 22. 12. 2015. godine je zaključio i predlaže Gradskom vijeću Tuzla da se navedena tačka razmatra kao tačka 18. dnevnog reda današnje sjednice.

Pitam vijećnike ko je za ovakav prijedlog, molim da digne ruku? (30) Ima li neko protiv? (Nema.) Uzdržan? (Nema.)

Konstatujem da je 30 vijećnika glasalo za, nema niko protiv, nema suzdržan te je prihvaćen prijedlog da se ova tačka uvrsti u dnevni red današnje sjednice kao osamnaesta tačka.

Pitam sada vijećnike, ko je za dnevni red u cjelini sa ovim izmjenama i dopunama, molim da digne ruku? (30) Ima li neko protiv? (Nema.) Uzdržan? (Nema.)

Konstatujem da je jednoglasno podržan prijedlog dnevnog reda s izmjenama i dopunama u cjelini, 30 vijećnika je glasalo za, nema niko protiv, nema suzdržan:

D N E V N I R E D

- Usvajanje Zapisnika sa 15. redovne sjednice Gradskog vijeća Tuzla, održane dana 26. 11. 2015. godine.

1. VIJEĆNIČKA PITANJA

2. ODLUKA O IZMJENI STATUTARNE ODLUKE O ORGANIZACIJI GRADA TUZLA U SKLADU SA ZAKONOM O GRADU TUZLA

3. PROGRAM RADA GRADSKOG VIJEĆA TUZLA ZA 2016. GODINU

4. ODLUKA O USLOVIMA, KRITERIJIMA I POSTUPKU ZA DODJELU I KUPOVINU NAPUŠTENIH STANOVA, PRIVATIZIRANIH PREDUZEĆA KOJI SU STAVLJENI NA RASPOLAGANJE GRADU TUZLA, KAO I NAPUŠTENIH STANOVA U VLASNIŠTVU GRADA TUZLA

5. a) ODLUKA O DOPUNI ODLUKE O PROGLAŠENJU DOBROM U OPĆOJ UPOTREBI

(JKP "Komunalac" d.o.o. Tuzla)

b) ODLUKA O DOPUNI ODLUKE O PROGLAŠENJU JAVNIH DOBARA
(JKP "Centralno grijanje" d.d. Tuzla)

c) ODLUKA O DOPUNI ODLUKE O PROGLAŠENJU JAVNIM VODNIM DOBROM

(JKP "Vodovod i kanalizacija" d.o.o. Tuzla)

6. ODLUKA O DAVANJU SAGLASNOSTI ZA ZAKLJUČENJE UGOVORA O REGULISANJU MEĐUSOBNIH PRAVA I OBAVEZA U VEZI SA POVJERAVANJEM NA UPRAVLJANJE I KORIŠTENJE JAVNIH DOBARA IZMEĐU GRADA TUZLA I JAVNIH KOMUNALNIH PREDUZEĆA ČIJI JE OSNIVAČ GRAD TUZLA

7. ODLUKA O UTVRĐIVANJU LISTE KANDIDATA ZA PUNOMOĆNIKE DRŽAVNOG KAPITALA ZA UČEŠĆE U RADU I ODLUČIVANJU SKUPŠTINA

JAVNIH PREDUZEĆA I JAVNIH KOMUNALNIH PREDUZEĆA ČIJI JE OSNIVAČ ILI SUOSNIVAČ GRAD TUZLA

8. a) PRAVILNIK O IZMJENI PRAVILNIKA O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE SA PODRUČJA GRADA TUZLA

b) IZVJEŠTAJ O RADU KOMISIJE ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE U 2015. GODINI

9. INFORMACIJA O ZAGAĐENJU ZRAKA NA PODRUČJU GRADA TUZLA UZ URGENCIJU MINISTARSTVU ZDRAVSTVA I MINISTARSTVU PROSTORNOG UREĐENJA I ZAŠTITU OKOLICE TUZLANSKOG KANTONA ZA PROVOĐENJE PLANA PREVENTIVNIH MJERA VEZANO ZA ZAGAĐENJE ZRAKA U GRADU TUZLA

10. DAVANJE SAGLASNOSTI NA SPORAZUM ZA REGULISANJE MEĐUSOBNIH ODNOSA U VEZI OBJEKTA BIVŠI "GRAFICAR" U TUZLI S MIŠLJENJEM GRADSKOG PRAVOBRANILAŠTVA GRADA TUZLA

11. INFORMACIJA O PODRŠCI GRADA TUZLA ORGANIZACIJAMA CIVILNOG DRUŠTVA I JAVNIM USTANOVAMA U OBLASTI DRUŠTVENIH DJELATNOSTI U 2014. GODINI

12. INFORMACIJA O SARADNJI GRADA TUZLA SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE

13. INFORMACIJA O PODRŠCI GRADA TUZLA PROJEKTIMA I AKTIVNOSTIMA MLADIH (a) i b) kasnije u okviru poslovničke intervencije uključena pod b) Proslava Nove godine op.a.))

14. INFORMACIJA O AKTIVNOSTIMA NA ANIMIRANJU GRAĐANA I ORGANIZOVANJU AKCIJA DOBROVOLJNOG DARIVANJA KRVI NA PODRUČJU GRADA TUZLA ZA PERIOD JANUAR - OKTOBAR 2015. GODINE

15. INFORMACIJA O POJAVI BRUCELOZE

16. INICIJATIVA ZA IZMJENU IZBORNOG ZAKONA SA CILJEM DA MANDAT PRIPADA POLITIČKOJ STRANCI

17. KADROVSKA PITANJA

18. ZAHTJEV ZA UKIDANJE DISKRIMINACIJE U ODNOSU NA UPOSLENIKE, KOJI PRIMAJU PLATU I NAKNADE IZ BUDŽETA TUZLANSKOG KANTONA

19. TEKUĆA PITANJA

a) Inicijativa za postavljanje usporivača brzine na raskrsnici Paša bunar i drugim raskrsnicama, gdje je ugrožena bezbjednost građana

b) Inicijativa za kvalitetnu pripremu i čišćenje prometnica (saobraćajnica) na području Tuzle u vrijeme zimske sezone

c) Urgencija Službi za komunalne poslove, izgradnju i poslove mjesnih zajednica za provjeru ispravnosti svih gradilišta na području grada Tuzla

d) Urgencija za hitnu rekonstrukciju pješačkog prolaza u ulici Muhameda Havajia Uskufija, koji se nalazi između Gimnazije Ismet Mujezinović i OŠ Pazar

e) Inicijativa za izradu "Vodiča za investitore Grada Tuzla"

f) Inicijativa za postavljanje usporivača brzine u Rudarskoj ulici

g) Inicijativa za dopunu Odluke broj: 02-05-12617-2005 od 23. 12. 2005. godine

h) Inicijativa za energetske efikasan grad

i) Inicijativa za uspostavljanje putne komunikacije između ulica Paša bunar i Batva u dužini od 30 m

j) Inicijativa za rekonstrukciju vodovodne mreže u MZ Dobrnja, naselje Razinoge

k) Inicijativa za sanaciju mosta u MZ Dobrnja, naselje Rozića bare

l) Obavještenje Službe za prostorno uređenje i zaštitu okoline o razlozima prolongiranja izrade Regulacionog plana Prostorne cjeline Solina Novo Naselje 2

lj) Inicijativa za sanaciju putne infrastrukture u naselju Gornji Brđani oko novoizgrađenog mosta

Prelazimo na realizaciju Dnevnog reda. Prva tačka Dnevnog reda je:

VIJEČNIČKA PITANJA

Ja ću kako je ovdje po redu. Gospodin Elvir Kasumović, Savez za bolju budućnost. Dva vijećnička pitanja.

ELVIR KASUMOVIĆ – vijećnik Saveza za bolju budućnost

Jeste. Prije svega jedan veliki pozdrav svim našim gledaocima, građanima grada Tuzle koji će pratiti ovaj prenos putem portala ili tv kuća.

Ja sam za danas pripremio dva vijećnička pitanja. Prvo vijećničko pitanje se odnosi na Službu civilne zaštite Grada Tuzle, naravno sve vas u sali pozdravljam i želim vam uspješan rad.

Pitanje glasi. Da li je navedena Služba išta poduzela po pitanju aerozagađenja u Tuzli?

Postavljam pitanje navedenoj Službi, zbog sve većeg aerozagađenja u gradu Tuzli, a da niko po pitanju toga ništa ne poduzima. Građani Tuzle nisu zaslužili da udišu najzagađeniji zrak u BiH, a i šire, pa stoga pitam šta ste konkretno poduzeli po ovom pitanju. Vidimo da se ovih dana kopljalome oko toga ko je nadležan i odgovoran zbog nastale situacije ali građani Tuzle ne smiju biti taoci sukoba nadležnosti i ispaštati zbog toga što niko ništa ne poduzima, te me interesuje imate li konkretne projekte i rješenja za nastalu situaciju ili čekate, kao i uvijek, da se problem riješi sam od sebe?

Moje drugo vijećničko pitanje ide Gradonačelniku Grada Tuzle. Ono glasi.

Zašto nije otpočela rekonstrukcija Gradske ulice?

Postavljam gore navedeno pitanje Gradonačelniku Grada Tuzle, zbog toga što je građanima obećao da će se sa rekonstrukcijom početi u 2015. godini. Obzirom da do današnjeg dana ništa nije urađeno po tom pitanju građani i vlasnici navedene, vlasnici poslovnih prostora navedene ulice su izrevoltirani i traže hitnu rekonstrukciju, ali se izgleda čeka izborna godina kako bi se, kao i sa ostalim projektima krenulo u realizaciju. Hvala.

JOZO NIŠANDŽIĆ

Hvala. Slijedeći je Beriz Sakić, vijećnik Stranke demokratske akcije. Dva vijećnička pitanja, ovdje vidim dva pitanja. Izvolite gospodine Sakiću. Neka se pripremi Dajana Bakić.

BERIZ SAKIĆ - vijećnik Stranke demokratske akcije

Uvaženi predsjedavajući, dopredsjedavajući, sekretaru, predstavnici vlasti, mediji,

gosti, kolegice i kolege, sve vas srdačno selamim i pozdravljam i želim vam ugodan dan i brz obavljen posao.

Ako sam išta u ovom Vijeću naučio, naučio sam to da vijećnik najbolje može djelovati preko vijećnička pitanja i inicijativa, kako bi građanima, odnosno žiteljima kako bi moja kolegica uvažena rekla, ovim građanima pomogli.

Isto tako sam i naučio da postavljena vijećnička pitanja vrlo često se ne dobijaju ili se ako se već dobiju, dobijemo neadekvatan odgovor. Nismo u mogućnosti, nismo nadležni, biće, u programu je itd.

Što se tiče inicijativa, ja sam to već jednom ovde govorio podnosimo i usvajamo vrlo lako inicijative, a da pri tome ne razmišljamo, mislim baš najbolje da li je to stvarno ostvarivo i je li moguće u dogledno vrijeme uraditi, napraviti, koliko to sredstava treba.

Kad inicijativu usvojimo onda nikad poslije toga ne dobijemo izvještaj dokle se sa tom inicijativom došlo, da li je ona, da li je urađeno to, je li moguće to uraditi itd. itd.

Obzirom da ja znam da je to tako da se tako može djelovati, shodno tome ja sam danas pripremio dva vijećnička pitanja, od kojeg prvo ide Službi za izgradnju i pitanja mjesnih zajednica.

Kada će se realizovati projekat postavljanja semafora na raskršću kod bolnice Kreka, mjesna zajednica Solina – Moluhe?

Objasni. Svjedoci smo da u pomenutom lokalitetu dolazi do učestalih saobraćajnih nezgoda, a što je nažalost često sa srmtnim posljedicama. Na ovom raskršću velika je frekvencija vozila dovoz smeća prema deponiji, gdje je izražena opasnost za pješake, posebno za djecu i druge učesnike.

Drugo vijećničko pitanje, o kojem sam ja govorio i prošli put, kada je bila tačka dnevnog reda Gradsko-saobraćajno preduzeće i shodno mojim izlaganjima na prošloj sjednici o toj tački dnevnog reda, danas sam dobio vijećničko pitanje koje potkrepljuje sve one moje činjenice koje sam prošli put navodio.

Vijećničko pitanje se odnosi Službi za komunalne poslove, izgradnju i poslove mjesnih zajednica ili neko ko je nadležan za ovo, a možda je to i GIPS.

Da li GIPS d.o.o. uživa apsolutnu slobodu kreiranja cijena i Reda vožnje, te na osnovu kojeg kriterija se iste određuju?

Objasni. Građani mjesne zajednice Gornja Tuzla su mi poslali još jedan dopis gdje kažu, citiram: „Nakon privatizacije GIPS TK stanovnici Gornje Tuzle se svakodnevno susreću sa novim iznenađenjima. Da li će građani Gornje Tuzle još dugi niz godina dopuštati monopolističko ponašanje istog?“

Da li imenovani mogu uzimati sebi za pravo da regulišu cijene prema simpatijama prema određenim mjesnim zajednicama, ili bi se ipak trebali kretati u zakonskim okvirima određivanja cijene. Svjedoci smo da su karte na relaciji Gornja Tuzla – Simin Han košta 2 marke, a Simin Han – Lukavac takođe 2 marke, od koje sam ja i prošli put to govorio.

Da li vozači i menadžment ustanove kreiraju Red vožnje shodno trenutnom raspoloženju, pa se dešava da nema linija po tri sata, ili da ima linija ali do Simin Hana, pa građani nastavljaju sa drugim autobusom koji kreće iz baze. Znači presjedaju.

Kao što smo i prošli put to govorili. Problem se konstantno ignoriše, a cijene konstantno rastu. Dakle i zašto će se štititi i trpiti ovakvo ponašanje?

Ukoliko GIPS ne želi suradnju, omogućiti drugim prevoznicima da saobraćaju na ovoj liniji. Hvala.

JOZO NIŠANDŽIĆ

Hvala. Gospođica Dajana Bakić, Dva vijećnička pitanja, a neka se pripremi gospodin

Mirza Tupajić.

DAJANA BAKIĆ - vijećnik Socijaldemokratske partije

Hvala. Poštovani predsjedavajući, poštovana zamjenice predsjedavajućeg, sekretarko, vijećnice i vijećnici, predstavnice i predstavnici gradskih službi, gošće i gosti, predstavnice i predstavnici medija, sve vas srdačno pozdravljam.

Ja imam dva vijećnička pitanja. Prvo se odnosi na Službu za prostorno uređenje i zaštitu okoliša grada Tuzla i Javno komunalno preduzeće Komunalac Tuzla a glasi.

Imate li saznanja na čiju inicijativu su posječena stabla gingo biloba u Gradskom parku i Žalosne vrbe ili Salix babylonica na Slanoj Banji, te koji su razlozi za to?

Naime, u prethodnom, nedavno su dakle u Gradskom partu osječeno pomenuto drvo gingo bilobe koji predstavlja endemsku vrstu na našim područjima a prije neki dan je posječena i žalosna vrba koja se nalazi iznad Aleje mladosti na Slanoj Banji koji predstavlja na neki način i simbol grada.

Ono što mene zanima je, da li postoje saznanja od primalaca dakle, ove, ovog vijećničkog pitanja koje sam navela predhodno, na čiju inicijativu i zašto su posječena ta stabla.

Svjedoci smo dakle sve veće zagađenosti zraka i da drveće proizvodi kisik, a bezpredmetno je napominjati koliko je značajno zapravo da zaštitimo endemska vrsta, tako da smatram da u skladu sa svojim odgovornostima pomenuta služba i preduzeće trebaju intenzivirati aktivnosti na ovom planu.

Drugo vijećničko pitanje je namijenjeno Javnoj ustanovi Gradski stadion Tušanj, a glasi, planira li se obezbijediti priključak na bežični internet u novinarskoj loži Javne ustanove Gradski stadion Tušanj.

Novinarke i novinari se istakli problem da nema interneta u novinarskoj loži zbog čega ne mogu pravovremeno izvještavati dakle sa utakmica, takmičenja i drugih dešavanja. Stoga me zanima da li je u planu rekonstrukcije stadiona se planira izvršiti, odnosno riješiti ovaj problem. Hvala.

JOZO NIŠANDŽIĆ

Hvala. Gospodin Mirza Tupajić, jedno je li tako vijećničko pitanje, (MIRZA TUPAJIĆ – Dva, na jednom papiru, ali dva.) dobro, dobro dva, u pravu ste.

MIRZA TUPAJIĆ - vijećnik Stranke demokratske akcije

Štedimo. Čuvamo okolinu. Ja bih vas sve srdačno pozdravio, poselamio, sve prisutne. Ja danas imam dva vijećnička pitanja, naravno oni su upućeni Službi za komunalne poslove, izgradnju i poslove mjesnih zajednica.

Prvo pitanje. Kako smanjiti broj saobraćajnih nesreća, ugroženost pješaka kao i ostalih učesnika u saobraćaju?

Obrazloženje. Građani mjesne zajednice Gornja Tuzla su mi poslali dopis, a to, radi se o skupini mladih i školovanih stanovnika Gornje Tuzle, gdje ističu da su veoma zabrinuti za svoju i sigurnost svojih sugrađana, gdje su svjedoci učestalih saobraćajnih nesreća u proteklih desetak godina koje se dešavaju u njihovoj mjesnoj zajednici. Razlog tome jesu najprije neprilagođena brzina i vožnja bez vozačke dozvole. Policijske kontrole skoro pa i ne postoje. Građani se osjećaju nesigurno izaći na ulicu jer automobilima može upravljati ko poželi. Ovi mladi ljudi apeluju da se pojača redovna policijska kontrola, da se ugrade ležeći policajci,

tamo gdje je najneophodnije, te da se postave stativni radari. Podsjećaju, dana 14. 12. 2015. godine se na području njihove mjesne zajednice desila saobraćajna nesreća u kojoj je stradalo sedam nedužnih osoba i da ne treba dozvoliti da se iste dešavaju i u budućem periodu.

Drugo vijećničko pitanje, jeste isto Službi za komunalne poslove, izgradnju i poslove mjesnih zajednica i ono glasi.

Kada će se završiti radovi asfaltiranja trotoara kod Vikaljske džamije mjesna zajednica Mosnik?

Obrazloženje. Trotoar u ovoj ulici je trebao biti već urađen ove godine. Džematlije i građani ove ulice se pitaju kada će napokon moći hodati ulicom po trotoaru, ane po saobraćajnici, gdje ugrožavaju svoju sigurnost i otežavaju saobraćaj, pogotovo petkom kada je džuma namaz.

JOZO NIŠANDŽIĆ

Hvala. Gospodin Mujić. Izvolite Mujiću. Jedno ili dva vijećnička pitanja? (Jedno.) Izvolite.

MEHMED MUJIĆ - vijećnik Socijaldemokratske partije

Dobar dan svima. Srdačno vas sve pozdravljam.

Vijećničko pitanje ide povodom Ribić Zije čija je porodica stradala u Zvorniku i inicijativu, vijećničko pitanje ću prosljediti svim institucijama u Bosni i Hercegovini.

Ubistvo članova porodice Ribić je jedan od najstravičniji zločina tokom genocida u Podrinju. Zločinci su sredinom jula 1992. godine u Malešiću kod Zvornika, ubili šest Zijinih sestara, brata i oca i majku.

Prije likvidacije, silovana je 13-godišnja Zijina sestra. On je preživio strejanje, tad je imao osam godina, ostali su mu ožiljci na tijelu, od uboda nožem i od metaka.

Zijo danas živi i radi u Hotelu u Tuzli, što moram pofalit Gradsku upravu, koja je imala sluha i tog Roma je zaposlila u Hotelu u Tuzli, dok neko nije imao sluha.

Još uvijek traži kosti tri sestre i dvogodišnjeg brata. Zbog toga je neophodno da mu Tuzlanski kanton, Federacija i država Bosna i Hercegovina obezbijede dostojanstven posao i život.

Također neophodno je da se riješi njegovo stambeno pitanje. Zajedno moramo sve učinit da se žrtvama poput Zije, koji su preživjeli najveće zlo, osigura normalan život i egzistencija. To je naša obaveza prema preživjelim i prema nedužno ubijenim. Hvala.

JOZO NIŠANDŽIĆ

Hvala. Gospodin Topić Ekrem. Izvolite. Je li vijećničko pitanje ili?

EKREM TOPIĆ – vijećnik Tuzlanske alternative

Nije nego da predložim nešto ako može. Gospodine predsjedavajući, kolegice i kolege vijećnici, uvaženi gosti, poštovani mediji, Essellam alejkum i dobar vam dan.

Gospodin, profesor je postavio pitanje za Gornju Tuzlu, postavljanje ležeći policajaca. Kolega Mensur Alić je na prošlom zasjedanju postavio isto pitanje.

Ne znam. Ne mogu tvrdit. Imal ikakve inicijativa u vezi toga, ako nema, ako se slažu i jedan i drugi, koji su postavljali pitanje i ako je moguće da se to pretvori u inicijativu za rješavanje tog problema. Jer postavljamo pitanje, a nismo tražili da se to uradi. Ako je to

moguće, ako se slažu ova koja su postavljala pitanje, ne bi loše bilo da se uputi inicijativa da se to riješi i reguliše. Hvala.

JOZO NIŠANDŽIĆ

Čuli smo prijedlog. Mislim da nema ništa. Da ipak. Sekretaru možemo li poslovničku? Dan am objasni.

MEDIHA NUHBEGOVIĆ – sekretar Gradskog vijeća Tuzla

Uz uvažavanje gospodina vijećnika Ekrema Topića treba prvo pitati da li se nešto preduzelo, pa ako se nije preduzelo da se onda pokrene inicijativa.

Znači, inicijativu je trebalo nešto dostaviti u formi inicijative. Poslovnik ne predviđa mogućnost da se pitanja pretvaraju u inicijative ili obrnuto.

JOZO NIŠANDŽIĆ

Hvala. Izvolite. Gospodin Ajanović.

MIRNES AJANOVIĆ – vijećnik Bosanske stranke

Bez obzira, pozdrav svima, bez obzira koliko, nekakav prijedlog bio dobar, mi smo u okviru Poslovnika obavezni djelovati.

Ovo može biti vijećničko pitanje, možemo na slijedećem Kolegiju razmatrati i kao vijećničko pitanje, sasvim jaka inicijativa da se ide u realizaciju i da se dostave odgovori po prijedlogu kakav je predložen od kolege Topića.

JOZO NIŠANDŽIĆ

Hvala. Ali evo čuli smo. I ja se slažem i jako je i dobro je i ovo vijećničko pitanje, ali neka ide na slijedeću sjednicu inicijativa da se problem rješava. Hvala.

S ovim smo završili prvu tačku Dnevnog reda.

Prelazimo na drugu tačku Dnevnog reda:

ODLUKA O IZMJENI STATUTARNE ODLUKE O ORGANIZACIJI GRADA TUZLA U SKLADU SA ZAKONOM O GRADU TUZLA

Predlagač je Komisija za statutarna pitanja i propise.

Obrađivač je Stručna služba vijeća.

Materijal su razmatrali Komisija za statutarna pitanja i propise i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? Nema.

Otvaram raspravu klubova. Zaključujem raspravu klubova.

Otvaram raspravu vijećnika. Zaključujem raspravu vijećnika.

Idemo na izjašnjanje. Ko je za ODLUKU O IZMJENI STATUTARNE ODLUKE O ORGANIZACIJI GRADA TUZLA U SKLADU SA ZAKONOM O GRADU TUZLA, molim da digne ruku? (30) Ima li neko protiv? (Nema.) Uzdržan? (Nema.)

Konstatujem da je ODLUKA O IZMJENI STATUTARNE ODLUKE O ORGANIZACIJI GRADA TUZLA U SKLADU SA ZAKONOM O GRADU TUZLA jednoglasno prihvaćena, 30 vijećnika je glasalo za, nema niko protiv, nema suzdržan.

Prelazimo na treću tačku Dnevnog reda:

PROGRAM RADA GRADSKOG VIJEĆA TUZLA ZA 2016. GODINU

Predlagач je Kolegij Gradskog vijeća Tuzla.

Obrađivač je Stručna služba Vijeća.

Materijal su razmatrali Komisija za statutarne pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za mlade, obrazovanje i sport, Komisija za komunalna pitanja i pitanja mjesnih zajednica, Komisija za saradnju sa jedinicama lokalne uprave i samouprave, Mandatno-imunitetska komisija, Komisija za stambena pitanja i klubovi vijećnika.

Otvaram raspravu. Pitam vijećnike ima li potrebe za uvodnim izlaganjem, ili čitanjem izvještaja komisija? Nema.

Otvaram raspravu klubova. Javio mi se gospodin vijećnik Ilija Jurišić, ispred Kluba vijećnika Socijaldemokratske partije SDP. Ilija izvolite.

ILIJA JURISIĆ - vijećnik Socijaldemokratske partije

Poštovane kolegice i kolege vijećnici, uvaženi predstavnici izvršne vlasti, poštovani mediji i gosti.

Program rada Gradskog vijeća je veoma važan dokumenat u kome se planira i određuje sadržaj rada Vijeća kroz svaku kalendarsku godinu. A on istovremeno determiniše, dobrim dijelom i rad izvršne vlasti Grada.

Izrada, donošenje i usvajanje godišnji programa rada je ujedno i zakonska obaveza Gradskog vijeća.

Na 14. redovnoj sjednici održanoj 27. 10. 2015. godine, ovo Vijeće je ovaj dokumenat razmatralo u formi nacrt, kojom prilikom je iznešeno niz prijedloga i sugestija za dograđivanje i poboljšanje teksta programa i kvantitativnog i kvalitativnog.

Osim toga, Nacrt programa rada je upućen i na javnu raspravu u trajanju od 30 dana. Javnu raspravu je realizovala naša Stručna služba Vijeća. I kroz javnu raspravu razmatran je ovaj sadržaj i dobili smo takođe nekoliko korisni prijedloga i sugestija koje su skoro sve uvrštene u prijedlog programa rada Gradskog vijeća za 2016. godinu.

Na taj način smo dobili još deset tematskih cjelina što sa 83 tematske cjeline koje smo imali u nacrtu imamo sada 93 tematske cjeline plus osam materijala ili tematski cjelina čiji rokovi realizacije nisu tačno određeni.

Inače godišnji program rada Gradskog vijeća obuhvata 15 oblasti života i rada građana u Tuzli, počev od uprave, samouprave, komunalne djelatnosti, pa do oblasti boračko-invalidske zaštite i saradnje sa inostranim subjektima itd. itd.

Kroz realizaciju ovog programa rada u 2016. godini Vijeće predviđa donošenje i usvajanje 17 odluka, 8 planova rada, 3 programa rada, razmatranje 31 informacije, 29 izvještaja, donošenje jedne analize, donošenje jednog poslovnika i 15 drugih dokumenata.

Ovo ukazuje da će i u narednom periodu aktivnost zakonodavne, a samim time i izvršne vlasti biti na visokom nivou. Program rada Gradskog vijeća za 2016. godinu obuhvata sve sadržaje i zadatke Vijeća koji proizlaze iz ustava, zakona i pravni dokumenata Grada Tuzle, kao i druge poslove i zadatke u nadležnosti Vijeća.

Ono što je najznačajnije i najbitnije je da on odražava interese i potrebe građana Tuzle i fokusira se na najznačajnijim životnim pitanjima građana.

Nije suvišno reći da on predstavlja sinergiju zakonodavne, izvršne vlasti, interese građana, kao i raspoloživi ljudski i materijalni resursa grada.

Ovakav prijedlog Gradskog vijeća Tuzla za 2016. godinu je jasan, pregledan, realan i provodiv.

U ovom obliku Klub Socijaldemokratske partije ga prihvata i grasaće za njegovo usvajanje. Hvala.

JOZO NIŠANDŽIĆ

Hvala. Ispred Kluba Bosanske stranke gospodin Mirnes Ajanović, ili vijećnik. Ne znam. Drug.

MIRNES AJANOVIĆ

Vijećnik. Može sve samo ne volim gospodin. Ali ne zamjeram ako kažete šta ćemo, to je, na žalost, to je na žalost postalo danas trend. Valjda ćemo taj trend nekad ukinuti. Svi smo mi ime i prezime, a ne to, ili ono što zaslužimo kroz rad, a ne onako što se samo od sebe nekako daje.

Program rada Vijeća treba da bude najvažniji akt jednog predstavničkog tijela, izvršnog organa, ili bilo kojeg organa u smislu toga šta će raditi u narednoj godini.

I ovako otvoreno za govornicom kažem da mene taj materijal najmanje interesuje. To je za mene najbeznačajniji materijal u okviru svega onoga što ja radim i što radimo mi kao BOSS u okviru jedne godine mandata.

Otvoreno vam kažem, nisam pročitao materijal. Nisam ni pogledao. Uzeo ga i ostavio.

Ne interesuje me program rada. Ovo Vijeće radi drugačije od svih ostalih institucija u državi. Svih bez imalo pretjerivanja. Ni jedna institucija u Bosni i Hercegovini, na bilo kakvom nivou, bilo kakve vrste zakonodavna, izvršna, predstavnička, onako nekakva, funkcionerska, mala, sitna, nebitna, bitna, ne radi kao ovo Gradsko vijeće.

Mi možemo nabrajati šta to nešto imamo poglavlje odluke, prijedloge, nacрте, izvještaje, informacije i to negdje u nekih 90-tak tačaka koje trebamo da uradimo u okviru jedne godine i da smatramo da smo mi izvršni, fantastični, jer neki ne rade i većina ne radi niti pola, ako urade pola, kažu da su fantastični. Obično se to vrti kako kažu oni centri civilni inicijativa nekih 20-tak, 30% i kažu eto uspjeli su bar to uraditi.

Mi ovaj rad, po programu rada, uradimo na način, da umjesto ovih 87, 90 tačaka i ne znam koliko sad ima, bilo je 87 kad smo raspravljao o nacrtu. U nacrt sam pogledao, program, ko god je želio šta dopunili, naravno da smo saglasni, ali prema izvještaju o radu to me interesuje.

Mene interesuje izvještaj o radu. Izvještaj o radu za prošlu godinu. Kada je takođe bio nekih 86 tačaka koje trebamo da uradimo, je bio da smo uradili 584. Za predprošlu godinu na isti način oko tih nekih 90-tak tačaka uradili smo 622 i šta mi imamo pričati o programu rada, raspravljati nešto nadugo, naširoko o nečemu kada ovo Vijeće radi drugačije.

Mi ne radimo samo iz segmenta djelovanja Grada Tuzle, nego radimo po svemu što je bitno za građane Tuzle, a što se odnosi na djelovanje institucija viših vlasti.

Evo danas imamo u okviru jedne tačke Dnevnog reda, problem uposlenika Tuzlanskog kantona, diskriminaciju evidentnu gdje je rečeno nema novca za isplatu određenih novčanih primanja nikome, a onda oni koji imaju platu i primanja po 3.500, 4.000 maraka, dobiju to, a oni što imaju 600 nemaju ništa.

I time se Vijeće bavi zato što su i to građani Tuzle, pa i da nisu, to su građani Bosne i Hercegovine i mi svojim djelovanjem u brojnim inicijativama, prijedlozima i svemu što smatramo da je bitno za državu Bosnu i Hercegovinu, a u okviru koje je naravno naša Tuzla, mi djelujemo.

Evo podsjećam, kada je 2014-te bilo ono sa poplavama, prvi smo reagovali, prvi smo odradili sve što je potrebno za građane. Naši prijedlozi, zaključci i naše dakle, zakonodavne, izvršne vlasti, uključujući i gradonačelnika i svih službi rezultirali su, da ono što smo mi sastavili svi, kao prijedlog mjera koji treba da se uradi inačine kako bi trebalo ubuduće da se spašavaju građani u slučaju elementarni nepogoda, to je preraslo u zakon na federalnom nivou.

Inicijativa dakle Grada Tuzle, svih nas i treba da se zna i da se zapamti, to nije zasluga ni jedne političke stranke, ni parlamentarne većine, ni opozicije, niti bilo koga, nego je to zasluga svih nas. Svakoga do onog zadnjeg 31-vog, prvog do 31-vog vijećnika. Mi smo naučili tako djelovati.

Ove tri godine iza nas, malo više gotovo, su uspostavile taj način dobrog funkcionisanja ovog Vijeća, pa i u okolnostima kada se malo i suprostavljamo sa stavovima, malo se i prepiremo, nekada se malo politički svađamo, ali sve je to u okviru korektnosti u okviru onoga što je naša dužnost da budemo korisni građanima i da svojim doprinosom damo što bolji kvalitet života koliko je moguće iz svega onoga što imamo i sa čime raspolažemo i zato je taj rezultat takav. Zato umjesto 80 i nekoliko tačaka materijala mi imamo po 600 materijala za svaku godinu.

Pretjerujemo sa radom. To jeste jedna vrsta nenormalnog političkog djelovanja, zato što se kod nas smatra normalnim kad se ne radi ništa, ili kad se radi minimalno. I evo to je ono što sam želio reći o ovom programu rada. Želim nam svima da buduća vijeća budu bar dio onoga što jeste ovaj saziv Gradskog vijeća, tada će građani imati mnogo veću sigurnost i sigurnije stanje da će uvijek neko biti ko će se na adekvatan način brinuti da bude koristan, smišljati, razmišljati kako kada dođe na svaku sjednicu Vijeća da je pročitao materijal i pripremio se.

Evo ja danas nisam pročitao prijedlog iz razloga što me zaista ne interesuje jer znam da će rad, shodno onome, što smo pokazali kao rad u proteklom periodu, prošloj, predprošloj godini i ovaj put izrazito nadmašiti ovaj program rada koji je pred nama i BOSS će glasati za njega.

JOZO NIŠANDŽIĆ

Hvala. Gospodin Sabahudin Imamović, Klub vijećnika Stranke demokratske akcije izvolite Imamoviću.

SABAHUDIN IMAMOVIĆ - vijećnik Stranke demokratske akcije

Hvala predsjedavajući. Dakle, pred nama je još jedan PROGRAM RADA GRADSKOG VIJEĆA TUZLA ZA narednu godinu. Sadržaj ovog programa se brusio i doradivao, kroz sve ove godine rada Vijeća, tako da smo dobili tekst kojem se nema puno šta ni dodati ni oduzeti.

Svi klubovi vijećnika su dali doprinos u kreiranju ovog programa. Između ostalog i Klub vijećnika Stranke demokratske akcije. Puno naših prijedloga, sugestija je uvaženo.

O onome na čemu trebamo insistirati je da brinemo o daljnjoj, o praćenju poštivanja programa i ja insistiram na disciplini praćenja programa rada.

Mislim da je ona na visokom nivou, ali eto, uvijek ima nekih materijala koji se uporno ne pojavljuju.

Ja moram to spomenuti za ovom govornicom. To je dakle izvještaj o radu i poslovanju Direkcije za obnovu i izgradnju koji se uporno pojavljuju u Programu sve ove godine, a nikada nismo dobili taj izvještaj i tu stvar treba riješiti.

I ona nesretna odluka o izgradnji i korištenju zaštite i održavanju i upravljanju mjesnim vodovodima, javnim bunarima i javnim česmama na području grada Tuzla koja se uporno donosi evo šestu godinu iako je davno trebala da budu usklađena sa federalnim Zakonom o vodama. Ali evo nadam se da će u narednoj godini to biti riješeno.

Klub vijećnika Stranke demokratske akcije je dao svoj prijedlog za da se u PROGRAM RADA GRADSKOG VIJEĆA TUZLA ZA 2016. GODINU uvrsti ova informacija u stvari već postoji u programu, dakle ona je (MEDIHA NUHBEGOVIĆ – Promijenjeno je, prihvaćeno.) da. Znači, informacija o realizaciji vijećnički inicijativa, ona je već uvrštena u program, mi samo tražimo da se te informacije raspravljaju svaka tri mjeseca.

Dakle, ne jednom u toku godine, svaka tri mjeseca jer mislim da je to jedan dio gdje izvršna vlast ne reaguje na pravi način i mislim da ćemo kroz insistiranje u ovoj informaciji natjerati izvršnu vlast da veću pažnju obrati na naše inicijative. Hvala.

JOZO NIŠANDŽIĆ

Hvala. Gospodin Elvir Kasumović, ispred Saveza za bolju budućnost. Izvolite Elvire.

ELVIR KASUMOVIĆ – vijećnik Saveza za bolju budućnost

Ovde se nama puno dodati, ali ono što bih ja želio istaći da je ovo okosnica, jednog, odnosno stub rada za narednu godinu Gradskog vijeća.

Naravno da će se uz ove predložene tačke, izuzetno veliki broj još pojaviti tačaka u vidu inicijativa ili predloženih novih tačaka dnevnog reda, na čemu, evo i mi ćemo dati svoj maksimalni doprinos, a sve zato da bi se nivo života građana grada Tuzle podigao na još veću, da kažem, na još veći stupanj.

Ono što jedino, čime nismo recimo zadovoljni, pa bi predložio jedan zaključak da se ide prema Oblasti građenja, urbanizma i prostornog uređenja. Desila su se mnoga pomjeranja tla vezano za ova klizišta itd. Vidimo u ovom izvještaju, za iduću godinu da su obuhvaćene samo četiri mjesne zajednice.

Naravno, vjerovatno će se to proširiti i na druge mjesne zajednice, ali ono što je zajednički cilj svih nas je, da razmatramo o tome da se kao tačka dnevnog reda stavi satelitsko snimanje područja grada Tuzle.

Na osnovu toga možemo da radimo sve ove urbanističke, odnosno regulacione planove, prostorne cjeline svih mjesnih zajednica. Sada je to nemoguće.

Ovo sve što predlaže se u ovoj formi, ne možemo uraditi jer je došlo do pomjeranja tla i u odnosu na ranije šeme, mislim da nema to ni svrhe, a ni efekta.

Znači prvo moramo na prvim sjednicama, za januarsku ili februarsku, da donesemo odluku o satelitskom snimanju i na osnovu toga da se rade i regulacioni i asanacioni planovi na području grada Tuzle. Hvala.

JOZO NIŠANDŽIĆ

Hvala. Od klubova vidim da se više. Gospođa Mijatović Jasminka, ispred Kluba vijećnika Hrvatske demokratske zajednice. Izvolite Jasminka.

JASMINKA MIJATOVIĆ - vijećnik Hrvatske demokratske zajednice

Hvala gospodine predsjedavajući. Pozdravljam sve nazočne. Klub HDZ-a Bosne i Hercegovine će dati potporu ovom programu rada, uvažavajući i činjenicu da sve ono što je u korist svih građana grada Tuzle i u korist svih 40 mjesnih zajednica na području našeg grada će svakako biti predmet rasprave ovog Vijeća u 2016. godini i cijenim i dijelim razmišljanja kolega koji su kazali da poštujući program rada, ovo Vijeće je uvijek davalo i značajan doprinos svim onim problemima koji su od interesa kako za građane, tako od interesa za zajednicu, pa i državu Bosnu i Hercegovinu.

Kada je riječ o amandmanima, odnosno prijedlozima koje je Klub HDZ-a istakao na prošloj sjednici, iz istih je vidljivo da smo imali potrebu istaći problem, a kolegica Softić je to i pitala, izgradnju, odnosno održavanje sportskih terena na području grada Tuzla i u tom kontekstu se takođe to pitanje moglo razmotriti u potrebi i davanja potpore stadionu Tušanj, ali sam evo i osobno i u ime Kluba tražila da se razmotri u narednom periodu informacija o aerozagađenju koje je, ja ću reći sad trenutačno najznačajniji problem koji je neophodno rješavati što prije, kako bi udisali zrak barem u dozvoljenim količinama, kako je to propisano zakonom i da zaštitimo zdravlje svih onih koji su u najugroženijim područjima.

Naravno da je to izuzetno težak i kompleksan problem, ali činjenica smo prepoznali potrebu tog rješenja, tog problema i nadam se da ćemo dati svoj doprinos u rješavanju istog i pomoći svima onima koji očekuju našu pomoć, ali i okruženju kako svi želimo da imamo u 2016. godini. Hvala.

JOZO NIŠANDŽIĆ

Hvala. Od klubova više mi se niko ne javlja. Zaključujem raspravu klubova. Otvaram raspravu vijećnika. Prva se javila gospođa Nada Mladina, zamjenica predsjedavajućeg. Izvolite gospođo Nado.

NADA MLADINA – zamjenik predsjedavajućeg Gradskog vijeća Tuzla - vijećnik Socijaldemokratske partije

Hvala lijepo. Poštovani predsjedavajući, poštovani vijećnici, predstavnici izvršne vlasti, predstavnici medija, dragi gosti, sve vas srdačno pozdravljam.

Vezano za PROGRAM RADA GRADSKOG VIJEĆA TUZLA, ranije Općinskog vijeća, mogu reći da smo uvijek imali zajednički stav i davali maksimalan doprinos, kao vijećnici i uvažavali sve ono što je u Javnoj raspravi oko progama rada Vijeća izrečeno.

I ovaj put je to urađeno korektno, kao što ste istakli i vi koji ste govorili u ime klubova. Ja bih htjela samo reći da, obzirom na to, da naš program rada, stvarni, realni program rada za jednu kalendarsku godinu je puno obimniji od ovoga koji mi predviđamo, a u ovome nije izostavljena ni jedna oblast za koju smo, kao najviše zakonodavno tijelo ovog grada zaduženi. Da je realizacija takvog obimnog programa rada uveliko ovisna o poštovanju programa rada Vijeća od strane obrađivača materijala, kako je rečeno, po planu, rasporedu itd.

Hoću da kažem da nisu svi obrađivači materijala dovoljno ažurni da poštuju program rada Vijeća, pa se događa da onda na neke materijale čekamo, a neke materijale ostavljamo i mi da čekaju na našem odlučivanju.

Ja se nadam da će u narednom periodu, obzirom na ranije primjedbe, sugestije, apele itd. to biti uvaženo i da ćemo imati usklađen rad, tako da program rada Gradskog vijeća bude

zbilja ovakav kako smo ga zamislili, barem u ovom dijelu koji je obavezujući za one koji obrađuju te materijale.

Gospođa Mijatović je govorila posebno ispred Kluba Hrvatske demokratske zajednice, vezano za njihovu sugestiju za dopunu, vezano za informaciju o aerozagađenju. U suštini problem je vezan ne samo za aerozagađenje, nego općenito za zdrav život, zdravu okolinu. Međutim, mi smo ove godine imali situaciju da nam Ministarstvo nadležno nije htjelo dostaviti materijal, rekli su da nismo nadležni da raspravljamo o tome, a evo sad kada je bila urgencija i kada je alarmantna situacija sad su bili dobri, na intervenciju naše drage sekretara Vijeća, dobili smo neku informaciju, kao podlogu za raspravu.

Mislim da bi ta saradnja, koordinacija između kantonalnih, Gradskog vijeća, pa i nekih, što kažu međuopćinskih, zašto ne, informacija koje bi doprinijele realizaciji programa rada bilo kog od zakonodavnih tijela na našem kantonu i u Bosni i Hercegovini, značajno doprinijela da imamo efikasniji rad na svim nivoima.

Mi ne govorimo i gospodin Ajanović, sigurna sam, nije govorio zato da se hvalimo, nego je to činjenica. Ovo je možda, što ja govorim, više priliči da govorimo o izvještaju o radu, ali ja hoću da kažem da je za realizaciju svega ovoga, osim nas vijećnika koji bez obzira što neko podcjenjuje naš rad, velika zasluga nas vijećnika za ovakav realizovani Program rada i vjerujem da će tako biti do kraja našeg mandata.

Ali je jako zaslužna Stručna služba, moram reći malobrojna, Stručna služba Vijeća koja na svojim plećima iznosi veliki posao i radi ga vrlo korektno. Ja se ne sjećam da je iko od vijećnika imao primjedbe, ali red je i pohvaliti.

Ja im ovim putem izražavam posebnu zahvalnost i priznanje. Vjerujem u ime svih vijećnika, posebno sekretaru Vijeća, našoj Medihi Nuhbegović. Hvala vam lijepa.

JOZO NIŠANDŽIĆ

Hvala. Javio se Jasmin Habul, vijećnik Saveza za bolju budućnost.

JASMIN HABUL – vijećnik Saveza za bolju budućnost

Zahvaljujem predsjedavajući. Kako to lijepo zvuči Savez za bolju budućnost.

Pozdravljam sve prisutne, pozdravljam medije, naročito pozdravljam sve građane grada Tuzle koji sjednicu će pratiti i u snimku preko RTV 7 i portala.

Iskoristio bi ovu priliku da svim građanima grada Tuzle katoličke vjeroispovijesti čestitam predstojeći blagdan Božić. Takođe svim građanima grada Tuzle čestitao bi Novu godinu, zaželio uspjeh, zdravlja i sreće. Kao i pripadnicima srpske vjeroispovijesti, predstojeći, srpski Božić. (NADA MLADINA – Pravoslavni.) Pravoslavni, pardon, ispričavam se.

Želio bi samo naglasiti da, što se tiče programa rada za 2016. godinu nemam apsolutno nikakvi primjedbi samo, što kaže, imamo, predstoji nam veliki i obiman zadatak da ovo sve ispoštujemo i privedemo kraju, kao što je i ova 2015.godina dovedena, s ciljem da imamo što više konsenzusa i političkog djelovanja i što boljeg rješavanja problema.

Samo bi u jednom segmentu, informacija o aerozagađenju grada Tuzle, koja je predviđena za 2016. godinu, obzirom da nam je top, tema je goruća, predlažem, ako je to moguće da ova informacija se prebaci za mjesec januar.

Ako krenemo s tom problematikom od prvog mjeseca do kraja godine ćemo sigurno riješiti, pa nećemo dočekati kraj godine u ovakvim uvjetima.

Tako da bi to možda bilo bolje ako se mi slažemo i to je tehnički izvodljivo da krenemo što kaže već od prvog mjeseca, pa da u toku čitave godine imamo dovoljno prostora za to rješavanje da se ne dovedemo u ovakvu situaciju. Hvala.

JOZO NIŠANDŽIĆ

Hvala. Ako nema niko više, zaključujem raspravu vijećnika. Ja predlažem da nas sekretar Vijeća upozna upravo sa predloženim Amandmanima. Izvolite.

Da sačekamo. Dok ona dođe i ja se priključujem upravo diskusiji Nade, kada je rekla za Službu, a imamo pravo, (MIRNES AJANOVIĆ – Svi mi.) svi mi, da kažemo, zaista to da naša Stručna služba Gradskoga vijeća zaista pruža maksimalne napore da nama vijećnicima se udovolji, ono što se može uslužiti. Prema tome, i moja što kaže, svi čestitamo Službi znači na čelu sa našom Medihom.

MEDIHA NUHBEGOVIĆ

Hvala lijepa u ime Službe. Dakle, imamo nekoliko Amandmana, pa da se kao Služba, odnosno obrađivač izjasnimo, a pretpostavljam da će se i Kolegij Vijeća složiti s tim.

Dakle, Klub vijećnika Tuzlanske alternative je podnio Amandman i on predlaže da je u program rada u narednoj godini uvrsti Informacija o radu na realizaciji projekta poslovno-proizvodne zone Kreka-Sjever u Tuzli i za april i za septembar mjesec, što mi prihvatamo, kao obrađivač. Konsultovali smo se sa resornom Službom.

Dalje, Klub vijećnika Stranke demokratske akcije je imao prijedlog da se pomjere rokovi, odnosno da se tromjesečno razmatra informacija o realizaciji vijećničkih inicijativa u maju, junu, septembru i decembru. Što takođe prihvatamo. Mi ćemo se potruditi, a ono što dobijemo prezentirat ćemo, što ne dobijemo nije do nas.

I imali smo sad prijedlog gospodina Habula, da se u oblasti zaštite okoliše uvrsti, da se informacija o aerozagađenju razmatra u januaru mjesecu, što takođe prihvatamo. Mi ćemo tražiti od Ministarstva da nam to dostavi. Eto. Mislim da se to može prihvatiti.

I imali smo jedan zaključak koji je gospodin Kasumović jel predložio, a tiče se potrebe satelitskog snimanja terena da mi zahtijevamo, da u znači narednoj godini što prije, po mogućnosti najkasnije do februara da nam se prvo dostavi informacija o potrebi satelitskog snimanja, a koja bi bila osnova za izradu regulacionih i sanacionih planova sa podacima o stanju tla, nakon pojave klizišta tokom 2014. godine. koja će sadržavat prijedlog mjera, eventualno, ako je potrebno donijeti kakvu odluku, ako se slaže predlagač.

Eto, onda bi to bio zaključak. Pa molim prvo zaključak da se stavi na glasanje, pa onda materijal u cjelini.

JOZO NIŠANDŽIĆ

Evo čuli smo. Ko je za prijedlog zaključka, prvo da se izjasnimo o prijedlogu zaključka? (29) Ima li neko protiv? (Nema.) Uzdržan? (Nema.)

Konstatujem da je predloženi zaključak vijećnika Kasumovića, jednoglasno prihvaćen, 29 vijećnika je glasalo za, nema niko protiv, nema suzdržan.

Idemo sada na izjašnjavanje PROGRAMA RADA GRADSKOG VIJEĆA TUZLA ZA 2016. GODINU uvažavajući svakako ove Amandmane koje je predlagač prihvatio.

Ko je za PROGRAM RADA GRADSKOG VIJEĆA TUZLA ZA 2016. GODINU, molim da digne ruku? (29) Ima li neko protiv? (Nema.) Uzdržan? (Nema.)

Konstatujem da smo PROGRAM RADA GRADSKOG VIJEĆA TUZLA ZA 2016. GODINU, jednoglasno usvojili 29 vijećnika je bilo za, nema niko protiv, nema suzdržan, te je: Uz konstataciju da je Obrađivač prihvatio i da su sastavni dio Programa rada Gradskog vijeća Tuzla za 2015. godinu slijedeći amandmani:

-U oblasti uprave i mjesne samouprave, u tački 1. mijenjaju se rokovi u vezi sa Informacijom o realizaciji vijećničkih inicijativa mijenjaju se rokovi tako da će se ista razmatrati u slijedećim mjesecima:

- mart/ožujak 2016. godine
- juni/lipanj 2016. godine
- septembar/rujan 2016. godine
- decembar/prosinac 2016. godine

-U oblasti poduzetništva dodaje se nova tačka:

4. Informacija o radu na realizaciji projekta poslovno-proizvodne zone Kreka-Sjever
PREDLAGAČ: Gradonačelnik Grada Tuzla

OBRAĐIVAČ: Služba za razvoj, poduzetništvo i društvene djelatnosti

ROK: mart/ožujak 2016. godine

septembar/rujan 2016. godine

-U oblasti zaštite okoline u vezi sa Informacijom o aerozagadenju mijenjaju se rokovi tako da će se ista razmatrati u slijedećim mjesecima: januar/siječanj 2015. godine

Zaključak:

-Gradsko vijeće Grada Tuzla, zahtijeva da se u narednoj kalendarskoj godini razmatra Informacija opotrebi satelitskog snimanja, koji bi bio osnova za izradu regulacionih i sanacionih planova sa podacima o stanju tla nakon pojave klizišta tokom 2014. godine sa prijedlozima mjera.

(MIRNES AJANOVIĆ – Poslovnička.) Izvolte Gospodin Ajanović ima poslovničku.

MIRNES AJANOVIĆ

Je li ja nisam dobro pogledao, a izgleda da jesam. A u Vijeću današnjem nema informacije koja je prošli put na Vijeću određena da će biti na današnjem Vijeću.

To je propust koji se ne treba događati. Evo sad smo govorili kako rade ove službe, kako rade i Stručna služba i evo sad imamo pogrešku.

Tačka koja je morala biti u dnevnom redu, po zahtjevu i osluci Vijeća, nije danas u dnevnom redu. Dogovorili smo se da danas dobijemo informaciju o realizaciji obilježavanja proslave dočeka Nove godine. (MEDIHA NUHBEGOVIĆ – Nismo dobili materijal.)

Ama, ne interesuje me da nismo dobili materijal. Stručna služba je trebalo to da uradi. I neću da čujem kao vijećnik ovde, nismo dobili materijal. To je trebalo da dobijemo informaciju i na Kolegiju i danas tražim da e izjasnimo. Pošto nema tačke, stavimo je recimo razmatranje informacije o podršci Grada Tuzle projektima i aktivnostima mladih. U okviru te 13-te tačke, neka dođe Kemo Kurević, šef Službe za komunalne poslove, pošto je zadužen. Vedran Lakić, dovedite ih i hoću da čujem informaciju.

Obećali smo građanima. Ispade da lažemo ljude. Ja to neću da dopustim. I ovo je nedopustivo. Ovo je kritika, dakle Stručnoj službi, pa i sekretaru Vijeća sav rad je odličan, ali nemojte ovakve propuste da pravite.

Ako je Vijeće na jednoj sjednici donijelo odluku i zaključak da se na slijedeću sjednicu nešto uvrštava. Nema više rasprave da ja provjeravam hoće li to biti što je usvojena od Vijeća, realizovano.

I to je nedopustivo. I to se ne smije događati u okviru rada Vijeća. Neću da moram provjeravati sve.

Neću da moram trošiti bespotrebno svoje vrijeme ili bilo koje druge riječi. (JOZO NIŠANDŽIĆ – Dobro.) Molim vas sačekajte predsjedavajući.

Poslovnička intervencija. neću da trošimo svoje vrijeme na način da stalno nešto moramo provjeravati da li je, što se odluči i donese, ugovori, dogovori, izgasa, realizovano.

Danas informacija mora biti. Neka dođu gospoda. Ja sam razgovarao svakako sa Kemalom Kurevićem. Sa direktorom Panonike. I on je zadužen. Ja imam informaciju, neću ja da pričam o informaciji.

Oni koji trebaju da kažu su nadležni. Predlažem u okviru tačke 13. da se Vijeće izjasni, da imamo dakle u okviru te tačke, pa evo može se prisloniti aktivnostima mladih, evo ja kao nekakav mladi sam ja ko fol predložio, ko fol mladi, da se raspravlja. Nije to samo za mlade. To je za stare, starije, a prvenstveno i za ovu našu omladinu koja svakako bježi iz Bosne i Hercegovine. Gleda svaki način kako će otići. Dajmo im barem jedan mali te nekakve nade da i u nas u gradu možemo imati tu bar novogodišnju atmosferu kakva je u evropskim gradovima. Barem minimalno.

I rečeno je danas da dobijemo informaciju, mi smo slagali ljude, rečeno je zašto je potrebna informacija, ljudi se već danas, kada budu slušali ili sutra, prekосуtra ovaj izvještaj, gledali ga na RTV 7 ili objektivno.ba da se mogu opredijeliti hoće li ostati ovdje u gradu, hoće li sjediti sami kod kuća bez možda i mogućnosti da na bilo kakav način obilježe Novu godinu, jer nemaju niti novaca niti sredstava, možda će neko biti gladan.

Da li će na trgu biti besplatna hrana, besplatni topli napitci, da će se organizovati razna privredna društva koja će dati svoj doprinos. Evo i Menprom će dati i on je prvi put dao prošli put i ostala privredna društva. Imam sve te informacije, ali ne mogu pričati kad nema tačke dnevnog reda. I neću ja da pričam, nadležne resorne zadužene službe i preduzeća trebaju to da kažu.

Ili nađite način da to uvrstimo sad naknadno u dnevni red, pa neka bude zadnja tačka, ili u okviru jedne od ovih tačaka, tražim da sekretar obezbijedi prisustvo Kemala Kurevića, Vedrana Lakića, direktora Panonike, (SABAHUDIN IMAMOVIĆ – I gradonačelnika.) i gradonačelnika ako treba. Ali ne moramo gradonačelnika, nije on, mi smo zadužili resorne službe. Gradonačelnik ovde ne mora biti ovde. (JOZO NIŠANDŽIĆ – Ajanoviću, biće da vam kažem.) Kako će biti?

JOZO NIŠANDŽIĆ

Da stavimo u devetu tačku, biće i obrađivači materijala, ja znam da su mene pitali izvršavaju. Ali evo.

MIRNES AJANOVIĆ

Znam ali da ne obmanjujemo građane. Ljudi čekaju. Svi su zainteresovani. Ja nisam do sada primjetio toliko nekakvu vrstu euforije kod građana koji kažu, da je za grad Tuzlu, za sve ostalo, značajno. Pa i za ostale opštine, možda će doći neko iz ostali opština da prošeta Korzom, trgom, bez nekakvi oni halabuka kakve su uobičajene veliki novčanih sredstava.

Neće koštati ni jednu marku. Nema ni grupa, nema nikog, biće lagana muzika postavljena, ljudi da se druže, biće okićeno i da jednostavno osjete dio atmosfere, neko će se kod kuće, neko će u nekakvom objektu, ali će opet svi izaći, prošetati.

Družiti se, svi zajedno da se družimo, prodemo, prošetamo, pa opet svako svojoj kući. Ali nekakav optimizam da se počne stvarati, a ne samo apatija. Nemogućnost, beznađe i sve ono što znači sadašnji život ne samo u Bosni, nego i šire.

Eto. Molim da se Vijeće izjasni u vezi toga.

JOZO NIŠANDŽIĆ

Dobro. Evo molim vas. Predlažemo znači da ovu usmenu informaciju koju će obrađivači dati da bude u okviru tačke 9. oko mladih ovde, to je 13-ta tačka.

Ko je za ovo, molim vas, da digne ruku? (28) Ima li neko protiv? (Nema.) Uzdržan? (3)

Konstatujem 28 vijećnika su glasala za, nema niko protiv, dva su suzdržana, te znači da (NADA MLADINA – Tri suzdržana, ja sam glasala suzdržana.) A ti, nisam vidio. Izvinjavam se. Tri suzdržana. Hvala. Idemo dalje.

Prelazimo na četvrtu tačku Dnevnog reda:

ODLUKA O USLOVIMA, KRITERIJIMA I POSTUPKU ZA DODJELU I KUPOVINU NAPUŠTENIH STANOVA, PRIVATIZIRANIH PREDUZEĆA KOJI SU STAVLJENI NA RASPOLAGANJE GRADU TUZLA, KAO I NAPUŠTENIH STANOVA U VLASNIŠTVU GRADA TUZLA

Predlagач je Gradonačelnik Grada Tuzla.

Obrađivač je Služba za boračko-invalidsku zaštitu.

Materijal su razmatrali Komisija za statutarna pitanja i propise, Komisija za ekonomske odnose, Komisija za stambena pitanja i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? Molim vas, ima li ili nema? (Nema.) Čitanjem izvještaja komisija? Nema.

Otvaram raspravu klubova. Ima. Izvolite. Znači gospodin Haračić, ispred Kluba vijećnika Stranke demokratske akcije.

EDIN HARAČIĆ - vijećnik Stranke demokratske akcije

Selamim i pozdravljam sve prisutne. Pa evo. Nema posebno nešto da se kaže. Odluka je pred nama i manje više regulisat će ovo pitanje na nivou grada, ali obzirom da se tiče boračke populacije, ja imam potrebu i zadatak da vama predočim mišljenje, pa i u ime moje Boračke organizacije. Kada smo sagledali ovaj nacrt.

Dakle, ovim bodovnim. Ovim bodovnim cenzusom smatramo da postoji mogućnost da određene boračke kategorije, dakle budu oštećene u odnosu recimo na ljude koji su bili pod radnom obavezom ili u Civilnoj zaštiti, te stoga, evo da ne posebno elaboriram, dakle, da budem precizan, to se odnosi posebno na kategoriju demobilisani boraca, dobitnika najvećeg ratnog priznanja i logoraša.

Stoga predlažem da pod tačkom 7. se poveća ovaj bodovni cenzus za ove pomenute kategorije.

Dakle, pod tačkom 7. a), b) i c) sa 25 na 35; sa 15 na 25 i sa 10 na 15.

Pod tačkom 8. kod najviši ratnih priznanja sa pod jedan sa 50 na 70; pod dva sa 25 na 35 i pod 3. sa 10 na 20.

I takođe. Pod tačkom 11. logoraš, sa dva na tri boda.

Dakle, ovo što sam pomenuo se odnosi na ove kategorije, da nam se to ne desi.

Mi svi imamo tu obavezu jel i u okviru boračke populacije i u samom, među zaposlenicima grada Tuzle, ali i oni stanova koji će biti predmet drugih odluka, a koje su korisnici boračka populacija.

Stoga se nadam da trebamo imati razumijevanja za ove kategorije. Imamo još situacija, dakle, pomenut ću porodicu Hasić i dobitnika najvećeg ratnog priznanja koja takođe čeka rješavanje po ovom pitanju i ne samo porodice Hasić, ali evo ovo je što mi možemo i trebamo učiniti kada je u pitanju boračka populacija.

Sa svim ostalim dakle se slažemo i imam pitanje samo da li može neko u okviru Službe pojasniti koliko sada s ovom odlukom ide u rješavanje, koji broj stanova i kako će se rješavati preostali stanovi koji će biti predmet nekih drugih odluka?

Pa evo da mi neko ispred ove Službe odgovori.

JOZO NIŠANDŽIĆ

Dobit ćete odgovor. Hvala. Gospodin Elvir Kasumović, ispred Kluba Saveza za bolju budućnost. Izvolite.

ELVIR KASUMOVIĆ

Klub vijećnika Saveza za bolju budućnost, nije prevashodno želio podržati bilo kakvu odluku ove vrste, dok nismo dobili na naše traženje, kompletnu informaciju ko su korisnici stanova, napušteni stanova. U prvo vrijeme to se radilo o nakih stotinjak, na kraju je izašlo na neki 150 stanova. Vjerovatno toga ima još, ali to je možda materijal za neke druge organe.

Ono što smo uvidili u ovom prijedlogu ove odluke, a nedostatak, a to je, imamo recimo evo sedmo poglavlje kupovinu stana, ali nemamo zaštite tog stambenog fonda, pa predlažem da kao osmu, osmi odjeljak i član koji bi se dodato jel, da se osmi stavi kao zaštita prodati stanova i da se član 29. pomjeri na član 30. a član 29. da glasi, odnosno da mi formulišemo kao Vijeće, zaštitu nakon prodaje. Jer vidite nešto. Mi ćemo po zakonskoj cijeni koja je određena prodat stanove te od 600 maraka po kvadratu.

Kažem da, vjerovatno postoji mogućnost, od nekih ljudi da te stanove odma nakon otkupa prodaju po izuzetno većoj cijeni.

Prema tome, mi kao dobri domaćini i odgovorni vijećnici prema gradskoj imovini moramo zaštititi tu imovinu od dalje prodaje, odnosno od onih koji su recimo dobili stan ili izganjali ga samo radi toga da bi ga možda preprodali i stekli neku materijalnu korist.

Ovo je dato u najboljoj mogućoj namjeri korisnicima ovi stanova. Prema tome predlažem da se zaštiti ova gradska imovina, pa bar da se ograniči, nakon otkupa ovih stanova da se bar ograniči, ako ne za stalno, onda barem na nekih desetak godina da se kupac obveže da ne smije prodati stan. Time bi mikao Gradsko vijeće ozbiljno se ophodili prema ovoj gradskoj imovini, uz svo dužno poštovanje prema onima koji imaju krajnje potrebe i iskrene namjere, uvijek se kroz to provuće i neki ljudi kojima namjere i potreba nisu u skladu sa onim njihovim jel trenutnim, trenutnim životnim prilikama.

Prema tome, na ovaj način bi zaštitili stambeni fond grada, a još bi predložio, ukoliko imamo, da osobe koje nemaju nasljednika po pitanju ovog stambenog fonda, da se ponovo to vrati Gradskoj upravi, da bi opet nekoliko ovih socijalni, socijalni kategorija i boračke kategorije, da bi im se dalo mogućnost da dobije taj stan.

JOZO NIŠANDŽIĆ

Hvala. Ispred klubova je li tako? Edim Kadić, izvolite, ispred Kluba Bosanske stranke.

EDIM KADIĆ - vijećnik Bosanske stranke

Prvo želim da vas sve pozdravim. Da kažem Klub BOSS-a je razmatrao ovu odluku i imao bi par pitanja.

Kao prvo, raduje nas ova odluka, što je konačno nakon toliko da kažem vremena, kako je i proteklo, da imamo situaciju šta je sa napuštenim stanovima, da što kaže, stavimo ih u funkciju i da ih dobiju oni kojisu, da kažem, zaslužili.

Što se tiče borački populacija, ovde sam vidio da imaju ratni vojni invalidi, prve grupe. Ja ne znam. Ako može pomoćnik da nam kaže, zar je moguće da ratni vojni invalidi prve grupe u gradu Tuzli još nisu stambeno riješeni? To mi nekako.

Druga stvar. Kolko znam za stambeno rješavanje ovi kategorija je nadležno Ministarstvo za boračka pitanja i oni bi do sad, zaista sam iznenađen ako ima još, nakon 20 i nešto godina da Zlatni ljljani, porodice poginuli, ratni vojni invalidi prve grupe nisu do sad riješeni.

Drugo pitanje. Da li su učestvovali svi 9 organizacija borački iako ovaj put ponovo koristim priliku da pozovem boračke organizacije da naprave jednu jaku organizaciju.

Da je zaista devet organizacija, po mom mišljenju previše i da bi trebalo napraviti jednu jedinstvenu. Da li su učestvovali u izradi i bodovanju, što se tiče boračke populacije.

Hvala lijepo.

JOZO NIŠANDŽIĆ

Hvala. Od klubova ne vidim više niko da se javlja. Zaključujem raspravu klubova. Otvaram raspravu vijećnika. Habul Jasmin, Savez za bolju budućnost.

JASMIN HABUL

Hvala. Čitajući ovu odluku koja je pred nama ovde postavio bi nekoliko pitanja. Šta se podrazumijeva pod kadrom? Znači nosi neki 20 bodova ta tačka i kakav je to kadar tako neophodan da nije sebi riješio stambeno pitanje? Po meni je to, to bi trebalo izbaciti i ne bi se trebalo razmatrati uopšte.

Mislím, toliko imamo kadra i na Birou koji bi ljudi bez ove, što kaže, usluge vrijednosti jednog stana radili u institucija. Ipak, ovde se radi o imovini koja je jako vrijedna. Daje se po nekim povoljnim uslovima že je cijena kvadrata 600 maraka, a znamo kaka je tržišna i ekonomska cijena jednog kvadrata.

Gledajući analizu korisnika ovi stanova vidi se tu da se tu ne radi samo o starim stambenim jedinicama, ima tu i novogradnje. Dosta kvalitetni stanova tako da volio bi samo pojašnjenje da vidim, kadar, kad neko kaže, koji je to kadar i šta se podrazumijeva pod kadrom?

Razvedena lica, znači. U pomenutom dokumentu koji smo dobili u nacrtu, primjetio sam dosta lica koja su posjedovala neretnine, odnosno stanove, prilikom razvoda, ponova su dobili stanove. Da liće se uzeti u razmatranje da se preispita da li lica na sebi imaju neku nekretninu i da li se to podrazumijeva da će oni ući u ovu projekciju?

Smatram da bi se trebalo dosta voditi računa da lica koja se nalaze trenutno u stambenim jedinicama, kojima se pruža mogućnost stana moraju donijeti dokaz da ne posjeduju imovinu i da u tom periodu korištenja stana koji je dobio na raspolaganje nije prodao svoju nekretninu. Znači, dolazimo sad u situaciju da je čovjek možda, o ovom izuzimam sve one kategorije socijalnog karaktera.

Znači, da posjeduje neko imovinu, ne znam na koji način je dobio, da li nasljedstvom ili, a da ima mogućnost otkupa stambene jedinice na ovakav način i uz ovako minimalnu cijenu.

Mislím, volio bi da Komisija to decidno odradi, radi se zaista, čitali smo imena tu i volili bi da je materijal bio dostupan svim građanima, vjerovatno bi oni dijelili mišljenje sa mnom.

Još jednom hoću samo da znam koji su kadrovi koji zaslužuju da, koji su zaslužili da besplatno stanuju u novogradnji i koji imaju mogućnost otkupa stana po cijeni od 600 KM. Hvala.

JOZO NIŠANDŽIĆ

Hvala. Nema više pitanja. Zaključujem raspravu vijećnika. Ja ću zamoliti da ima i Pravobranilac je li tako. (Predsjednik Komisije.) A predsjednik Komisije. Izvolite. Gospodin Delić, predsjednik Komisije, Mirsad Delić, predsjednik Komisije. Izvolite.

MIRSAD DELIĆ – Gradski pravobranilac Tuzle

Dobar dan. Prije svega želim sve da vas pozdravim. I onim ćemo redom odgovarati kako su pitanja postavljena.

Gospodin Kasumović je pitao vezano za zabranu otuđenja, nakon kupoprodaje stana. U članu 28. ta je odredba već ugrađena. I predviđeno je da lice koje otkupi stan, ne može u roku od pet godina od upisa prava vlasništva u knjizi položenih ugovora, odnosno u gruntovnim knjigama otuđiti takav stan.

Ako smatrate da bude duži taj period nikakav problem. Mislím i u ime Komisije, a i resorna Služba, možemo prihvatiti takav amandman.

Drugo pitanje gospodina Kasumovića je u pitanju, znači vlasnici stanova bez nasljednika. To je pitanje regulisano Zakonom o nasljeđivanju i u tom slučaju Grad nasljeđuje takvu imovinu i već smo do sada imali, s obzirom da su na novom Zakonu o nasljeđivanju i notari ovlaštteni da vode ostavinski postupak dobili smo dva rješenja gdje je Grad proglašen za nasljednika iza umrlih lica koja su bila vlasnici stanova. To je što se vas tiče.

Pitanje gospodin Kadić je postavio pitanje za lica prve kategorije, ratni vojni invalida, zbog čega nije riješeno njihovo, do sada, stambeno pitanje. To, ja mislim da je pitanje trebalo biti upućeno Službi Kantona gdje su oni u nadležnosti da rješavaju takva pitanja. (EDIM KADIĆ – Koliko ima takvih?) E ne znam ja to može gospođa Atić odgovoriti.

Odluka je bila na Javnoj raspravi. U izradu Komisija je formirana od strane Gradonačelnika, za izradu nacрта odluke i vidite ko su sve bili članovi. Boračke populacije nisu bile uključene u izradi nacрта odluke, s obzirom da se radi o malo kompleksnijoj odluci sa pravnog aspekta. Ali je svima bilo omogućeno da uzmu učešća u Javnoj raspravi i eventualno da iznesu svoje primjedbe i prijedloge, kada je u pitanju tekst ove odluke.

Vidite u jednom dijelu, u zadnjem dijelu imate zapisnik sa javne rasprave, kakav je slab odziv bio lica na Javnoj raspravi koju je organizovala resorna Služba.

Pitanje gospodina Habula, ko se smatra kadrom. To je pitanje znači regulisano internim aktima. Ako. Znači, ovde imamo dvije kategorije stanova, jedni su stanovi napušteni

i privatizirani preduzeća i to vidite u prvom dijelu odluke da se o njima govori. Oni neće biti predmet dodjele sve dok se ne donese zakon o denacionalizaciji, odnosno restituciji.

A kada je u pitanju kadar u Gradu Tuzla, to je onaj neko ko je imao takav status Pravilnikom o unutrašnjoj organizaciji, koji je važio 19. 5. 2005. godine.

Zašto ovog datuma? Zato što je tog dana stupio na snagu Zakon o vraćanju i dodjeli i prodaji stanova, koji je poslužio kao pravni osnov za izradu ove odluke. Da bi se uopšte ti stanovi, moglo se njima raspolagati.

Kada je u pitanju cijena stana od 600 maraka kvadrat. To je Zakon utvrdio tu cijenu i mi na nju uticati ne možemo.

Postavili ste pitanje da li će moći aplicirati lica koja su imali riješeno stambeno pitanje. Iz same odluke proizilazi da takva lica neće moći, aplicirat, odnosno moći će se oni prijaviti, ali njihove prijave neće uzimati u obzir zato što su imali riješeno stambeno pitanje na određeni način, a onda su ga svojom greškom izgubili.

I to će biti, da vam kažem, siguran sam da ste dobro proučili ovaj materijal i vidite da vašu saglasnost, konačnu odluku znači daje Gradsko vijeće i imaćete prilike da vidite kompletan materijal, način bodovanja, koja su lica eventualno ušla u konkurenciju da dobiju taj stan. Tako da ja mislim to će biti jako transparentno i ne teba, po mom mišljenju, ne teba stvarati neku sumnju unaprijed u ljude koje će. Na kraju krajeva komisiju će imenovati i vi ćete učestvovati u imenovanju te komisije. Eto ja se nadam da sam vam odgovorio na ova pitanja, a ako treba ima i gospođa Atić da ovo iz ovog domena boračke zaštite. Hvala.

JOZO NIŠANDŽIĆ

Hvala. Gospodin Ajanović. Izvolite Ajanoviću.

MIRNES AJANOVIĆ

Odluka je u okviru Zakona, pogotovo Zakon o prodaju napuštenih stanova na kojima postoji stanarsko pravo, koja još datira početkom, dakle, 2003., četvrta godina. Dok je to išlo dok je bila kampanja vodila se, tad sam i ja bio predlagač izmjene Zakona, pa i cijena koja je određena 600 maraka je na osnovu mog prijedloga.

Nešto smo morali uraditi jer je trebalo se suprostaviti Međunarodnoj zajednici koja je tada vodila kampanju da agresorski oficiri, dakle svi oni koji su prebjegli u Srbiju, a koji su imali stanarsko pravo u Bosni i Hercegovini i koji su pucali po Bosni i Hercegovini i koji su dobili stan u Srbiji, trebaju da imaju stan i taj u Bosni i Hercegovini, pogotovo Federaciji. Takvih je u Federaciji bilo najviše, nije bio problem sa Republikom Srpskom.

I vodio sam prilično dugo tu kampanju i naišao sam na brojne terete, prepreke međunarodnih zvaničnika koji su smatrali da njima treba dati stanove, a istjerati boračku populaciju. Tad sam se bio žestoko sukobio sa Željkom Komšićem koji je kao Opštinski načelnik ignorisao Odluku Parlamenta i Zakon i nije želio deložirati ni jednog četnika iz tih stanova. Moram tako reći.

Čak me tužio, pardon ja sam ga, on je rekao da sam ja ništa, dezertar, ovakav, onakav. Vrlo brutalno, tužio sam ga, pa se morao na Sudu izvinjavati. Pisano izvinuti da je pogriješio.

Inače bi bio osuđen, kao klevetnik jer je rekao da sam dezertar što nije tačno. Bio sam dobrovoljac. A Tuzla je tada, zahvaljujući tome, imamo sad ovih stanova na raspolaganju, u potpunosti, do zadnjeg, deložirala svakog tog oficira koji je imao stan u Srbiji, a koji je bio u stanu i u Tuzli.

Tako da, kao grad, smo ispoštovali Zakon i po nekim procjenama, oko milijardu maraka smo tim Zakonom uštedili na način da su stanovi ostali našim borcima, ljudima koji

su branili Bosnu i Hercegovinu. Radnicima i svima onima koji su zaslužili te stanove, a ovaj iznos od 600 maraka je ostao dakle, kao jedna vrsta, eto te kompenzacije onim, eventualno pojedincima koji nisu dobili stan u Srbiji, samo pod tim uslovima su mogli, po tom zakonu ostvariti svoje pravo. Ali većina njih, koji su napustili Bosnu, su odmah dobili stan u Srbiji, jer je to bila, između ostalih, nagrada zato što su pucali po svojoj domovini i ubijali ljude u svojoj domovini. Svim onim što se dešavalo u toku agresije na Bosnu i Hercegovinu od strane Srbije. (JOZO NIŠANDŽIĆ – Dobro.) Eto to je informacija zašto ova odluka ovakva u ovim okvirima. Dakle, to ne možemo mijenjati, odluka je korektna.

Uvijek nešto može biti još gore, dole bolja, ali negdje se mora donijeti presjek i zauzeti stav da je ovo u okvirima nečega što sad treba usvojiti, a evo ovo su osnovi koje sam istakao zašto su propisi nas odredili u okviru ovih svih okolnosti. Hvala.

JOZO NIŠANDŽIĆ

Jasmin Habul. Izvolite.

JASMIN HABUL

Zahvaljujem se gospodinu Deliću na pojašnjenju neke stvari. Samo ja nisam dobio konkretan odgovor. Možda nije pravo mjesto, ko su ti kadrovi. To me interesuje i zbog čega oni nose 20 bodova, mislim da to je previše. Kad kažemo deficitarni kadar, ako je toliko tražen, vjerovatno je trebo riješiti svoje stambeno pitanje na drugačiji način. Ja ne vidim u Bosni i Hercegovini deficitarnog kadra, izuzev prevodilaca s kineskog jezika nekog tu.

Ne znam, što kaže, volio bi da sam bio vijećnik te 2004. kada su ove odluke rađene i dodjeljivani takvi stanovi. Ne znam od koga mogu dobiti odgovor, što kaže, ko su ti, volio bi čak imena i prezimena da vidim koji su to ljudi toliko deficitarni koji su dobili besplatno stan kojeg će otkupiti po ovako minimalnoj cijeni.

Predpostavljam da ti kadrovi nisu dobili neki stari stan bez grijanja, na nekin neatraktivnim lokacijama.

Samo me interesuje ko su i ako je moguće imena da se dobiju.

JOZO NIŠANDŽIĆ

Hvala. Edin Haračić. Izvolite.

EDIN HARAČIĆ

Evo samo kratko ću, obzirom da je predsjednik Komisije odgovorio kolegama, interesuje me, hoće li neko u ime Službe dakle, samo da odgovori na ovaj moj prijedlog amandmana na ovu odluku i na ovo pitanje koje sam postavio?

JOZO NIŠANDŽIĆ

Hvala. Elvir Kasumović. Izvolite Kasumoviću.

ELVIR KASUMOVIĆ

Hvala. Evo ja se zahvaljujem gospodinu Deliću na pojašnjenju, pa predlažem da u članu 27. navedeno je, „na sva ostala pojedinačna međusobna prava poslodavca i kupca stana,

koja nisu regulisana ovom odlukom primjenjuje se odgovarajuće odredbe Zakona o prodaji stanova na kojima postoji stanarsko pravo u FBiH“ zarez „i Zakon o nasljedstvu“ koji ste vi naveli ako već, kad već navodimo i ovaj Zakon o prodaji stanova, da navedeno i ovaj Zakon o nasljedstvu, ako uvažavate.

I u članu 28. znači umjesto da se stan ne može otuđiti naredni pet, da se stavi deset godina. Eto to je odprilike.

JOZO NIŠANDŽIĆ

Obrađivač. Izvolite. Gospođa Admira Tupković, Pomoćnik Gradonačelnika za stambene poslove, povratak.

ADMIRA TUPKOVIĆ – Pomoćnik Gradonačelnika za za boračko-invalidsku zaštitu, stambene poslove i povratak

Hvala predsjedavajući. Ja vas sve srdačno pozdravljam u ime moje službe i svoje lično ime.

Sa vijećnikom Haračićem, ja sam imala razgovore, vezano za nacrt ove odluke, odnosno u toku trajanja Javne rasprave. Razgovarali smo o sistemu bodovanja i ja se naravno slažem da se ovaj sistem bodova, odnosno da se bodovi, za koje je predložio korekciju gospodin Haračić, uvažavaju u prijedlog ove odluke.

Jer uvijek je ovo Vijeće radilo u interesu zaštite pravih boraca, a upravo to ste vi i predložili.

Tako da u tom dijelu znači, naravno predlažem da se ugrade vaši amandmani u prijedlog. (MEDIHA NUHBEGOVIĆ – Koji amandmani, recite.) Sad vezano za sistem bodovanja.

Za broj bodova, u članu 7. odluke, dakle demobilisani borac, je li tako, da se umjesto 25 bodova da to bude 35 bodova u alineji a), u b) 20 bodova, a pod c) 15 bodova, ako se ne varam, je li tako gospodine Haračiću. (EDIN HARAČIĆ – 25 pod b), a 15.) 35, 25, 15.

Zatim da se u članu 8. nosilac najviši ratnih priznanja izvrši korekcija znači sa 50 na 70; sa 25 na 35 i sa 10 na 20. I zatim kod logoraša u članu 11. znači umjesto dva boda koja su predviđena, da to budu tri boda. (JOZO NIŠANDŽIĆ – To prihvatate, je li tako.)

Što se tiče pitanja gospodina Kadića, naš Pravobranilac je rekao znači, a i svi znamo da se radi o izvornoj nadležnosti Tuzlanskog kantona vezano za boračku populaciju.

Prema našim saznanjima imamo dva, na žalost, korisnika iz reda boračke populacije II grupe, a to je gospodin Adil Mešanović i imamo Hasić Edisa. Obje ove porodice se nalaze u stamovima napuštenim stanovima privatiziranih preduzeća koji su stavljeni na raspolaganje Gradu Tuzla.

Iz tih razloga smo uvrstili upravo i ove kategorije u prijedlog ovog našeg, naše odluke.

Ne znam da li ima još nešto. (JOZO NIŠANDŽIĆ – Vi ste rekli da to prihvatate, je li njihove prijedloge?) Jeste. Je li to u skladu sa zakonom, po Poslovniku, može? Znači može.

Znači, evo molim vas da sačekamo sekretar, piše vjerovatno zaključke. (NADA MLADINA – Evo poslovničku.) Izvolite.

NADA MLADINA

Poslovnička intervencija se odnosi na slijedeće. Koliko znam Poslovnik reguliše podnošenje pisanih Amandmana tačno 48 sati i prije itd.

Svi Amandmani danas koji su iznešeni, iznešeni su usmeno ili mada ih predlagač prihvata, nemam ništa protiv prihvatanja Amandmana, ali mislim da je poslovnički trebalo korektno se svi ponašati, kada je već sve tako da to uradimo a dobili smo materijale na vrijeme.

Evo molim vas, jer osjećaju se drugi ružno koji to nisu uradili, ne za ovu odluku, nego općenito. Počet ćemo uvoditi ovo kao praksu. (MIRNES AJANOVIĆ – Mogu li ja poslovničku?)

JOZO NIŠANDŽIĆ

Izvolite.

MIRNES AJANOVIĆ

Predsjedavajuća je u pravu. Ne može usmeno. Poslovnički nije dozvoljeno. Ja predlažem pauzu pet minuta, deset, da napravimo pisani Amandman i da se dostavi i da budemo u okviru Poslovnika. Može li tako? Može. Pisamo može, ali mora pisani i stavite da budemo u formi, da poštujemo Poslovnik. U pravu je predsjedavajuća.

Pet minuta pauzu, ili deset, napišite Amandman i onda ga imamo u okviru poslovnički prava i da završimo.

JOZO NIŠANDŽIĆ

Dajem pet minuta pauzu i neka se Služba Admira, sjedite i dogovorite se molim vas. (Pauza.)

Nastavljamo s radom. Molim vijećnike da uđu u salu. Obzirom da je bila pauza koju je tražio predsjednik Kluba Bosanske stranke, hoćete li se vi obratiti prvo ili. Izvolite, tako se dogovorili.

MIRNES AJANOVIĆ

Pošto po poslovničkom statusu i obavezi predlagač pauze mora reći šta je bilona pauzi i šta su se dogovorili.

Ja ne znam šta su se dogovorili. Ja znam da je razlog pauze bio to da se napiše Amandman. Da Amandman koji je predložen bude sastavni dio dakle, ili ako će se izjasniti predlagač da ga prihvata i da se izjašnjavamo o njemu. Amandman je napisan.

Da ne bi bilo nešto, mene je interesovalo već nisam želio da ulazim u prijedlog kolege, kojeg sam svakako podržao prije. Eto tako da imamo ispunjene poslovničke uslove za nastavak rada. Hvala.

JOZO NIŠANDŽIĆ

Hvala. Gospođa Admira Tupković, hoćete li se izjasniti vezano da prihataete i Amandmane? Neka izađe za govornicom, da uđe u stenogram.

ADMIRA TUPKOVIĆ

Ovako znači, Amandman I. U članu 27. ODLUKE O USLOVIMA, KRITERIJIMA I POSTUPKU ZA DODJELU I KUPOVINU NAPUŠTENIH STANOVA,

PRIVATIZIRANIH PREDUZEĆA KOJI SU STAVLJENI NA RASPOLAGANJE GRADU TUZLA, KAO I NAPUŠTENIH STANOVA U VLASNIŠTVU GRADA TUZLA na kraju rečenice briše se tačka i dodaju riječi “i Zakona o naslijeđivanju Federacije BiH”:

Amandman II u članu 28. odluke, riječi “pet godina”, zamjenjuju se riječima “deset godina”.

Amandman III u članu 13. odluke u tački 7. mijenja se broj bodova. U podtački a) sa 25 na 35. U podtački b) sa 15 na 25 bodova. I podtački c) sa 10 na 15 bodova.

U tački 13. odluke. U tački 8. mijenja se broj bodova u potački jedan sa 50 na 70, u podtački dva sa 28 na 35, a u podtački tri sa 10 na 20 bodova.

Te zadnje, u članu 13. odluke u tački 11. mijenja se broj bodova sa dva na tri. Naravno, mi kao obrađivači se slažemo sa predloženim Amandmanima.

JOZO NIŠANDŽIĆ

Hvala. Evo vidite. Pristupamo izjašnjavanju, predlagač je prihvatio predložene Amandman i postaju sastavni dio, znači ove odluke, ko je za ODLUKU O USLOVIMA, KRITERIJIMA I POSTUPKU ZA DODJELU I KUPOVINU NAPUŠTENIH STANOVA, PRIVATIZIRANIH PREDUZEĆA KOJI SU STAVLJENI NA RASPOLAGANJE GRADU TUZLA, KAO I NAPUŠTENIH STANOVA U VLASNIŠTVU GRADA TUZLA, molim da digne ruku? (27) Ima li neko protiv? (Nema.) Uzdržan? (Nema.)

Konstatujem da je ODLUKA O USLOVIMA, KRITERIJIMA I POSTUPKU ZA DODJELU I KUPOVINU NAPUŠTENIH STANOVA, PRIVATIZIRANIH PREDUZEĆA KOJI SU STAVLJENI NA RASPOLAGANJE GRADU TUZLA, KAO I NAPUŠTENIH STANOVA U VLASNIŠTVU GRADA TUZLA jednoglasno prihvaćena, 27 vijećnika je glasalo za, nema niko protiv, nema suzdržan, uz konstataciju da su od strane obrađivača prihvaćeni i postali sastavni dio Odluke, slijedeći Amandmani:

- U članu 27. Odluke uslovima, kriterijima i postupku za dodjelu i kupovinu napuštenih stanova, privatiziranih preduzeća koji su stavljeni na raspolaganje Gradu Tuzla, kao i napuštenih stanova u vlasništvu Grada Tuzla (u daljem tekstu: odluka), na kraju rečenice briše se tačka i dodaju riječi:” i Zakona o naslijeđivanju Federacije BiH”.
- U članu 28. Odluka o riječi: pet godina”, zamjenju se riječima “deset godina”.
- U članu 13. Odluke, u tački 7. mijenja se broj bodova u podtački a) sa 25 na 35 bodova; podtački b) sa 15 na 25 bodova i podtački c) sa 10 na 15 bodova.
- U tački 13. Odluke u tački 8. mijenja se broj bodova u podtački 1. sa 50 na 70 bodova, u podtački 2. sa 28 na 35 bodova, u podtački 3. sa 10 na 20. bodova.
- U članu 13. Odluke u tački 11. mijenja se broj bodova sa 2 na 3.

Prelazimo na petu tačku dnevnog reda:

a) ODLUKA O DOPUNI ODLUKE O PROGLAŠENJU DOBROM U OPĆOJ UPOTREBI

(JKP “Komunalac” d.o.o. Tuzla)

b) ODLUKA O DOPUNI ODLUKE O PROGLAŠENJU JAVNIH DOBARA

(JKP “Centralno grijanje” d.d. Tuzla)

c) ODLUKA O DOPUNI ODLUKE O PROGLAŠENJU JAVNIM VODNIM DOBROM

(JKP “Vodovod i kanalizacija” d.o.o. Tuzla)

Predlagač je Gradonačelnik Grada Tuzla.

Obrađivač je Služba za komunalne poslove, izgradnju i pitanja mjesnih zajednica.

Materijal su razmatrali Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalna pitanja i pitanja mjesnih zajednica i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija. (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. (Nema.) Zaključujem raspravu vijećnika.

Molim vas da se izjasnimo. Idemo pod a), b) i c) pojedinačno.

Ko je za a) ODLUKU O DOPUNI ODLUKE O PROGLAŠENJU DOBROM U OPĆOJ UPOTREBI

(JKP "Komunalac" d.o.o. Tuzla), molim da digne ruku? (27) Ima li neko protiv? (Nema.) Uzdržan? (Nema.)

Konstatujem da je 27 vijećnika glasalo za, nema niko protiv, nema suzdržan te je jednoglasno prihvaćena a) ODLUKA O DOPUNI ODLUKE O PROGLAŠENJU DOBROM U OPĆOJ UPOTREBI

(JKP "Komunalac" d.o.o. Tuzla).

Ko je za b) ODLUKU O DOPUNI ODLUKE O PROGLAŠENJU JAVNIH DOBARA

(JKP "Centralno grijanje" d.d. Tuzla) molim da digne ruku? (28) Ima li neko protiv? (Nema.) Uzdržan? (Nema.)

Konstatujem da je 28 vijećnika glasalo za, nema niko protiv, nema suzdržan te je jednoglasno prihvaćena b) ODLUKA O DOPUNI ODLUKE O PROGLAŠENJU JAVNIH DOBARA

(JKP "Centralno grijanje" d.d. Tuzla).

Ko je za c) ODLUKU O DOPUNI ODLUKE O PROGLAŠENJU JAVNIM VODNIM DOBROM

(JKP "Vodovod i kanalizacija" d.o.o. Tuzla) molim da digne ruku? (28) Ima li neko protiv? (Nema.) Uzdržan? (Nema.)

Konstatujem da je 28 vijećnika glasalo za, nema niko protiv, nema suzdržan te je jednoglasno prihvaćena c) ODLUKA O DOPUNI ODLUKE O PROGLAŠENJU JAVNIM VODNIM DOBROM

(JKP "Vodovod i kanalizacija" d.o.o. Tuzla).

Prelazimo na šestu tačku Dnevnog reda:

ODLUKA O DAVANJU SAGLASNOSTI ZA ZAKLJUČENJE UGOVORA O REGULISANJU MEĐUSOBNIH PRAVA I OBAVEZA U VEZI SA POVJERAVANJEM NA UPRAVLJANJE I KORIŠTENJE JAVNIH DOBARA IZMEĐU GRADA TUZLA I JAVNIH KOMUNALNIH PREDUZEĆA ČIJI JE OSNIVAČ GRAD TUZLA

Predlagач je Gradonačelnik Grada Tuzla.

Obrađivač je Služba za komunalne poslove, izgradnju i pitanja mjesnih zajednica.

Materijal su razmatrali Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalna pitanja i pitanja mjesnih zajednica i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. (Nema.) Zaključujem raspravu vijećnika.

Molim vas da se izjasnimo. Ko je za usvajanje ODLUKE O DAVANJU SAGLASNOSTI ZA ZAKLJUČENJE UGOVORA O REGULISANJU MEĐUSOBNIH PRAVA I OBAVEZA U VEZI SA POVJERAVANJEM NA UPRAVLJANJE I KORIŠTENJE JAVNIH DOBARA IZMEĐU GRADA TUZLA I JAVNIH KOMUNALNIH PREDUZEĆA ČIJI JE OSNIVAČ GRAD TUZLA, molim da digne ruku? (27) Ima li neko protiv? (Nema.) Uzdržan? (Nema.)

Konstatujem da je 27 vijećnika glasalo za, nema niko protiv, nema suzdržan te je jednoglasno prihvaćena ODLUKA O DAVANJU SAGLASNOSTI ZA ZAKLJUČENJE UGOVORA O REGULISANJU MEĐUSOBNIH PRAVA I OBAVEZA U VEZI SA POVJERAVANJEM NA UPRAVLJANJE I KORIŠTENJE JAVNIH DOBARA IZMEĐU GRADA TUZLA I JAVNIH KOMUNALNIH PREDUZEĆA ČIJI JE OSNIVAČ GRAD TUZLA.

Prelazimo na sedmu tačku Dnevnog reda:

ODLUKA O UTVRĐIVANJU LISTE KANDIDATA ZA PUNOMOĆNIKE DRŽAVNOG KAPITALA ZA UČEŠĆE U RADU I ODLUČIVANJU SKUPŠTINA JAVNIH PREDUZEĆA I JAVNIH KOMUNALNIH PREDUZEĆA ČIJI JE OSNIVAČ ILI SUOSNIVAČ GRAD TUZLA

Predlagač je Gradonačelnik Grada Tuzla.

Obrađivač je Služba za komunalne poslove, izgradnju i pitanja mjesnih zajednica.

Materijal su razmatrali Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja, Komisija za komunalna pitanja i pitanja mjesnih zajednica i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. (Nema.) Zaključujem raspravu vijećnika.

Molim vas da se izjasnimo. Ko je za usvajanje ODLUKE O UTVRĐIVANJU LISTE KANDIDATA ZA PUNOMOĆNIKE DRŽAVNOG KAPITALA ZA UČEŠĆE U RADU I ODLUČIVANJU SKUPŠTINA JAVNIH PREDUZEĆA I JAVNIH KOMUNALNIH PREDUZEĆA ČIJI JE OSNIVAČ ILI SUOSNIVAČ GRAD TUZLA molim da digne ruku? (27) Ima li neko protiv? (Nema.) Uzdržan? (Nema.)

Konstatujem da je 27 vijećnika glasalo za, nema niko protiv, nema suzdržan te je jednoglasno prihvaćena ODLUKA O UTVRĐIVANJU LISTE KANDIDATA ZA PUNOMOĆNIKE DRŽAVNOG KAPITALA ZA UČEŠĆE U RADU I ODLUČIVANJU SKUPŠTINA JAVNIH PREDUZEĆA I JAVNIH KOMUNALNIH PREDUZEĆA ČIJI JE OSNIVAČ ILI SUOSNIVAČ GRAD TUZLA.

Prelazimo na osmu tačku Dnevnog reda:

a) PRAVILNIK O IZMJENI PRAVILNIKA O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE SA PODRUČJA GRADA TUZLA

b) IZVJEŠTAJ O RADU KOMISIJE ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE U 2015. GODINI

Predlagač je Gradonačelnik Grada Tuzla.

Obrađivač je Služba za boračko-invalidsku zaštitu.

Materijal su razmatrali Komisija za statutarna pitanja i propise, Komisija za ekonomske odnose, Komisija za stambena pitanja i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. (Nema.) Zaključujem raspravu vijećnika.

Molim vas da se izjasnimo pojedinačno.

Ko je za usvajanje a) PRAVILNIKA O IZMJENI PRAVILNIKA O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE SA PODRUČJA GRADA TUZLA, molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je jednoglasno usvojen a) PRAVILNIK O IZMJENI PRAVILNIKA O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE SA PODRUČJA GRADA TUZLA, 26 vijećnika je glasalo za, nema niko protiv, nema suzdržan.

Ko je za usvajanje b) IZVJEŠTAJA O RADU KOMISIJE ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE U 2015. GODINI, molim da digne ruku? (27) Ima li neko protiv? (Nema.) Uzdržan? (Nema.)

Konstatujem da je jednoglasno usvojen b) IZVJEŠTAJ O RADU KOMISIJE ZA ODOBRAVANJE JEDNOKRATNE POMOĆI PRIPADNICIMA BRANILAČKE POPULACIJE U 2015. GODINI, 27 vijećnika je glasalo za, nema niko protiv, nema suzdržan.

Prelazimo na devetu tačku Dnevnog reda:

INFORMACIJA O ZAGAĐENJU ZRAKA NA PODRUČJU GRADA TUZLA UZ URGENCIJU MINISTARSTVU ZDRAVSTVA I MINISTARSTVU PROSTORNOG UREĐENJA I ZAŠTITU OKOLICE TUZLANSKOG KANTONA ZA PROVOĐENJE PLANA PREVENTIVNIH MJERA VEZANO ZA ZAGAĐENJE ZRAKA U GRADU TUZLA

Predlagač je Kolegij Gradskog vijeća na inicijativu Kluba vijećnika Socijaldemokratske partije i Kluba vijećnika Hrvatske demokratske zajednice.

Obrađivač je Ministarstvo za prostorno uređenje i zaštitu okoliša.

Materijal su razmatrali klubovi vijećnika.

Ne vidim ovdje obrađivača. Nema ga nije stigao. Otvaram raspravu klubova.

Da dozvolimo gradonačelniku. Izvolite gradonačelniče. Vijećnici su dobili jutros informaciju od Ministarstva za prostorno uređenje. Jutros smo dobili.

JASMIN IMAMOVIĆ – Gradonačelnik Grada Tuzle

Pokušat ću, jer sam ja imao juče i neki sastanak juče sa direktorom Termoelektrane.

Dakle, ono što je osnovno, imaćemo problem dok se ne riješi to osumporavanje, oslobađanje sumpora. Enorman je dakle, porast proizvodnje Termoelektrane.

Ona sad, u ovom periodu, obara rekorde i to je najveći problem. Naravno problem su i ložišta po kućama itd. Ali da nemamo problem sa sumporom od Termoelektrane ne bismo imali ovakvo stanje.

Tao da mislim da postoji projekat da u naredne tri godine da se to završi, nevezano za blok VII. Nevezano. I da su izdvojena sredstva i sve ostalo.

To je ono na čemu bismo trebali insistirati da se ubrza. Drugo, trebali bi insistirati jer blok VII bi to trajno riješio. Da se ne izmakne blok VII Tuzli, to je drugo. I treće mi moramo tražiti, baš u ovom momentu, dakle, sad ili nikad, mimo onoga izdvajanja po zakonu, izdvajanja dijela prihoda od Elektroprivrede sredstva koja moraju, bar narednu godinu ublažiti kada je u pitanju problem aerozagađenja.

Eto to su neke tri stvari koje bi vama sugerisao, da ovaj problem velikog aerozagađenja probamo pretvoriti u korist i da dobijemo veći angažman i finansijski i svaki drugi Elektroprivrede.

Mislim da bi nam to, da bi to dalo i meni jaču pregovaračku poziciju i mislim da ćemo možda pokucati i na djelimično odškrinuta vrata kada je ovo u pitanju.

To je to. Već imamo dakle sastanak za opertivne mjere dogovoren niz sastanaka sa Elektroprivredom, baš na temu trenutnog aerozagađenja.

To je dogovoreno. To smo dogorili direktor Termoelektrane i ja da to bude iza Nove godine. Eto toliko.

JOZO NIŠANDŽIĆ

Hvala gradonačelniče. Prvo se javila gospođica Azra Gazibegović, a onda neka se pripremi Mirnes Ajanović. Azra Gazibegović ispred Kluba vijećnika Socijaldemokratske partije SDP.

AZRA GAZIBEGOVIĆ - vijećnik Socijaldemokratske partije

Hvala predsjedavajući. Poštovane kolegice i kolege, sve vas srdačno pozdravljam. (JOZO NIŠANDŽIĆ – Samo malo.) (SABAHUDIN IMAMOVIĆ – Drago mi je što je gradonačelnik prisutan.)

Dakle Kolegij Gradskog vijeća na prijedlog nekoliko klubova vijećnika je upravo i zahtijevao da na ovoj sjednici Gradskog vijeća imamo jednu ovakvu tačku, s obzirom da je stanje zaista alarmantno u posljednji mjesec dana, a da se na to nekako, kao stidno oglašavaju Ministarstvo za prostorno uređenje, zaštitu okoline.

Kao što je zamjenica predsjedavajućeg napomenula, kada je bila tačka vezano za Program rada Gradskog vijeća Tuzla za 2016. godinu, mi smo zaista imali jedan problem da nam se ne dostavlja informacija od strane prostornog uređenja i zaštite okoline vezano za ovu problematiku.

Moguće da smo i tada mogli donijeti određene mjere kao što smo to radili i predhodni godina, a evo kako vidimo, ni danas nema predstavnika Ministarstva da odgovori na određena pitanja.

Dakle, želim da se u zaključcima konstatuje da smo mi informaciju dobili za decembar mjesec, a ne za kompletnu godinu i da po ranije utvrđenom Programu rada Gradskog vijeća za 2015. godinu nisu poštovali rok i nisu nam dostavili tu informaciju.

Nebitno je to što smo mi nenadležni ili što oni nisu, nemaju obavezu da nama dostavljaju izvještaj, ali svakako trebaju da nas informišu, jer ipak Tuzla je centar Kantona i smatramo da smo zaista zaslužili da dobivamo ovakve informacije.

Kada je u pitanju informacija koju smo dobili po nekom mom slobodnom mišljenju ona je zaista nepotpuna iz razloga što se tretira period od mjesec dana, odnosno ni puni mjesec dana od 1. 12. 2015. do 20. 12. 2015. godine.

Ono što mi možemo da vidimo u ovoj informaciji jeste da podaci, neki koji su navedeni ovdje, imaju jednu naznaku koja kaže da podaci nisu validni zbog trenutne tehničke neispravnosti analizatora, a na u još jednoj od tabela kaže se da analizator nije u funkciji i zato nemamo, po mojim saznanjima to se zove čestičnog zagađenja, ako sam pogriješila u terminu, ja se izvinjavam, da nemamo uopšte dakle ni za jedan dan od 1. 12. do 20. 12. 2015. godine, što znači da ova informacija. Ne znam nikako možemo da je tretiramo, odnosno da samo konstatujemo ono što je pojavljuje u medijima u posljednje vrijeme jer brojni građani i građanke grada Tuzle i okolnih opština, kao i pojedini kantona koji su u rizičnoj situaciji su se aktivirali i pokrenuli potpisivanje peticije na društvenim mrežama, što svakako Klub vijećnika i vijećnica SDP-a odobrava građansko djelovanje na takav način i traženje samo prava na život i na zaštitu zdravlja.

Ono što stoji u ovoj informaciji, a što mi svakako znamo, jeste da postoji Zakon o izmjenama i dopunama Zakona o zaštiti zraka koji tretira tri kategorije zagađenja zraka, tako prva kategorija je čist ili neznatno zagađen zrak, gdje nisu prekoračene granične vrijednosti niti za jednu zagađujuću materiju.

Druga kategorija je umjereno zagađen zrak gdje su prekoračene gdje su prekoračene vrijednosti za jednu ili više zagađujućih materija, a nisu prekoračene tolerantne vrijednosti niti za jednu zagađujuću materiju.

I treća kategorija jeste prekomjerno zagađen zrak. Prekoračene su tolerantne vrijednosti za jednu ili više zagađujućih materija i u ovu kategoriju zapravo spada Tuzla. Prema ovoj informaciji koju smo dobili za period od 1. 12. do 20. 12. 2015. godine i to. Za prostor u ovih 20 dana, za Skver 16 puta je bilo prekomjerno zagađen zrak. Za područje BKC-a takođe 16 puta prekomjerno zagađen zrak i za područje Bukinja 10 puta prekomjerno zagađen zrak.

Ono što mi znamo jeste da postoji Plan interventnih mjera koji je usvojen i primjenjuje se u toku 2015. godine, koji očigledno ne tretira ovaj prekomjerno zagađen zrak, nego se tamo u tom planu navode neke epizode koje kažu da je to epizoda pripravnosti, epizoda upozorenja i epizoda uzbune.

Dakle, mi ako imamo preomjerno zagađen zrak mi ne spadamo ni u jednu od ovih epizoda i treba da nastavimo da dišemo ovako zagađen zrak što je apsolutno i neprihvatljivo tako da možemo jednim zaključkom da tražimo da se izvrše izmjene postojećeg plana interventnih mjera koje će sadržavati mehanizam konkretnih aktivnosti za smanjenje zagađenja zraka i zaštite zdravlja građana i građanki.

Ono što takođe možemo da tražimo, a što je bilo nekako nepotpuno u posljednje vrijeme, jeste kontinuirano izvještavanje o kvalitetu zraka, odnosno zagađenosti zraka, pogotovo kada su u pitanju ovi rizični mjeseci.

Da se trebaju upozoravati građani i građanke, a posebno ugrožene kategorije o opasnostima koje im prijete ako se u ovim mjesecima, a što se odnosi dakle da se zatvore škole, da se podijele maske, jer mi imamo situaciju da imamo ljude koji moraju da rade napolju.

Ja ću navesti samo primjer policajaca. Oni su primorani da budu napolju i da rade, a da udišu ovako prljav zrak. Oni nemaju nikakvu zaštitu.

Ne mislim dakle samo na policajce nego i na sve druge radnike kojima je takva priroda posla.

Jedan podatak koji se navodi u inicijativi građanskoj na jednoj društvenoj, na fejbuku na jednoj fanfeđi jest da je u Tuzli u decembru 2015. godine bilo devet opasni dana kada su škole morale biti zatvorene, a prema eko standardu, odnosno Agencije za zaštitu okoline.

Ono koliko ja, kao neko ko se ne bavi time, ali kao neko ko se u posljednje vrijeme interesovao za ovo jeste da je Plan interventni mjera, da nije usklađen sa eko standardom što znači da bi to trebali oni koji su plaćeni, koji su stručni za tako nešto da usaglase te standarde i da ne može u Pekingu da bude upozorenje, a da kod nas apsolutno ništa ne postoji.

Ne treba nama ni neka velika struka da mi vidimo, odnosno da osjetimo da udišemo zagađen vazduh.

Ono što takođe tražim jeste da se uputi saopštenje sa ove sjednice Gradskog vijeća, da smo mi kao Vijeće raspravljali o ovom problemu. Da se građani i građanke ne osjećaju zapostavljeni od strane određenog nivoa vlasti, pa evo makar mi, kao lokalna zajednica da uputimo određeno saopštenje sa našim zaključcima uvažavajući sve ovo što je gradonačelnik u svom uvodnom obraćanju rekao, da su to dugoročne mjere na kojima se radi, ali takođe da oni koji su nadležni za to, a to je Ministarstvo za prostorno uređenje i zaštitu okoline trebaju da se pridržavaju određeni propisa i da utvrde i kratkoročne mjere koje će možda biti i simbolične, na određeni način, ali da će svakako građani i građanke, da se neće osjećati zapostavljeno kada je odnos vlasti prema njima u pitanju. Toliko i hvala.

NADA MLADINA

Hvala. Gospodin Mirnes Ajanović, Klub vijećnika Bosanske stranke. Vijećnik Mirnes Ajanović.

MIRNES AJANOVIĆ

Hvala. predsjedavajuća drugarice Nado. Dajemo punu podršku, neću ponavljati ništa što je istakla koleginica Azra. Takođe gradonačelnik. Ako Službi ne bude problem, mi smo u ovakvim i sličnim situacijama na Vijeću raspravljali mnogo duže i imamo brojne zaključke koje smo upućivali u ovakvim okolnostima. Stanje, ovo kakvo jeste sada zaslužuje i ovu reakciju putem saopštenja, neću ništa ponavljati, dakle BOSS se u potpunosti pridružuje prijedlozima Kluba SDP-a. Nećemo zamarati i dodatnom ponavljanju, obrazlaganju osnovanosti tih prijedloga.

Ovaj problem je generalan, na žalost. Ne samo u Tuzli, nego u većini gradova Bosne i Hercegovine, Evrope. Evo Italija mjesec, preko mjesec nije pala kiša i praktično su u istom stanju kao mi, a nemaju neti Termoelektranu niti imaju ovakva individualna ložišta. Imaju drugačiji način zagrijavanja. Ali, problem je generalno u ovoj elementarnoj nepogodi i ovde čak se nije niti proglasilo stanje elementarne nepogode kako bi mi mogli adekvatno djelovati.

Pa jedan od zaključaka je i taj da se, u saradnji sa meteorolozima, procijeni do kada će ovo ovako djelovati. Da li postoji mogućnost da dođe do promjene vremenskih prilika, pa da, kao kad je kiša, onda se odredimo hoće li trajat pet, mjesec dana, ili kiša kako kažemo već prešla sve granice, a padaće još dva dana.

I ovo je jedna vrsta elementarne nepogode i mi evo možemo predložiti da i to bude jedan od zaključaka da se u ovakvim okolnostima kada se predviđa duži period niskog atmosferskog pritiska ide ka proglašenju elementarne nepogode jer treba sačuvati zdravlje.

Ovan nizak atmosferski pritisak, jednom sam imao priliku slušati bilo na BHT pa ono zapamtio, ne kažem da sam ja nešto pametniji nego naučio da bi bio pilot morao sam devet ispita polagati pred Državnom agencijom Ministarstvu civilnih poslova. Pa između ostalog je trebalo i ovo. I jednom ovakvo isto bilo i onda dramatično kaže imamo stanje ovakvih problema, oblaci su spuštteni, magla kaže, radi visokog pritiska i ono razmišljaš visok pritisak je pa to pritislo na zemlju, nije. Kad je nizak pritisak onda imamo magle i sve ovo, kad je visok pritisak odođe oblaci, ode sve, imamo vedrinu.

Što je pritisak, uslovno veći, vedrije je i bolje je. Ali mi je bilo simpatično, nisam ni ja znao prije, ali tad kad znam, simpatično. Dakle, nizak atmosferski pritisak je stanje koje može biti jedna vrsta elementarne nepogode, jer se dugo zadržava. Zna imati posljedice. Ovo prema Termoelektrani trebamo apelovati, kako je rekao gradonačelnik, na način da se ide ka izgradnji bloka VII.

Mi smo sve kao Grad uradili. Pa smo čak negdje i povukli neke svoje principe da bi ispoštovalo se sve što oni traže, evo sad imamo razno razne okolnosti koje ukazuju da možda neće biti tog bloka VII. Dakle i to je jedna urgencija da se ide ka realizaciji svega onoga što je dogovoreno.

Druga stvar koju je gradonačelnik dobro primjetio i rekao jeste kompenzacija osumporavanja za dvije, tri godine u Termoelektrani OK. Hajde. Ali mi živimo danas, ali za dvije, tri godine ćemo opet imati problem sumpora iz idividualnih ložišta.

Svaki onaj građanin koji založi ugalj, još ako je još kažu banovički nešto prošao masu nekih navodnih kontrola, hajde, nije ni bitno, ali i on ima prilično sumpora u sebi. I mi ne možemo negirati okolnost da je Tuzla u ovakvoj kotlini i da se sa svi strana svaki onaj građanin koji ima kuću taj koji ne zagađuje samo sebe nego i sve unutar grada.

I trebaju nam ova sredstva kao kompenzacija smanjenja zagađenja, aerozagađenja u gradu Tuzla, da se vide dodatna sredstva jer evidentno Elektroprivreda za sad nema novca za blok VII, ali mora imati novca i to moramo naglasiti, za dodatna izdvajanja ovako, kao što je to recimo u Tuzli problem. Generalno imamo takav problem radi kotline. Da nam se dostave sredstva kako bi se grad mogao što efikasnije uključiti u uklanjanje individualni ložišta.

Da svaki građanin ima priliku dobiti centralno grijanje. Znamo da je problem bio što je priključak bio oko 10, 12 do 15.000 na jednu kuću, što je nemoguće, apsurdno i nelogično, ali ovo Vijeće je donijelo, evo u ovom mandatu konačno odluke da neće više biti priključivanja na taj način, nego će grad graditi podstanice, od te podstanice će ići razvod kompletne mreže prema svim individualnim objektima. Da to bude, na način, kao priključenje na električnu instalaciju, dakle, jedan mali ormarić gdjeće biti mjerno mjesto i gdje će svaki građanin moći na svom objektu priključiti se za vrlo nisku cijenu.

To se mora realizovati što prije. To je prioritet grada. Mi možemo kukumačiti na Termoelektranu koliko hoćemo, ali sva naša individualna ložišta, svaka naša kuća je u stvari jedna mala Termoelektrana.

I one nas zagađuju. To je najgori problem. Nije generalno i Stupine i Brčanska Malta, gore sve dakle prema istoku imamo to zagađenje isključivo iz kuća. Ljudi, ne samo da lože ugalj, koji svakako se koristi u Termoelektrani, nego koriste i gume i razna druga sredstva koja daju veliku toplotnu moć, ali ubijaju sve nas okolo. Pokušavaju ljudi na jednostavniji način ili što jeftinije da se ogriju. Da ovo treba postati obaveza svih nas svaake sjednice ako treba ili svake druge, što više raspravljati o tome da nađemo i krenemo u stvari u realizaciju, da nađemo taj novac, dobijemo taj novac i krenemo u realizaciju za što manje uslove.

I hiljadu maraka je puno za priključak na toplotnu mrežu, jer praktično time mnogi zarađuju.

Termoelektrana će imati veći kapacitet distribucije pare. Preduzeće Centralno grijanje će imati više konzumenata. To samo od sebe dođe. Malo je i apsurdno, kao kada bi, na bilo kakav način nekoga uslovljavali da nešto kupi, pa de mi plati još nešto. Sama okolnost da će on koristiti taj proizvod više godina omogućava proizvođaču ili distributeru dobru zaradu i bilje uslove poslovanja.

Odprilike su ovo što su već prezentirani konkretni zaključci kolegice Azre, ja sam pokušao malo na ovaj način još dodatno, da ono što smo sve govorili i radili, ukažemo kao problem, možemo se izboriti, ali je osnova borba protiv kompenzacije zagađenja kroz kuće koje su najgori akutni problem grada Tuzle.

Termoelektrana, ono što sam ja vidio, recimo prije četiri, pet godina, u po ljeta, kada nema ni jednog ložišta, kada se popnete na kilometar avionom, recimo samo gore od Dubrava, grad Tuzla je u tami. U pola dana. Ne vidi se to kroz grad, ali sa te visine vidi se taman oblak od Termoelektrane koji pokrije grad. To već u zadnje vrijeme nije takav slučaj.

Već je stanje bolje, jer smo mi tada pravili kampanje, kao Vijeće insistirali, pa čak smo rekli da ćemo ići kao grad protestovati pred Termoelektranom i već su određeni filteri ugrađeni i nije više takav slučaj. Nema više crni snjegova na Šićkom, kao što su bili prije, ali postoji sad, evo možemo reći, zasad, pod ovim okolnostima normalan rad Termoelektrane, ali to je jedan segment problema, kompenzacija je veći dio problema. Moramo dobiti sredstva da mi u gradu Tuzli smanjimo aerozagađenje kroz ove individualne stambene objekte, kroz kuće i time ćemo moći dobiti mogućnost za bolji zrak, a ovo, evo, meteorološke uslove ne možemo promijeniti. Bilo bi lijepo kada bi mogao nekakav veliki avion da poleti pa da ono sve rastjera ono što je magle. Ne može.

Moramo čekati dakle te vremenske bolje uslove, ali je bitna ova okolnost da vidimo mogućnost da se i u ovakvim uslovima ide ka donošenju vanredni mjera koje tad imaju mogućnost i prostora davanja tih nekakvih novčanih sredstava za smanjenje aerozagađenosti. Hvala.

NADA MLADINA

Hvala lijepo gospodine Ajanoviću. Gospodin Mirza Tupajić, ispred Kluba vijećnika Stranke demokratske akcije.

MIRZA TUPAJIĆ

Teško je izaći poslije Mirnesa. Sve ono što je insane stavio ovde, on to već kaže. Ali evo. Oko mnogo stvari slažem se. Posebno ovo vezano za stanje elementarne nepogode. I treba razmotriti tu mogućnost i naravno i trebalo bi možda i proglasiti to stanje elementarne nepogode i u pravu je vezano za atmosferski pritisak koji je izuzetno nizak. Znači ispod 100 kPa (kilo paskala).

Ja tamo gdje radim, imam barometar i znači sipod 100 kPa to je već i to je već nekoliko dana tako. Pored znači sumpordioksida imamo mi i azotne okside koji se pojavljuju i od Termoelektrane i od drugi industrijski kompleksa.

Naravno posebno što i od individualni ložišta, a još veći problem su i teški metali. Znači one čestice pogotovo, pogotovo čestice i žive koje se pojavljuju u tlu, to je znači ono konstantno zagađenje, kad padne na tlo, trajno zagadi tlo i preko biljaka, preko usjeva to čovjek konzumira i naravno dolazi do oštećenja organizma.

Kad smo pričali, kad smo imali raspravu na prošloj sjednici, ko budžeta, ja sam spominjo vezano za ova sredstva i slažem se da treba tražiti još sredstava ako se može konstantan pritisak vršiti i tražiti još. Što da ne. Međutim, ne smije nam se desiti da ova sredstva koja dobijemo od Elektroprivrede da se troše na vraćanje nekakvih kredita, nekih javnih preduzeća tamo gdje nije potrebno.

Znači, gdje nisu ta sredstva namijenjena baš za to. Znači ona su baš namijenjena upravo zbog, za ovo.

A posebno znači i ako dođe do povećanja sredstava treba sufinsirati podstanice. Evo čuli smo znači to neko obećanje da će to u budućnosti biti više. Znači stambenih objekata na jednu podstanicu, ali da bi stimulisali građane da se priključe, onda im moramo omogućiti i način plaćanja znači tog grijanja tj. na osnovu utrošene znači količine toplotne energije, a ne na osnovu prostora, ko što je sad trenutno u stanovima.

I znamo onaj Zakon o potrošačima koliko potrošiš, toliko jednostavno, znači koliko potroši toliko i plati.

Još jedan od problema treba da se bavi ova Služba za prostorno uređenje jeste način gradnje u gradu Tuzla.

Mi smo evo nekako napravili dosta, dosta u tom pogledu propusta znamo da i slijeganje tla opteretili smo još više tlo sa stambenim, sa zgradama sa, pa evo nema više onih prijašnjih nebudera znači do 12 maksimalno spratova da se prave zgrade, međutim, treba malo obratiti i pažnju na strujanje vjetrova koji je najveći, može biti problem.

Isto tako Inspekcije, vidimo ovde da je tu Pomoćnik načelnika koji je vezan za ovaj resor. Znači Inspekcije moraju malo ažurirati se u tom pogledu ovo što je spomenuo i kolega Mirnes vezano šta to građani nekad i lože. Ima slučajeva da bacaju gume, plastiku, znači ne bacaju gotovo ništa u smeće, sve što može goriti on baca u onu svoju peć.

I takođe, znači problem je i saobraćaj. Napokon moramo imati taj zeleni val. Potruditi se da ne budu ove saobraćajne gužve. Evo imamo kod Skvera kaos, pogotovo kad je petak, pazarni dan, znači to je kilometar gotovo kolona.

I slažem se znači u narednom period, evo u januarskoj sjednici trebamo imati, možda čak i tematsku sjednicu na ovu temu.

Ima se dosta toga i šta fali pozvati stručnjake koji egzistiraju, rade na univerzitetima u drugim nekim resorima, žive na prostoru grada Tuzle. Pozvati da se pridruže ovom i naravno da pomognu oko same dijagnostike, cijelog ovog problema i da napravimo napokon jedan ozbiljan dokument, znači jedan ozbiljan monitoring i aerozagađenja i zagađenja tla, a samim tim zagađenja i vode na području grada Tuzle. Eto toliko.

JOZO NIŠANDŽIĆ

Hvala. Gospodin Ivica Kovačević, ispred Kluba vijećnika Hrvatske demokratske zajednice neka se pripremi Jasmin Habul.

IVICA KOVAČEVIĆ - vijećnik Hrvatske demokratske zajednice

Cijenjeni predsjedavajući, zamjenice predsjedavajućeg, sekretaru Vijeća, kolegice i kolege vijećnici, predstavnici izvršne vlasti, na čelu sa gradonačelnikom, predstavnici medija, gosti, sve vas srdačno pozdravljam budući da se evo prvi put javljam za riječ.

I evo iskoristit ću priliku da odma sad na početku, svima onima koji nas prate preko mali ekrana i svima evo onima koji slave Božić, da uputim iskrene čestitke povodom ovoga velikoga kršćanskog blagdana, a da se svim našim gledateljima poželim Sretnu Novu godinu.

Klub HDZ-a Bosne i Hercegovine, evo nakon reakcija određenih, kako udruge institucija u našem gradu, tako i općenito građana, je jedan od inicijatora ove točke Dnevnoga reda, dakle smatramo kako na ovu temu treba progovoriti ovdje na Gradskome vijeću i da svakako trebamo imati neki plan aktivnosti, neki plan mjera dakle, koje će u narednom nekom period dovesti do popravljivanja stanja kada je u pitanju zagađenost zraka na prostoru grada Tuzle.

Vidjeli smo koji je trend u svijetu. Dakle, evo nedavno smo bili svjedoci da su se svjetski lideri dogovarali oko toga, znači vidjeli smo da je i u tim svjetskim okvirima alarmantno stanje. Priča ide oko tih obnovljivih izvora energije. Na žalost, evo mi smo usmjereni na ove izvore kakve imamo i evo moramo, smatramo da moramo dati tu maksimalan jedan doprinos kako bismo popravili stanje, kako u našem gradu, tako i šire.

Znamo sve posljedice zagađenosti zraka, prekomjerne njezine, znamo da je to jedan od glavnih uzročnika karcinoma, srčanih problema, bronhitisa itd.

I ono što evo i mene kao osobu, a ja vjerujem i sve nas, posebice zabrinjava jeste da je prema ovoj informaciji koju smo dobili, dakle, da je u protekli 20 dana, das u mjerne stanice koje se nalaze na prostoru grada Tuzle, dakle, na dva mjesta pokazale da je 15 dana bilo prekomjerno zagađenje. Na jednom mjestu 10 dana. Dakle, to je 75, odnosno 50% slučajeva da imamo prekomjerno zagađenje zraka.

Mislim da je to nešto čime se evo i mi kao Gradsko vijeće i gradske službe i gradska uprava moramo pozabaviti ozbiljno u narednom periodu.

Ono što nas je takođe iniciralo da pokrenemo ovu inicijativu jeste i činjenica da je npr. evo konkretno u Bukinju 15. prosinca izmjereno 1012 μg (mikro grama) po m^3 sumporova dioksida, što je dakle, tri puta više od neke normalne, odnosno maksimalne dozvoljene vrijednosti.

Dakle, evo problema je jako mnogo. Kratkoročno se ti problemi ne mogu rješavati. Dakle, dugoročno jedino gledajući možemo utjecati na rješenje tih problema i u ovoj informaciji evo koju smo dobili od Ministarstva imamo neke prijedloge mjera. Jedan od njih, jedna od tih mjera jeste i nastavak procesa toplifikacije u gradu Tuzli i mislim da to mora biti definitivno jedan od prioriteta gradske administracije.

Dakle, ova sredstva koja dobivamo od Termoelektrane Tuzla, odnosno od Elektroprivrede Bosne i Hercegovine treba ipak malo više znači ulagati u tom pravcu. Dakle, da riješimo te ekološke probleme koje imamo. Evo prije par dana je bio jedan simpozij, jedan okrugli sto, debata, kako je nazvat već u organizaciji Centra za ekologiju ovdje u Tuzli.

Jedan zanimljiv skup na kojem se pričalo o brojnim učincima zagađenosti, kako zraka, tako i tla itd. i mislim da su to neki problemi koje moramo rješavati iz ovih kažem 5.000.000 KM koje dobivamo od Elektroprivrede Bosne i Hercegovine.

Predlažem evo ovdje jedan zaključak budući da smo na početku sjednice rekli da ćemo u prvom mjesecu, prema Programu rada, razmatrati ovu informaciju o aerozagađenosti, da nam za tu sjednicu Služba za komunalne poslove, izgradnju i poslove mjesnih zajednica dostavi jedan podatak evo o broju objekata koji su toplificirani u posljednjih dakle godinu dana i da evo, možda redovito imamo tu neku informaciju, pa čak evo i nekad tamo, pred početak naredne grijne sezone da vidimo konkretno što se radi po tom pitanju.

Evo toliko za sad. Ja vas još jednom pozdravljam i zahvaljujem.

JOZO NIŠANDŽIĆ

Hvala. Gospodin Jasmin Habul, ispred Kluba Saveza za bolju budućnost.

JASMIN HABUL

Slušajući diskusije moji predhodnika, dosta toga je već rečeno što smo mi imali za reći, pa pokušat ću samo da, što kaže dopunim to sve.

Zahvalio bi se svima koji su prihvatili moju inicijativu što kaže, nešto i od opozicije se uzme, pa se uvrsti. To ide već u januarskoj sjednici Gradskog vijeća Tuzla vezano za zagađenost.

Moro bi skrenuti pažnju jednu stvarno, kad kažemo stanje elementarne nepogode ono je defakto baš bilo to.

Osim aerozagađenosti ono je prouzrokovalo i prometne nesreće, na žalost sa smrtnim ishodomima i svim onim nedaćama koje nas, mene kao građanina i kao gradskog vijećnika, iznenađuje šutnja, što ono kaže, naše akademske zajednice.

Tuzla se spominje i poredi se sa Pekingom. Ne spominje se više Zenica, kao najzagađeniji grad je Tuzla.

Na žalost bili smo ovi par dana u jednom takvom lošem okruženju, a nazor je sve funkcionisalo.

Djeca su znači išla u školu, radilo se, odvijao se taj život. Ako mi možemo da uputimo s ove današnje sjednice jedan apel prema Ministarstvu obrazovanja da se u onakvom stanju odgodi nastava. Ono je zaista bilo katastrofalno i za učenike i za roditelje koji odvođe i dovode djecu i za sve.

Mislim da bi se barem na takav način moglo spriječiti neudisanje onakvi čestica koje se, evo, što kaže zdravstvene institucije sa većeg nivoa dokazale da su jako, jako loše.

Mi se uvijek bavimo posljedicama, nego uzrocima. Ja sam više puta naglašavao i uvijek naglašavam, bezbjednost, sigurnost građana, neko to shvati ozbiljno, neko ne, što kaže, kad poredamo dokumentaciju, većina je bila protiv, ne znam tih stvari. Zašto ja ne znam, ali ovog puta bi tražio da uđe kao zaključak da se u gradu Tuzli, pored mjerni stanica, koje već imamo mora raditi jedan displej koji će tačno označavati stanje u kakvom se grad nalazi.

Znači displej koji će postaviti na neko vidno mjesto i gdje ćemo imati relevantne podatke o koncentraciji ugljendioksida i svih onih stvari koje su tog dana u emisiji u našem gradu.

Jel, ako je to prekoračenje, kao što vidimo ovde po 20 puta veće od dozvoljenog, ljudi će možda individualno donijeti odluku pa neće se kretati ulicama grada ili će smanjiti to kretanje, ili će čak svoje dijete ostaviti kod kuće neće ga odvesti u školu.

Mislim, mi moramo, u svakom momentu građani moraju biti informisani u kakvoj se opasnosti nalaze ili ne nalaze. Mislim, to bi bio jedan naših što kaže volio bi da to uđe u zaključak.

Da to bude obaveza, da li je to obaveza Ministarstva prostornog uređenja i okoliša TK, a mislim da jeste da u gradu Tuzli se znači instalira jedan displej sličan ili isti kao što je u gradu Zenici, pa da mi imamo u svakom momentu podatak da baratamo nekim paušalnim izkazima pojedini ljudi na sredstvima informisanja. Znači, da tačno znamo u kakvom stanju se mi nalazimo.

Slažem se sa svojim kolegama, znači, što se tiče ovih dugoročnih mjera, mislim da bi trebalo, obzirom na stanje kakvo smo imali sad proteklih dana i može se reći protekli godina da se dinamika toplifikacije grada u slijedećoj, narednoj godini bude nama jedna obaveza u smislu da vidimo sve te tehničke mogućnosti da se ova kritična naselja u kojima su evidentna veliki broj individualni ložišta smanji na minimum.

A normalno, mi kao Gradsko vijeće, moramo stvoriti preduslove građanima. Znači, maloprije je kolega Tupajić, to dobro rekao, priključenje na gradsko grijanje jednog individualnog objekta ako računamo po kvadratnom metru izađe dosta skupo, pa ljudi,

građani odustaju od svega toga. Mora se naći neko tehničko rješenje da se to naplata vrši putem kalorimetara. Samim time bi i sam građanin koji se bude priključivao na to vodit će računa da je ta kuća utopljena, znači još jedan od preduslova da bi jeftinije to plaćali.

To bi što kaže bilo veoma značajno jer, evidentno, juče sam slušao bar na par sredstava informisanja, da kao pored Termoelektrane, koji je najveći zagađivač već duže godina, jesu i ta individualna ložišta i eventualno ako bi se njih uvelo to u red, da bi se ta aerozagađenost dosta svela na neke normalnije granice. Hvala.

JOZO NIŠANDŽIĆ

Hvala. Zaključujem raspravu klubova. Prije nego što otvorim raspravu vijećnika. Gradonačelnik je tražio, a neka se pripremi Dajana Bakić.

JASMIN IMAMOVIĆ

Ma ja se sve ovo slažem. I taman bi ja ovome svom imenjaku repliciro da nije reko ovu zadnju rečenicu. Molim vas, dakle daleko više toplificirani objekata ima Tuzla kolektivnih, nego u Zenici, pa mislim čak i Sarajevo.

Naravno treba ići s toplifikacijom do zadnje one kuće. Ali da mi ne bi zaboravili ovo zadnje sad što ste rekli, dakle, najveći problem kod aerozagađenja jeste te I taman bi ja ovome svom imenjaku repliciro da nije reko ovu zadnju rečenicu. Molim vas, dakle daleko više toplificirani objekata ima Tuzla kolektivnih, nego u Zenici, pa mislim čak i Sarajevo.

Naravno treba ići s toplifikacijom do zadnje one kuće. Ali da mi ne bi zaboravili ovo zadnje sad što ste rekli, dakle, najveći problem kod aerozagađenja jeste Termoelektrana Tuzla.

Ona zaista, prvo zimi daleko više, nego ljeti, spali uglja. Drži cijeli energetska sistem jer ne rade hidroelektrane. Dakle, 4.000.000 t uglja godišnje spali se u Termoelektrani. 4.000.000 tona uglja.

Vidite koliko sad individualna ložišta, jer neko na pelet, neko na struju, neko. Dakle, oni spale 4.000.000 tona uglja godišnje. Dalje, emituju više od 50.000 t sumpordioksida godišnje.

I to je glavni problem. Naravno da se slažem sve ko god je za ovom govornicom, na istome smo, sa svakom rečenicom. Nema ni jedna da bi joj repliciro, ali mislim da nam je ovo pod a). I pošto postoji nacionalni plan i u njemu kaže, a obavezala Energetska zajednica evropska Bosnu i Hercegovinu da se završi dakle osumporavanje, odnosno ugradi sistem osumporavanja, pa će onda to automatski da riješi 95% problema sumpora, odnosno sumpordioksida, ali onda i drastično smanjiti, dakle i te azotne okside i čvrste materije, prašina itd.

Tamo piše da je to rok 2018. – 2028. hajmo potencirat da to bude odma 18-te, ko će čekati 28-mu. Recimo da to potenciramo i to nema veze s blokom VII. Hajmo ih potencirat da bude blok VII jer on je na najvišim standardima i onda nema ništa.

I hajmo potencirati sad, kad je ovo stanje ovakvo kataklizmično, ona nedelja kakva je samo bila, neki dan. Sad hoćemo sredstva i odma sad početkom dakle iduće kalendarske godine, ulaganje sredstava od Elektroprivrede u rješavanje ovih nagomilanih problema. Što naravno znamo toplifikacija o kojoj ste govorili se podrazumijeva i ostale mjere o kojima ste govorili se podrazumijevaju i volio bi taj jedan jak zaključak, jer nam je dobar za pregovore, za razgovore s Elektroprivredom, a ja sam dogovorio razgovore sa njima. U stvari su čak i oni rekli moramo sjesti, direktor Termoelektrane.

Zatim, nam treba, ja znam sve su ove mjere, što kaže Mirnes ima u ranijim zaključcima i preko saobraćaja i svega, ali ćemo isto, bio bi dobar zaključak, neka obaveže nas da pripremimo inicijative za vraćanje nadležnosti gradovima i općinama kad je u pitanju ekologija. Jer sve je ovo nadležnost kantonalnog ili federalnog, uglavnom kantonalnog ministra.

Da vrati nama nadležnost, da mi sebe štitimo od aerozagađenja i drugi ekološki problema.

Da idemo s tim inicijativama, ništa drugo. Samo sam to htio da potenciram i hvala vam na trudu vašem.

JOZO NIŠANDŽIĆ

Hvala gradonačelnice. Otvaram raspravu vijećnika. Prva se javila gospođica Dajana Bakić. Ima replika. Izvinjavam se. Edim Kadić ima repliku.

EDIM KADIĆ

Ja bi samo zamolio gradonačelnika kad bude razgovarao sa direktorom Termoelektrane da ga zamoli da ispuni obavezu asfaltiranja oko Ambulante u Bukinju. Jer je to tako dogovoreno, da čekamo šest mjeseci. Hvala.

JOZO NIŠANDŽIĆ

Ovo je zloupotreba. Izvolite. Elvir Kasumović.

ELVIR KASUMOVIĆ

Ma, ja se nisam mislio javljat, međutim, ovo me baš malo zainteresovalo kad je gradonačelnik reko vezano za ova sredstva.

Ako se sjećate, ja sam jedne prilike podnio inicijativu koja već nije dobila potrebnu većinu da bi ušla u proceduru. A to je da se od ovih sredstava koje mi dobivamo na ime rada Termoelektrane da se subvencioniraju priključci stambenih objekata, mislim pojedinačni stambenih, individualni objekata, da se jednostavno ljudi imaju želju da se priključe na gradski, gradsko grijanje, međutim, nemaju svi iste finansijsku, nemaju svi istu finansijsku moć da bi mogli jednostavno na osnovu toga priuštiti to sebi.

To je jedna, to je gorući problem. Onda se postavljalo, još u ranijem periodu ovo pitanje, monopolističkog djelovanja firme koja je radila podstanice itd. Pa se paušalno davali kojekakvi iznosi itd. a radilo se o izuzetno velikim, visokim iznosima priključaka individualni stambeni objekata na vrelododnu mrežu. To je ono što i određeni dio Tuzlaka zaustavlja u ovoj svojoj namjeri.

Pa s tim u vezi, ja evo predlažem da i vi razmotrite, da se jednostavno ta sredstva koja dobivamo na ime korištenja i koja trebaju biti iskorištena u ekološke svrhe, a ovo je najveći vid iskorištenja u ekološke svrhe da se individualni stambeni objekti, da se subvencionira njihov priključak na toplovodnu mrežu, jednostavno tim bi se i ekološki, došlo do ekološkog jel, ekološke zaštite građana i grada Tuzle.

JOZO NIŠANDŽIĆ

Hvala. Gospođica Dajana Bakić, vijećnik Socijaldemokratske partije. Izvolite.

DAJANA BAKIĆ

Hvala. Član 3. Zakona o zaštiti okoliša glasi: “Svaka osoba ima pravo na zdrav i ekološki prihvatljiv okoliš kao temeljno ustavno pravo.” I onda kasnije tretira, odnosno poziva na individualnu i kolektivnu dužnost zaštite okoliša.

Dakle, nama je ovim danas što dišemo i živimo uskraćeno, odnosno, osnovno pravo koje nam je Ustavom zagarantovano, odnosno zagarantovano Zakonom o zaštiti okoliša.

Meni je drago da mi danas raspravljamo kao kolektivno tijelo odlučivanja, da imamo zapravo tu odgovornost danas da da iniciramo raspravu o problem koji danas živimo u trenutno i najvećem možda problemu koji danas živimo i da donesemo neke prijedloge mjera koje ću ja iznijeti u svojoj diskusiji.

Ja sam juče bila na protestu u Lukavcu protestu Foruma za zaštitu okoliša, odnosno građana i građanki Lukavca, mislim da ovaj problem ne treba posmatrati individualno u smislu da se ograničimo samo na našu lokalnu zajednicu iz razloga što dišemo isti zrak je li kao Lukavčani, koja nam je najbliža opština u Tuzlanskom kantonu.

Tamo sam čula neke informacije da je 48.000 oboljelih godišnje, da je 80% djece oboljelih zapravo od respiratorni oboljenja, da je 250 godišnje oboljelih od malignih bolesti. To su neki katastrofalni pokazatelji, dakle, postoji dokaz da su uzroci tih bolesti zapravo onečišćivači zraka i okoliša na području te lokalne zajednice.

S tim u vezi ja tražim jedan zaključak da se traži od Zavoda za javno zdravstvo Tuzlanskog kantona da se dostave informacije ovom Gradskom vijeću o tome, o oboljelim području Tuzlanskog kantona, ali i Tuzle koji su povezani sa uzročnicima onečišćivača dakle zraka, primarno respiratornih oboljenja, kardiovaskularnih itd.

Mislim da bi nam ti značajni podaci bili u nekim našim narednim raspravama. Član 5. Zakona o zaštiti o zraku zapravo propisuje da Federacija Bosne i Hercegovine, ali i kantoni u Federaciji Bosne i Hercegovine moraju izraditi strategiju zaštite okoliša.

Postoji dakle na federalnom nivou Strategija zaštite okoliša 2008. do 2018. godine, ali po mojim nekim saznanjima i onom što sam ja u pripremi ove sjednice uspjela da pronađem, odnosno nisam uspjela da pronađem jeste da ne postoji kantonalna strategija zaštite okoliša.

S tim tražim od Vlade Tuzlanskog kantona, odnosno Ministarstva zaštite okoliša da se izradi jedna ovakva strategija. S obzirom da se i na osnovu te strategije donose prostorni planovi, pa da bismo i mi donosili određeni prostorni plan, mislim, a u skladu sa prostornim planom se daju okolišne dozvole, mislim da je značajno da imamo jedan ovakav dokument i da ne dozvolimo da dobivaju okolišne dozvole oni koji neće poštovati dakle sve ono što je propisano u skladu sa zakonima o zaštiti zraka, Zakon o zaštiti okoliša i ovim strateškim dokumentima kantona, ali i naše lokalne zajednice.

Ono što smatram bitnim, a i što je prije mog izlaganja iznjeo gradonačelnik Jasmin Imamović, jeste da je potrebno uključiti lokalne zajednice, zapravo u rješenje ovog problema. Mislim da bi trebali mi imati više nadležnosti kada je u pitanju zaštita okoliša, ali i u skladu s tim kad vam se dadnu određene obaveze, odgovornosti bi morali imati određena sredstva jel na računu, pa se nadam da ako se bude išlo u tom pravcu da ćemo mi dobiti određena sredstva za rad inspektora.

Mi nemamo dakle u Službi za inspekcijske poslove, zato što to nije u skladu sa zakonom, inspektore okolišne. To se radi na kantonalnom i federalnom nivou.

Dakle, smatram da se i lokalna zajednica, mislim na javne rasprave treba uključiti u dobivanje okolinski dozvola. Pa kada se krene u te procese da li se trebaju organizovati javne neke rasprave, s obzirom da se radi o nekim onečišćivačima je li zraka i okoliša od kojih ovisi naše zdravlje i životi.

Još jedan prijedlog zaključka. Da se traži od Federalne uprave za inspeksijske poslove i Kantonalne uprave za inspeksijske poslove, odnosno od njihovih inspektora za okoliš da se vrši pojačana kontrola sprovođenja odredbi okolinskih dozvola, te da od onih operatera koji ne poštuju ove odredbe da ne daju nove okolinske dozvole.

Potrebno je vršiti pojačan nadzor i kontrolu rada operatera i obavještavati javnost o mjerama koje su oni donijeli, odnosno prijedlozima mjera da se spriječi onečišćenje zraka, odnosno okoliša.

Još jedan podatak da su samo tri federalna inspektora okoliša, a jedan kantonalni i mislim da to nije dovoljno da se radi, da se radi na terenu, odnosno da se vrši kontrola i ovo što sam tražila u prethodnom zaključku.

Tako da smatram da je potrebno izvršiti sistematizaciju ili predvidjeti rad većeg broja okolišnih inspektora u Federaciji odnosno Tuzlanskom kantonu.

Kada su u pitanju direktori firmi, odnosno insitucija, u ovom slučaju naš najveći zagađivač jeste Termoelektrana, potrebno je da se oni, u skladu sa zakonom zaustave zagađenje zraka i da se ponašaju u skladu sa oklinskom dozvolom koja im je propisana od strane nadležnog Ministarstva.

Ono što mi kao Lokalna zajednica možemo uraditi jeste da nastavimo ove projekte toplifikacije grada, projekte energetske efikasnosti u skladu s tim da i dalje apliciramo na međunarodne i domaće fondove kada je u pitanju zagrijavanje zgrada, uvođenja obnovljivi izvora energije u smislu solarni kolektora našim javnim ustanovama, preduzećima, ali trebamo i poticati u skladu sa onim što mi možemo kada je u pitanju Budžet i kada su u pitanju davanje finansijske podrške privrednicima ili generalno organizacijama civilnog društva i javnosti jeste da predvidimo i da se individualni objekti na taj način utopljavaju, odnosno zagrijavaju vodu, kao što su solarni kolektori.

Imamo izvrsna rješanja sa naših univerziteta, dakle, imamo super kreativnih mladih ljudi koji su već smislili način kako da sami mi kod kuće možemo napraviti zapravo te kolektore.

Mi smo već uradili neke stvari kada je u pitanju usvajanje Prostornog plana, usvajanje saobraćajne studije koja podrazumijeva dakle veće korištenje i javnog prijevoza i korištenje dakle, izgradnju biciklističkih staza i korištenjem bicikala. Mislim da pored Termoelektrane i fabrika, zapravo i loženja da je saobraćaj jedan od najvećih uzročnika što danas dišemo ovakav zrak. Ali se i na kraju trebamo i mi individualno, ali i kolektivno zapitati šta mi radimo da doprinesemo ovome što danas dišemo. Koliko mi zapravo koristimo javni prijevoz, evo nas ovdje 31. Koliko koristimo plastične kese kad odemo u radnju. Koliko nas ima više od jednog auta. Koliko nas živi u Batvi, pa je danas na ovu sjednicu došlo autom.

Dakle, sve su to neke stvari koje mi individualno možemo uraditi da se situacija poboljša, a možda ne radimo. Tako da ja pozivam i na individualnu ali i na kolektivnu odgovornost kada je u pitanju ovaj problem. Nisam ja nikog prozvala, mislila sam generalno (ovo za Batvu).

Tako da evo ovo je moja, nadam se moj doprinos, ovoj raspravi i rješenju problema u kojem živimo koji ne može biti trenutno, ali evo, da damo neki doprinos da se dugoročno riješi problem, da ono, slijedeće godine, ili narednih godina ne moramo raspravljati o ovoj situaciji. Hvala.

JOZO NIŠANDŽIĆ

Hvala. Gospođa Nada Mladina, zamjenica predsjedavajućeg. Izvolite Nado.

NADA MLADINA

I vijećnik Socijaldemokratske partije. (JOZO NIŠANDŽIĆ – I vijećnik Socijaldemokratske partije.)

Naime, htjela sam podsjetiti nas sve da je Tuzla učinila puno na smanjenju mislim objekata koji imaju vlastito grijanje. Jedan od najveći potrošača bio je Klinički centar i ima već nekoliko godina kako je on priključen na centranu grijanje, znači taj emiter je eliminisan.

A Klinika za plućne bolesti dobila je tu ekološki zdrav izvor energije za zagrijavanje, obdanište jedno itd. i niz kolektivnih stambenih objekata je priključeno na Centralno grijanje.

Mi u ovoj informaciji za narednu sjednicu u januaru, kako je predložio, a mi prihvatili Klub Saveza za bolju budućnost, da imamo već u januaru raspravu o aerozagađenju ili općenito, mislim da bi to trebalo sadržavati općenito o ekološkim problemima, ne previše široko, ali, osim aerozagađenja imamo i drugih ekoloških problema. Mi bi trebali dobiti, da tako kažem, jednu analizu proteklih godina koliko smo mi učinili na tom pitanju, kao lokalna zajednica i Komunalna itd. a na prijedloge i na osnovu zaključaka Općinskog vijeća do sada na ovu temu.

Znači, proanalizirati šta smo mi to uradili i onda doći do potrebe prijedloga koji je bio na predhodnoj sjednici, mislim da je vijećnik Mirza Tupajić to iznio, da trebamo formirati stručni tim koji će pratiti, ne pratiti stanje da nas upozorava šta nam to znači, znači nam puno samo da nas uplaši kad kažemo da je 16 puta veće emisija tih toksičnih supstanci u zraku na skveru ili ne znam 10 puta više u Bukinju, da vidimo šta je uzrok, pa da onda djelujemo šta je stvarni uzrok. Sigurno je to Termoelektrana, mislim sigurno je ona. Jedan od uzroka.

Ali ako smo mi reducirali to sve, šta je onda to da je to pogoršano? Moramo doći do nekog odgovora.

Obzirom da se, da ne duljim dalje, puno toga je rečeno u diskusijama. Pošto se naša današnja tačka Dnevnog reda odnosi ne samo na Ministarstvo za prostorno uređenje i zaštitu okoline, nego i na Ministarstvo zdravlja, s pravom, da vidimo i dobijemo u informaciji za januar šta je u ovom periodu i koliko povećan broj intervencija vezano za respiratorna oboljenja, kardiovaskularna oboljenja i smrtnost.

Jer ranije smo već puno puta govorili da se problem opstruktivne bolesti pluća pomiče prema sve mlađoj životnoj dobi, pa i bebe od dva mjeseca imaju opstruktivnu plućnu bolest, što ranije nije bio slučaj, a Termoelektrana je stvarno jako dugo na ovom području.

Slijedeće što želim da podsjetim i da kažem, govorimo, ali u naznakama o zagađenju tla. Mi zapravo ne znamo koliko je zagađenje tla, šta se sve baca i šta je u slivovima rijeke Spreče na primjer, u jezeru Modrac odakle se prečišćavanjem dobiva voda. Ali ta voda zagađuje tlo. Na tlu rastu biljke jel, raste trava, stoka pase tu travu. Mi jedemo prehrambene namirnice koje se preradom dobivaju i onda se događa, to se i u stručnim časopisima i u stručnim raspravama davno već govori, to da i u majčinom mlijeku imamo štetne supstance koje dijete, čak i kad se prirodno hrani, uzima. To utiče, kad je olovo npr. u pitanju, utiče na centralni nervni sistem.

Znači, mi bi morali imati podatke i o zagađenju tla, odgovarali su mi više puta da je to jako skupo, ali pošto je jako skupo, najskuplji je ljudski život, pa pošto je on prilično pojeftinio, ružno rečeno, ali prilično je pojeftinio i gotovo je on najjeftiniji u Bosni i Hercegovini od rata na ovamo, vidim potpuno neprikladnim da se mi s tim pomirimo.

Mi moramo zaštititi ovo Pravo na život, o kome je Dajana govorila, to je naše Ustavno pravo.

Sutra će neko donijeti uredbu i reći prestanite da dišete. Kad bi to ovisilo o nama, o našem razmišljanju i o našem mozgu, to sam govorila uvijek svojim studentima, kad ste

zadnji put mislili o tome kako dišete. Zamislite kad bi se to prepustilo našem umu da mi kontrolišemo bubrege, pluća, srce, mi bi svašta zaboravili.

Tako da znači, mi imamo pravo na fiziologiju, a niko ne smije to da nam ometa i tražim da u zaključke uđe da od Ministarstva zdravlja, posebno od Epidemiološke službe dobijemo podatke za ovaj period o kojima će govoriti o zagađenju zraka, daju podatke i o kretanju ovih bolesti koje su vezane za zagađenje zraka, kao što je opstruktivna bolest kod djece i hronična opstruktivna bolest te kardiovaskularna oboljenja, a da svakako Ministarstvo za prostorno uređenje i zaštitu okoline, što je meni vrlo problematično jer je jako široko područje djelovanja tih ministarstava, pa onda zaštita okoline, ako je ona zadnja onda nekako dođe odprilike manja briga, možda nije, ali tako je to odprilike kad se prikaži da konačno počnemo, ne govoriti, nego imati podatke o zagađenju tla.

Evo to je moj doprinos raspravi.

JOZO NIŠANDŽIĆ

Hvala gospođo Nado. Nemam više prijavljenih. A ima izvolite. Kasumović, vijećnik Saveza za bolju budućnost.

ELVIR KASUMOVIĆ

Ja sam jutros postavio jedno vijećničko pitanje gradskom Štabu civilne zaštite, evo vi gospodine predsjedavajući, kao komandant Štaba civilne zaštite da nam malo pojasnite, da li je to, spada pod ingerenciju vašu, da li ste vi mogli poduzet neke određene mjere, da ne čekamo sve na Kanton.

Vidite nešto. Nemojte da se desi nešto građanima grada Tuzle, pa da liječimo, što kaže moj kolega iz Kluba Habul, posljedice.

Hajde preventivno da djelujemo, da vidimo koje su ingerencije vas kao glavno komandujućem Štaba civilne zaštite Grada Tuzle. Pa dajte da mi prema našim građanima se odgovorno ponašamo, da mi poduzmemo neke mjere. Kanton hoće li poduzimati prema ostalim i druge općine prema svojim građanima, to su opet u njihovoj nadležnosti, dajte da vidimo jednostavno da nam pojasnite imamo li mi mogućnosti da djelujemo u tom smislu?

JOZO NIŠANDŽIĆ

Hvala. Moram izaći za govornicu. Gradski Štab civilne zaštite Tuzla djeluje posebno u stanju kada se proglašuje prirodna nesreća i u to ime. U svim ovim djelovima djeluju službe samostalno i pod ingerencijom gradonačelnika. Ali ono što smo mi tražili, upravo, prije nego što su stigli čak i zahtjevi od pojedinih klubova uputili taj dio, upravo na Ministarstvo za prostorno uređenje da u povodu ove situacije koja ide.

I oni su za taj dio nadležni. Mi nemamo mogućnosti. Mi možemo jedino apelom, upravo što smo radili, zvati, tražiti pomoć i da oni na odgovarajući način urade. Evo to je to.

A drugo, kad se proglašuje stanje prirodne nesreće, onda sam ja zaista komandant Štaba civilne zaštite. To je razlika velika.

Zaključujem raspravu vijećnika. Molim vas, idemo prvo da se izjasnimo za informaciju, a onda ćemo o prijedlogu zaključaka koje je sekretar Vijeća pripremio.

Znači INFORMACIJA O ZAGAĐENJU ZRAKA NA PODRUČJU GRADA TUZLA UZ URGENCIJU MINISTARSTVU ZDRAVSTVA I MINISTARSTVU PROSTORNOG UREĐENJA I ZAŠTITU OKOLICE TUZLANSKOG KANTONA ZA PROVOĐENJE PLANA PREVENTIVNIH MJERA VEZANO ZA ZAGAĐENJE ZRAKA U GRADU

TUZLA se prima k znanju, ali moramo se ipak izjasniti. Ko je za to, molim da digne ruku? (23) Ima li neko protiv? (Nema.) Uzdržan? (Nema.)

Konstatujem da smo primili k znanju INFORMACIJU O ZAGAĐENJU ZRAKA NA PODRUČJU GRADA TUZLA UZ URGENCIJU MINISTARSTVU ZDRAVSTVA I MINISTARSTVU PROSTORNOG UREĐENJA I ZAŠTITU OKOLICE TUZLANSKOG KANTONA ZA PROVOĐENJE PLANA PREVENTIVNIH MJERA VEZANO ZA ZAGAĐENJE ZRAKA U GRADU TUZLA, 23 vijećnika su glasala za, nema niko protiv, nema suzdržan.

I ja ću zamoliti našeg sekretara bolje vidi ona, neka pročita ipak prijedlog zaključaka.

MEDIHA NUHBEGOVIĆ

Dakle, prijedlozi zaključaka bi bili slijedeći.

1. Gradsko vijeće Grada Tuzla konstatuje, da nadležno Ministarstvo za oblast zaštite okoliša, je dostavilo Gradskom vijeću Informaciju o stanju aerozagađenja za posljednjih mjesec dana na zahtjev i urgenciju predsjedavajućeg Gradskog vijeća, a da nije dostavilo ranije tražene informacije po Programu rada Gradskog vijeća, odnosno informaciju o stanju u oblasti zaštite okoliša i informaciju o aerozagađenju.

2. Gradsko vijeće traži od Javnog preduzeća Elektroprivreda BiH Sarajevo – Poslovna jedinica Termoelektrana Tuzla, da se okonča projekat osumporavanja u Termoelektrani Tuzla.

3. Gradsko vijeće Tuzla zahtijeva od Vlade Federacije BiH i Federalnog ministarstva energetike, industrije i rudarstva TK i Javnog preduzeća Elektroprivreda, da se što prije pristupi realizaciji projekta bloka “7” u Termoelektrani Tuzla, kako bi se postojeći blokovi zamijenili ekološki prihvatljivim. Do realizacije ovog projekta, neophodno je da Javno preduzeće Elektroprivreda BiH sukladno Zakonu o zaštiti okoliša izdvoji sredstva na ime dodatne naknade radi kompenzacije zbog aerozagađenja i ugrožavanja zdravlja ljudi.

Gradsko vijeće Tuzla, traži da se navedena sredstva a na ime kompenzacije izdvoje već u 2016. godini.

4. Traži se od Vlade Federacije da se pristupi izmjeni Plana interventnih mjera s ciljem uspostavljanja konkretnih mehanizama i aktivnosti na sprečavanju aerozagađenja i zaštite zdravlja građanki i građana.

5. Gradsko vijeće Tuzla, traži da se važeći standardi, iz oblasti zaštite okoliša, usaglase sa svjetskim i evropskim Eko standardima, kako bi rizici, epizode upozorenja, epizode pripravnosti i epizode uzbune bili isti kao u drugim zemljama.

6. Neophodno je pratiti prognoze Hidrometeorološkog saveza Federacije Bosne i Hercegovine, te ukoliko će vremenske prilike koje izazivaju zagađenje trajati duže, sagledati zakonske mogućnosti proglašenja stanja prirodne nesreće na području grada Tuzla.

7. Ministarstvo prostornog uređenja i zaštite okoliša TK će za sjednicu u januaru 2015. godine dostaviti Gradskom vijeću Grada Tuzla informaciju o aerozagađenju za 2015. godinu. Traži se od Ministarstva prostornog uređenja i zaštite okoliša, da pristupi izradi strategije zaštite okoliša.

8. Traži se od Ministarstva zdravlja Tuzlanskog kantona da u saradnji sa epidemiološkom službom za januarsku sjednicu Gradskog vijeća Tuzla, dostavi informaciju o broju respiratornih, kod djece opstruktivnih i hroničnih opstruktivnih bolesti, kardiovaskularnih oboljenja i smrtnosti uzrokovanog zagađenjem zraka tokom 2015. godine.

9. Traži se Federalne uprave za inspeksijske poslove i Kantonalne uprave za inspeksijske poslove da vrši pojačan nadzor nad operaterima, da li ispunjavaju uvjete iz

okolinske dozvole, a onima koji takve uvjete ne ispunjavaju uskratiti okolinske dozvole u budućnosti.

10. S obzirom na nedovoljan broj inspektora iz oblasti zaštite okoliša, traži se od Vlade Federacije da sistematizira i primi veći broj federalnih okolišnih inspektora, a od Vlade Tuzlanskog kantona da sistematizira i primi veći broj kantonalnih inspektora iz oblasti okoliša.

11. Služba za komunalne poslove, izgradnju i pitanja mjesnih zajednica se obavezuje da za sjednicu Gradskog vijeća Grada Tuzla u januaru 2016. godine, dostavi informaciju o broju toplificiranih objekata u zadnjih godinu dana i da ubuduće redovno izvještava Gradsko vijeće o projektima toplifikacije.

12. Traži se od Ministarstva prostornog uređenja i zaštite okoliša, da na pogodnim mjestima u gradu Tuzla postavi ispravne displeje sa podacima o zagađenju zraka.

13. Traži se od Ministarstva obrazovanja, nauke, kulture i sporta TK, da sagledaju zakonske mogućnosti, da se sa ciljem zaštite zdravlja djece privremeno obustavi nastava.

14. Nastaviti aktivnosti na toplifikaciji grada Tuzla, završetku ekoloških projekata i kandidiranju za ekološke projekte.

Intenzivirati aktivnosti na uspostavi zelenog vala i provesti druge mjere iz nadležnosti Grada Tuzla, koje mogu biti uzrok aerozagađenja.

15. Zadužuje se Gradonačelnik Grada Tuzla, da sukladno ranijim zaključcima Vijeća pripremi inicijative za vraćanje nadležnosti gradovima i općinama u oblasti zaštite okoliša.

16. Traži se od Zavoda za javno zdravstvo Tuzlanskog kantona, da Gradskom vijeću Tuzla dostavi Informaciju o kretanju bolesti, čiji je uzrok onečišćenje zraka prvenstveno respiratorne, kardiovaskularne itd.

17. Formirati stručni tim koji će raditi na analizi do sada usvojeni zaključaka Gradskog vijeća Tuzla, te provoditi aktivnosti na njihovoj realizaciji.

18. Sa sjednice Gradskog vijeća Grada Tuzla poslati Saopštenje za javnost sa zaključcima ove sjednice medijima.

JOZO NIŠANDŽIĆ

Hvala. Evo čuli smo prijedlog zaključaka. Gospođa Nada ima dopunu. Izvolite Nado.

NADA MLADINA

Samo bi volila da se u zaključku, u zaključcima navede i ovo što sam naglasila da bi trebalo, ne mora za januarsku sjednicu, ali da nadležna ministarstva trebaju raspolagati i početi sa istraživanjem i dati podatke o zagađenju tla na ovom području.

JOZO NIŠANDŽIĆ

Hvala evo čuli smo. Dajana izvolite.

DAJANA BAKIĆ

Pa mi smo za neke informacije predvidjeli rok da nam dostave u januaru, a mislim da bi bilo značajno da sve ove informacije koje smo tražili i od Ministarstva zdravlja i od Zavoda za javno zdravstvo i od ostalih ministarstava, kada je u pitanju ovaj problem, po mogućnosti da nam dostave sve u januaru kako bi imali cjelokupne informacije i mogli kvalitetno da raspravljamo na toj januarskoj sjednici.

Mi imamo jedan displej u centru grada na Skveru koji pokazuje zapravo zagađenost. Ja ne znam zaključak kako je formiran, čini mi se isto ko da nema, (MEDIHA NUHBEGOVIĆ – Ispravni.) ispravni i novi na još dodatnim mjestima s obzirom da je potrebno.

Jer sam ja shvatila u diskusiji da kao da ne postoji jel, postoji na skveru, ali nije ispravan.

JOZO NIŠANDŽIĆ

Hvala. Evo čuli smo, znači uz ovo dodatno, ko je za ovaj prijedlog zaključaka, molim da digne ruku? (27) Ima li neko protiv? (Nema.) Uzdržan? (Nema.)

Konstatujem da su predloženi zaključci jednoglasno prihvaćeni, naime, 27 vijećnika je glasalo za, nema niko protiv, nema suzdržan, slijedeći:

1. Gradsko vijeće Grada Tuzla konstatuje, da je nadležno ministarstvo za oblast zaštite okoliša, dostavilo Gradskom vijeću Informaciju o stanju aerozagađenja za posljednjih mjesec dana na zahtjev predsjedavajućeg Gradskog vijeća, a nije dostavilo ranije tražene informacije po Programu rada Gradskog vijeća odnosno, Informaciju o stanju u oblasti zaštite okoliša i Informaciju o aerozagađenju

2. Gradsko vijeće traži od JP Elektroprivreda BiH Sarajevo- PJ Termoelektrana Tuzla, da okonča projekat osumporavanja u Termoelektrani Tuzla.

3. Gradsko vijeće Tuzla zahtijeva od Vlade Federacije BiH i Federalnog ministarstva energetike, industrije i rudarstva TK da se što prije pristupi realizaciji projekta bloka VII u Termoelektrani Tuzla, kako bi se postojeći blokovi zamijenili ekološki prihvatljivim. Do realizacije ovog projekta, neophodno je da JP Elektroprivreda BiH sukladno Zakonu o zaštiti okoliša izdvoji sredstva na ime dodatne naknade radi kompenzacije zbog aerozagađenja i ugrožavanja zdravlja ljudi na području grada Tuzla. Gradsko vijeće Tuzla, traži da se sredstva na ime kompenzacije zbog ugrožavanja okoliša i zdravlja ljudi, izdvoje već u 2016. godini.

4. Traži se od Tuzlanskog kantona, da se pristupi izmjeni Plana interventnih mjera s ciljem uspostavljanja konkretnih mehanizama i aktivnosti na sprečavanju aerozagađenja i zaštite zdravlja građanki i građana.

5. Gradsko vijeće Tuzla, traži da se važeći standardi usaglase sa Svjetskim i Evropskim eko standardima, kako bi rizici, epizode upozorenja, epizode pripravnosti i epizode uzbune bili isti kao u drugim zemljama.

6. Neophodno je pratiti prognoze Hidrometeorološkog saveza Federacije Bosne i Hercegovine, te ukoliko će vremenske prilike koje izazivaju zagađenje će trajati duže, sagledati zakonske mogućnosti proglašenja stanja prirodne nesreće na području grada Tuzla.

7. Ministarstvo prostornog uređenja i zaštitu TK okoliša će za sjednicu u januaru 2015. godine dostaviti Gradskom vijeću Grada Tuzla Informaciju o aerozagađenju za 2015. godinu. Traži se od Ministarstva prostornog uređenja i zaštitu okoliša, da pristupi izradi Strategije zaštite okoliša, kao i da se krene sa aktivnostima o praćenju kvaliteta tla.

8. Traži se od Ministarstva zdravlja TK da u saradnji sa epidemiološkom službom za januarsku sjednicu Gradskog vijeća Tuzla, dostavi Informaciju o broju respiratornih, opstruktivnih i hroničnih opstruktivnih bolesti, kardiovaskularnih oboljenja i smrtnosti uzrokovanog zagađenjem zraka tokom 2015. godine.

9. Traži se Federalne uprave za inspeksijske poslove i Kantonalne uprave za inspeksijske poslove da vrši pojačan nadzor nad operaterima, da li ispunjavaju uvjete iz okolinske dozvole, a onima koji takve uvjete ne ispunjavaju uskratiti okolinske dozvole u budućnosti.

10. S obzirom na nedovoljan broj inspektora iz oblasti zaštite okoliša, traži se od Vlade Federacije da sistematizira i primi veći broj federalnih okolišnih inspektora, a os Vlade Tuzlanskog kantona da sistematizira i primi veći broj inspektora iz oblasti okoliša.

11. Služba za komunalne poslove, izgradnju i pitanja mjesnih zajednica se obavezuje da za sjednicu Gradskog vijeća Grada Tuzla u januaru 2016. godine, dostavi informaciju o broju toplificiranih objekata u zadnjih godinu dana i da ubuduće redovno izvještava Gradsko vijeće Tuzla o projektima toplifikacije.

12. Traži se od Ministarstva prostornog uređenja i zaštitu okoliša, da na pogodnim mjestima u Gradu Tuzla postavi ispravne displeje sa podacima o zagađenju zraka (pored lokacije "Skver") i na drugim lokacijama.

13. Traži se od Ministarstva obrazovanja, nauke, kulture i sporta TK, da sagleda zakonske mogućnosti, da se radi zdravlja djece privremeno obustavi nastava zbog zagađenja zraka.

14. Nastaviti aktivnosti na toplifikaciji grada Tuzla, realizaciji ekoloških projekata i apliciranju kod fondova EU za ove projekte, intenzivirati uspostavi zelenog vala i provesti druge mjere iz nadležnosti Grada Tuzla, koje su uzroci aerozagađenja.

15. Zadužuje se Gradonačelnik Grada Tuzla, da sukladno ranijim zaključcima Vijeća pripremi inicijative za vraćanje nadležnosti gradovima i općinama u oblasti zaštite okoliša.

16. Traži se od Zavoda za javno zdravstvo Tuzlanskog kantona, da Gradskom vijeću Tuzla dostavi Informaciju o kretanju bolesti, čiji je uzrok onečišćenje zraka (prvenstveno respiratorne, kardiovaskularne itd.)

17. Formirati Stručni Tim koji će analizirati do sada usvojene zaključke Gradskog vijeća Tuzla, te voditi aktivnosti na njihovoj realizaciji.

18. S sjednice Gradskog vijeća Grada Tuzla poslati saopštenje za javnost sa zaključcima ove sjednice.

Prelazimo na desetu tačku Dnevnog reda:

DAVANJE SAGLASNOSTI NA SPORAZUM ZA REGULISANJE MEĐUSOBNIH ODNOSA U VEZI OBJEKTA BIVŠI "GRAFICAR" U TUZLI S MIŠLJENJEM GRADSKOG PRAVOBRANILAŠTVA GRADA TUZLA

Predlagач je Gradonačelnik Grada Tuzla. Obrađivač je Služba za razvoj, poduzetništvo i društvene djelatnosti.

Materijal razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline i klubovi vijećnika.

Otvaram raspravu. Pitam vijećnike, ima li potrebe za uvodnim izlaganjem? Nema je li. Otvaram raspravu klubova. Zaključujem raspravu klubova. Otvaram raspravu vijećnika. Zaključujem raspravu vijećnika.

Molim vas da se samo izjasnimo. Znači ko je za davanje saglasnosti na sporazum za regulisanje međusobnih odnosa u vezi objekta bivši "Graficar" u Tuzli s mišljenjem Gradskog pravobranilaštva Grada Tuzla.

Pitam vijećnike, ko je za, molim da digne ruku? (23) Ima li neko protiv? (Nema.) Suzdržan? (Nema.)

23 vijećnika je glasalo za, niko nije bio protiv i suzdržan, te konstatujem da je jednoglasno data SAGLASNOST NA SPORAZUM ZA REGULISANJE MEĐUSOBNIH ODNOSA U VEZI OBJEKTA BIVŠI "GRAFICAR" U TUZLI S MIŠLJENJEM GRADSKOG PRAVOBRANILAŠTVA GRADA TUZLA.

Prelazimo na jedanaestu tačku dnevnog reda:

INFORMACIJA O PODRŠCI GRADA TUZLA ORGANIZACIJAMA CIVILNOG DRUŠTVA I JAVNIM USTANOVAMA U OBLASTI DRUŠTVENIH DJELATNOSTI

Predlađač je Gradonačelnik Grada Tuzla. Obradivač je Služba za razvoj, poduzetništvo i društvene djelatnosti.

Materijal razmatrali: Komisija za ekonomske odnose, Komisija za mlade, obrazovanje i sport i klubovi vijećnika.

Otvaram raspravu. Pitam vijećnike, ima li potrebe za uvodnim izlaganjem? Otvaram raspravu klubova. Ima Edim Kadić ispred Bosanske stranke. Vidim da se javio. Izvolte gospodine Edime. Izvolte Edime.

EDIM KADIĆ

Ja ću kratko s obzirom da je informacija iz 2014. godine. Posebno bi istakao u ovoj informaciji i apelujem da se nastavi sa tradicijom organizovanja Sajma malog biznisa u Mejdanu i mislim da time doprinosimo boljem zapošljavanju naših ljudi.

Ono zbog čega sam se najviše javio za govornicu je to da pošto ovdje govori o javnim ustanovama, evo izadoše ovi iz SDA a mislio sam tačno njih da pozovem, da apeluju na premijera Vlade Kantona i ovo Vijeće je tražilo od predsjednika Vlade Kantona pomoć za otvaranje apoteke u Simin Hanu.

Takođe bi pozvao i kolege iz SBB-a s obzirom da je njihov ministar zdravlja trenutno. Juče sam bio kod njega, povuko je dosta dobrih poteza, ali bi zaista zamolio da se apoteka, odnosno depo u Simin Hanu napokon otvori.

Evo petnaest mjeseci stoji sređeno sve, uložila su se sredstva i neko zbog nečega ne da da se otvori i da građani Tuzle i u ovom slučaju budu u neravnopravnom položaju. Nigdje u Bosni i Hercegovini nema takav slučaj.

S druge strane imamo slučaj apoteke u Dobrnji, potpuno isti slučaj, s tim da u Simin Hanu imamo tri puta više stanovnika nego u Dobrnji, u Simin Hanu ne možemo otvoriti a u Dobrnji smo dobili.

Zaista je nešto neshvatljivo i evo ja bi zamolio da s obzirom da je gospodin Imamović prošli put rekao da može da utiče na premijera Kantona, ja bi ga pozvo da premijer i gospodin Sakić otvore tu, taj depo čim prija, jer sve je završeno samo da krenemo i nek građani biraju gdje da rade.

I ovaj put bi iskoristio da kažem da Apoteke u Tuzli dobijaju najnižu naknadu za recept, po jednom receptu, koji plaća Vlada Kantona u Evropi. To je u Sarajevskom kantonu 1,90 a u Tuzli je 0,83.

Znači još jedan pokazatelj neravnopravnosti građana, građana Tuzle. Hvala lijepo.

JOZO NIŠANDŽIĆ

Hvala Edime. U ime Kluba je li tako? Izvolte. Dajana Bakić u ime Kluba, odnosno ispred Kluba Socijaldemokratske partije.

DAJANA BAKIĆ

Hvala. Ni ja neću dugo. Mi smo kao Klub razmatrali dakle ovu informaciju. Podržat ćemo je odmah da se izjasnim.

Ovaj nema puno da se doda osim da bi ova informacija mogla biti i sadržajnije s obzirom na učešće, odnosno ovog lokalnog nivoa vlasti i Gradskog vijeća Tuzla prilikom i rasprava o informacijama i učešćem u drugim aktivnostima ali i gradske uprave Tuzla, u podršci organizacijama civilnog društva ili nevladinim organizacijama kako hoćete.

Mi imamo jak nevladin sektor. Imamo dobre građanske inicijative koje upućuju na neke probleme u zajednici i koje su uvijek srpemne da zajedno sa gradskom upravom i ovim lokalnim nivoem vlasti idu ka rješavanju tih problema.

Meni je drago da smo mi kao lokalna zajednica prepoznali kapacitete koji posjeduju nevladin sektor ovdje u našoj lokalnoj zajednici i u skladu s tim dajemo im podršku iz Budžeta u smislu sufinansiranja ili finansiranja određenih projekata.

Postoji izvrsni primjer partnerstava koje naša Služba ostvaruje sa nekim organizacijama ili fondacijama koje služe ne samo realizaciji njihovih projekata nego realizaciji projekata komunalne infrastrukture, obnavljanju domova, mjesnih zajednica ili nekih stvari koji su izvorno nadležnosti nas kao lokalne zajednice, ali i počevši od različitih programa kao što ste vidjeli tamo očuvanja tradicije i kulture, do psihosocijalne pomoći, pa socijalnog poduzetništva ili privrede i ekonomije i prvi put se u 2014. godini realizovao Sajam malog biznisa i apsolutno ga treba da podržimo, ono šarenilo različitih inovativnih ideja mladih ljudi i ljudi iz organizacija civilnog društva apsolutno zaslužuje respekt i nešto što trebamo kontinuirano ulagati.

Ono što bi tražila kao zaključak jeste zaključak koji se navodi u ovoj informaciji koju mi je li primamo k znanju jednako sa informacijom, ali bi voljela da se naglasi da se traži od Vlade Tuzlanskog kantona i nadležnih kantonalnih ministarstava, ali i federalnih koji imaju i redovno javne pozive za sufinansiranje i finansiranje projekata nevladinih organizacija da obezbijede sistemsku veću finansijsku podršku nevladinom sektoru u Tuzli.

Ja sam imala priliku da apliciram nekoliko puta na Federalno ministarstvo kulture za projekte očuvanja kulture i tradicije s obzirom da igram folklor. Nikad nisam dobila odgovor a kamoli bilo kakva sredstva od strane Federalnog ministarstva.

Tako da postoji taj nekakav nepravedan odnos prema jednom sektoru koji kroz realizaciju različitih inicijativa i projekata ulaže u lokalnu zajednicu i čuva neko blago kao što je tradicija i kultura, ali i generalno bavi se razvojem lokalne zajednice iz različitih oblasti života.

Dakle neophodno je da barem imamo korektan odnos prema ljudima koji apliciraju na neki javni poziv, u smisli da im odgovorimo da neće dobiti sredstva ili nešto tako. Tako da evo to je to. Hvala.

JOZO NIŠANDŽIĆ

Hvala. Gospodin Elvir Kasumović, ispred Kluba Saveza za bolju budućnost. Izvolte Elvire.

ELVIR KASUMOVIĆ

Klub vijećnika Saveza za bolju budućnost podržat će ovu informaciju, uz određene sugestije.

Tražimo da se u budućoj raspodjeli sredstava proporcionalnije djeluje po pitanju raspodjele sredstava. Nismo zadovoljni prije svega raspodjelom, zato što znamo da određena Kulturna umjetnička društva koji broje veliki broj članova dobijaju mala novčana sredstva. Čak što više ja bi reko neznatna.

Šta ćete vi kulturnom umjetničkom društvu koje broji ne znam 50, 100 učesnika dati 300, 400 maraka. To je sramota.

A s druge strane dajete Udruženju građana „Ljubitelji piva“ 2.500 maraka. U koju svrhu? Da se nabavi pivo i da se ispija pivo. Ili ne znam u koju. Znači treba se obrazložiti i tražiti ćemo detaljno obrazloženje.

Sledeći put ćemo održati konferenciju za štampu ako se ovo pojavi ovako na ovaj način. Ovo više ne smije ovako da se radi. Dato vam je na upravljanje, imate da se odnosi marljivo prema tim sredstvima koje ste dobili.

Škola nogometa gdje su djeca, trebaju da svoje prve korake krenu u školi nogometa 200, 300 maraka. Ovo je sramota. I da ne nabrajam dalje. Ne želim da licitiram sa ovim imenima i tako dalje.

Ali vidim da su kulturno umjetnička društva izuzetno zapostavljena što je na neki način i ova Služba doprinjela gašenju određenih kulturno umjetničkih društava i s tim da omladinu iz mjesnih zajednica izbacujete na ulicu, da se omladina ne bavim onim čim bi trebala da se bavi nego da se bavi problemima. U stvari da dovodi do problema koji treba društvo čitavo da se pozabavi liječenjem tih problema.

Mislim da ste svjesni svoje odgovornosti i položaja i da ćete ubuduće ova sredstva preraspoređivati na bolji način, na pravedniji, proporcionalniji što bi reko, tako da se ne dešava u budućnosti ovako nešto.

Jedan od zaključaka. Svaka tri mjeseca da se dostavi analiza, da se dostavi izvještaj kome su sredstva i u kom iznosu data, tako da nek imamo mi kao gradski vijećnici da se možemo po nekim pitanjima ograditi od rada Službe ukoliko bude nastavila sa ovakvim djelovanjem.

JOZO NIŠANDŽIĆ

Hvala vam. Dajana Bakić ima repliku. Izvolte. Gospođica Dajana.

DAJANA BAKIĆ

Hvala. Ne možemo tražiti informaciju svaka tri mjeseca iz razloga što je javni poziv za sufinansiranje i finansiranje projekata organizacija civilnog društva jednom godišnje. Tako da mi raspravljamo tu informaciju koja se odnosi na to.

Postoji javni poziv dakle koji podrazumijeva kriterije, tamo ako se ne varam nekih pet dokumenata, i podrazumijeva osnovne podatke o udruženjima, čime se udruženje bavi, koliko je tu članova, koliko je projektnih aktivnosti u toku jedne godine, za što je namijenjen projekat, koji značaj ima lokalna zajednica i razvoj lokalne zajednice i tako dalje i tako dalje.

Dakle više faktora utiče na to koliko će se i hoće li se finansirati određena projektna ideja. I meni je drago da postoje malo oštriji kriteriji jer iz razloga što mi u Tuzli imamo preko 700 nevladinih organizacija, s obzirom da kriteriji za formiranje jedne nevladine organizacije nisu pooštreni do te mjere, tri osobe mogu formirati organizaciju za nekih 100 do 200 maraka, tako da postoji zloupotreba dakle ovog civilnog sektora, odnosno nevladinih organizacija kada su u pitanju određena finansijska sredstva.

Ja ovdje primjetim s obzirom da sam aktivistkinja je li u civilnom sektoru, primjetim da jesu organizacije koje jesu aktivne i čije rezultate rada jesu vidljivi.

Mislim da bi bilo značajno da ne bi dolazilo do ovakvih diskusija da u tabelarnom prikazu možda pored toga koja organizacija i koliko sredstava stoji za koji je to projekat, čisto kratkim opisom od rečenicu, dvije, koji je osnovni cilj projekta bio, odnosno je li koji je interes, nije interes, lokalna zajednica ostvarila od tog projekta, kako bi mi vidjeli evo da nisu sredstva uložena tek tako u nešto.

Mislim mi ne znamo. Činjenica možda je ovo pokretanje nekog malog biznisa Pivare, što apsolutno možda će sutra zaposliti jednu, dvije osobe i nešto u što bi mi kao lokalna zajednica trebala uložiti, bez obzira što mi imamo stav prema alkoholu ili ne.

Tako da je to možemo posmatrati sa više različitih uglova kako nama odgovara u nekom trenutku jer možda mi ostvarujem interes kroz rad određenih udruženja.

Tako da mislim da bi bilo značajno da imamo i ove podatke u samoj informaciji. Hvala.

JOZO NIŠANDŽIĆ

Hvala. Samo. Ne, ne, samo. Znam. Mujiću je li replika ili? Samo malo. Je li replika ili je diskusija? (MEHMED MUJIĆ – Diskusija.) Diskusija. I repliku ima i Kasumović. Izvolte.

ELVIR KASUMOVIĆ

Ja sam kolegice iz vašeg izlaganja shvatio kao da vi kažete da ne postoji tromjesečni, šestomjesečni, devetomjesečno, odnosno dvanaestomjesečni izvještaj. Šta nas sprečava da dobijemo tromjesečni izvještaj, odnosno šestomjesečni i tako dalje?

Znači ja sam to tražio. Da li je poslovnički dozvoljeno, odnosno da li je u skladu sa mogućnostima Službe, a tvrdim i smatram da jeste i da treba da bude obaveza vizavi ovog izvještaja. Na kraju godine kad se pojavi ovo samo možemo da odbijemo, odbacimo i da prihvatimo ovaj izvještaj. E o tome se radi. (JOZO NIŠANDŽIĆ – Hvala.)

I hoću da kažem sad evo da će Savez za bolju budućnost biti uzdržan po ovom pitanju, prihvatanju ovog izvještaj, zbog toga što nismo za ovu preraspodjelu. Ja cijenim i svako neka se ponaša u skladu sa onim, ali znam da mi trebamo da podržavamo u zdravom tijelu zdrav duh a ne da potpomažemo Udruženje koje se bavi, kako već kaže, ljubitelja piva i tako dalje. (JOZO NIŠANDŽIĆ – Hvala. Mujić.) (DAJANA BAKIĆ – Nerazgovjetno izgovorene riječi. op.a.)

Molim? Kakve veze ima molim vas Tuzlanska pivara sa Udruženjem građana „Ljubitelji piva“? Kakve ima veze? Hajte mi samo spojite u kom. (ERNA DELIĆ – Pa možda ima.) (JOZO NIŠANDŽIĆ – Nemojte. Samo malo. Malo. Molim vas. Nemojte komunicirat. Dobit ćete.) Pa neću. Nek ih Tuzlanska pivara onda finansira. Nek ih Tuzlanska pivara finansira. Ja nisam za to da mi finansiramo.

JOZO NIŠANDŽIĆ

Gospodine Kasumoviću, vi ste vaš stav iznijeli i uredu je. Ako bude bilo. Za riječ se dalje javio Mehmed Mujić, predstavnik nacionalnih manjina iz Kluba Socijaldemokratske partije. Izvolte.

MEHMED MUJIĆ

Hvala predsjedavajući. Ja ovdje javno moram pohvaliti Službu za razvoj, poduzetništvo i društvene djelatnosti. Vezano kad su u pitanju nacionalne manjine i Romi na području Grada Tuzle mi smo ovih godina kontinuirano dosta uradili i razradili mnoge programe gdje je prva delegacija međunarodnih organizacija i svjetske asocijacije bila zapravo u Službi za razvoj i društvene djelatnosti i gdje smo razvijali svoje programe i razradit ćemo u narednom periodu u saadnji sa međunarodnim organizacijama kao i sa evropskim zemljama.

Isto tako su bili prisutni Romi sa Balkana a pod nadzorom Međunarodne organizacija Balkan Rom, gdje je izuzetno primljena delegacija i uspostavili smo daljnju saradnju i vidimo da u kontinuitetu da predstavnici nacionalnih manjina na području ovog grada ima i postojeći ekonomski kod i dobra je saradnja i svu pohvalu dajem kolegi i prijatelju, zapravo šefu te Službe Vedranu Lakiću, koji je dosta toga uradio zajednički i sa mnom i sa predstavnicima Romskih nevladinih organizacija i kad je u pitanju saradnja sa Međunarodnom organizacijom RAF koja postoji u Mađarskoj i koja finansira programe za obrazovanje, za stambeno zbrinjavanje Roma, za poboljšanje uvjeta života i nacionalnih manjina, i mi možemo pokazati da je naša društvena služba u odnosu drugih lokalnih samouprava na području Tuzlanskog kantona pokazala primjer i imamo i kontinuirane rezultate po tom pitanju i kao lokalna služba i Služba društvenih djelatnosti i razvoj uspostavila je dobru saradnju sa Ministarstvom za ljudska prava BiH i gdje mi ovih godina smo pokazali ogromne rezultate u odnosu drugih lokalnih opština u Bosni i Hercegovini.

I za pohvalu je isto Služba za društvene djelatnosti gdje svu svoju saradnju i podršku dala Romskim nevladinim organizacijama kroz grant programe, gdje Romske nevladine organizacije apliciraju a s posebnim osvrtom kad je u pitanju i u kontinuitetu zdravstveno osiguranje i sve što je u cilju rješavanja vidimo na najkvalitetniji način se razrađuje i dolazi do ogromnog rezultata. Hvala.

JOZO NIŠANDŽIĆ

Hvala. Gospodin Beriz Sakić.

BERIZ SAKIĆ

Ja bi se samo htio zahvalit kolegi Edibu na poziv da otvaranju ove apoteke, bilo bi mi to zadovoljstvo, naravno učinut ću sve što je u mojoj moći da to brzo, što skorije vrijeme to i bude.

Naravno zdrava konkurencija je uvijek dobro došla. Ja podržavam rad Apoteka, uvijek sam to podržavo. Podržavam rad kolege Ediba u svom nastojanju da sve apoteke koje su već tu postojale da se naravno ponovo otvore. Ne znam ni razlog zašto su one uopšte i zatvarane, pogotovo sad što su renovirane.

Naravno zdrava konkurencija je uvijek dobra za građane. Savjet Mjesne zajednice i građani Simin Hana su odavno to već tražili, zahtjevaju da se to što prije riješi, iz jednog prostog razloga zato što kad se pokrenula ova priča za otvaranje te apoteke ponovo da se ona vrati u život kako bi ponovo radila, apoteka koja je privatna otvorena do te apoteke saznajući to je odmah otvorila i dežurstvo, tako da u tok apoteci ima sad i poslije radnog vremena dežurstvo da se apoteka podigne.

Naravno kad bi se i ovo učinilo da bi za građane Simin Hana dobro došla konkurencija, samim tim bili bi vjerovatno jeftiniji lijekovi.

A ja sam uvijek za ovom govornicom govorio i svoj stav iznosio da po meni je nepojmljivo da apoteka može da propadne. Mislim za mene je apoteka ko i pekara. Ako pekara može propast ne znam kako onda apoteka može. Hvala vam.

JOZO NIŠANDŽIĆ

Hvala. Jasmin Habul, Savez za bolju budućnost. Izvolte Habule.

JASMIN HABUL

Ovako ja bi samo da dam podršku gospodinu Kadiću i mi ćemo iskoristiti sve stranačke što kaže kolege u Kantonalnoj skupštini u cilju poboljšanja građanima Grada Tuzle. To nam je što kaže i obaveza.

Nadovezo bi se na kolegu Kasumovića. Mislim ovo je stvarno ponižavajuće, 2.500 Udruženju „Ljubitelji piva“. Mislim mi ako podignemo ruku za sve ovo normalno za 2014. godini bilo ja nisam imo ni priliku ni da raspravljam o ovome ni u kom slučaju ne bi mogo dati prioritet i podržavao što kaže alkoholizam u odnosu na sve ove institucije koje su aplicirale.

Pa bi samo rekao ilustracije radi da što kaže Udruženje poboljelih u multiplesklerozi dobija 200 maraka a ovi 2.500 maraka. Ili Udruženje 25. maj Kapija 1.500 maraka, a ovi ispijači piva 2.500 maraka. Udruženje Pčelara, znamo svi šta znači med u ishrani i koji je njihov trud u svemu tome, dobija 2.000, a ovi što piju pivo 2.500. Kulturno umjetničko društvo Zvonko Cerić koje je obišlo čitavu Evropu i svijet i uvijek je nosilo što kaže zastavu Grada Tuzle dobije nekih 500 maraka ili Kulturno umjetničko društvo Bosna isto obišlo čitavu zemaljsku kuglu, prezentovan naš grad, dobije 100 maraka.

Mislim trebalo bi voditi zaista računa, bilo bi krajnje neozbiljno i ako bi ovakvo nešto se dogodilo bar se moramo voditi računa o svim tim koji apliciraju i da mi što kaže imamo uviđaj u svemu tome šta se tu radi. Hvala.

JOZO NIŠANDŽIĆ

Hvala. Nema. Gospodin. Je li replika? Šta je? (MIRNES AJANOVIĆ – Diskusija.) Šta je kod vas Enese? Diskusija. Dobro.

MIRNES AJANOVIĆ

U pravu su kolege. Ovo je protiv zaključaka Vijeća. Ovdje je nekad bila proslava Heinekena pa je Vijeće donijelo odluku da više toga nema. Nema finansiranja nikakvih alkoholnih manifestacija. To je zaključak Vijeća od prošlog saziva i nije primjereno da imamo ovu okolnost ovoliko novca, pa nikako za promociju alkohola.

To je potpuno pogrešno i evo i ja sam tog zaključka da dobijemo informaciju za sledeće Vijeće ko je to odobrio. Dakle šta je, kako je to prošlo nekakvu proceduru odobrenja da se favorizuje alkohol. A pored zaključka Vijeća da toga više nema.

I zaista evo mogle su kolege pričati ili ja o brojnim drugim institucijama, odnosno udruženjima koji su dobili mnogo manje novca a ovo je praktično jedno od najfinansiranijih i najviše novca dobilo.

I zaključak. U narednim Vijećima da se poštuje zaključak Vijeća i nema finansiranja nikakve promocije alkohola ili Anđela pakla ili slično što je bilo. Protiv toga sam se borio i

izborio. Ovo Vijeće je nekada finansiralo, odnosno Grad Tuzla i Anđele pakla. Drogu, prostituciju, sve ono što znači razvrat i slično. Davali su novac iz Budžeta za te manifestacije.

Pa sam za ovom govornicom na sličan način kao kolega upozorio i to je prestalo. I evo sad ponovo se vratilo, da neko ovdje finansira Udruženje Ljubitelja piva. Nema tu ovakvog, onakvog, zna se šta je. To je alkohol, to je zabranjeno, čak i reklamirati. A mi kao grad imamo ovu sramotu.

I zaključak da Gradsko vijeće, treba i taj, osuđuje finansiranje ovakve vrste promocije alkohola, bez obzira na namjere, motive, ljubitelje, porive, neke institucije koje su se htjele reklamirati nek se reklamiraju na drugi način.

Mi ne možemo nikome zabraniti da privatno radi šta god hoće, ali kao Grad imamo pravo da spriječimo bilo šta što može se negativno odraziti na građane kada čuju da Grad stoji iza nečega slično. Hvala.

JOZO NIŠANDŽIĆ

Hvala. Gradonačelnik ima molim vas isto. Izvolte gradonačelniče. Enese samo da vas pitam. Ako je replika imate prije, (ENES HUSEINAGIĆ – Nije. Nije.) ako je diskusije onda ćemo Erni dati prije. Hvala. Izvolte.

JASMIN IMAMOVIĆ

Pa da ne bude mislim zabune. Dakle radi se Tuzla je Grad koji ima jednu od najpoznatiji Pivara. Ima industriju piva. I raznih mineralnih voda, sokova i tako dalje.

I radi se dakle o Sajmu kojeg neko drugi finansira a mi djelimično podržimo. Dakle Sajam piva. Kao što je Beer festival u Minhenu i tako dalje. Tu glavnu rolnu igra Tuzlanska pivara. O tome se radi.

I vi vidite, mislim da to rade svi. Dakle nije to nikakva namjera da se forsiraju nekakvi ljubitelji ovog ili onog alkoholnog pića, nego da se sa malo para ima još jedan Festival jesenji koji traje, zaboravio sam nije ni važno, pet, šest dana. Dovode, dovedu i muzičare i sve, a reklamiraju najveći štand bude štand Tuzlanske pivare.

Eto dakle a nema govora o da bi sad neko forsirao ikakve i nešto pakleno, ili alkohol i ostalo. Pa ako mi to čini mi se da znači, toliki ljudi idu na Minhenski sajam, ako nađete nekoga da svoje pare uloži a da se samo malo od grada podrži, to je jedna i turistička smotra i to su štandovi proizvođača piva. Nije to mjesto pijanki. Dakle kao Sajam.

Radi se dakle o Sajmu i ja se slažem da je nesretno tu navedeno. Ispadne ko čita kao da neki imaju ljubitelji piva pa da onda dobiju pare iz Budžeta da piju pivo.

Dakle ovo se radi o jednom Privrednom sajmu, koje oni obogate kulturom. Eto. Mislim da znate samo šta je tema. Eto.

JOZO NIŠANDŽIĆ

Ima replika pre. Gospođa Erna Delić, repliku ima. Izvolte Erna. (JASMIN IMAMOVIĆ – Kako prezime?) Delić. Delić, gradonačelniče. Da. Da. Moram. Da se naviknemo na novo prezime. Je li tako? (NEDŽAD MALIKIĆ – Ja sam predsjedavajući mislio opet da ste pogriješili.) Ne. Ne. Nisam ja pogriješio. Ja sam. (NEDŽAD MALIKIĆ – Pa sam onda.) Izvolte. Radi se o replici molim vas.

ERNA DELIĆ - vijećnik Socijaldemokratske partije

Zahvaljujem se predsjedavajući. Ja vas. Srdačno bi pozdravila sve prisutne s obzirom da sam danas prvi put za govornicom.

Pa evo gradonačelnik je reko u suštini ono što sam ja htjela reći. Naravno i kao Klub vijećnika SDP-a i mi smo razmatrali ovu informaciju i postavili smo većinu i sličnih pitanja i evo da ste možda se i obratili na vrijeme i vi bi saznali da se ova podrška i ovo izdvajanje upravo radi o finansiranju Međunarodnog festivala piva koje se održava svake godine u našem gradu.

Evo složila bi se i zaista možda i pohvalno da u narednom periodu ovo upravo što je Dajana predložila da se u ovim tabelama nađe još ova jedna kolona koja će ukratko u par rečenica objasniti za što i za koju namjenu se planiraju ta izdvojena sredstva.

Ali ono zbog čega sam se ja javila s obzirom da je već sve to oko piva već objašnjeno, ja ću napomenuti da mi pored ovakve vrste informacija razmatramo i informacija o saradnji Grada sa inostranim subjektima, informaciju o podršci Grada projektima i aktivnostima mladih, razmatramo i Nacrt budžeta, usvajamo i Budžet, postoji grantovi brojnim sportskim klubovima, udruženjima, tako da mi moramo sve te stavke i kroz ove sve informacije jednostavno sabrati, možda se ne radi samo o ovim iznosima koji su ovdje navedeni.

Navela sam neke primjere. Rekla bih ovdje za ovom govornicom ali mislim da kao vijećnici i vijećnice moramo biti i sami biti upoznati sa svim aspektima i sa svim materijalima koje mi razmatramo. Hvala.

JOZO NIŠANDŽIĆ

Hvala. (ELVIR KASUMOVIĆ – Replika.) (MIRNES AJANOVIĆ – Ja sam prvi tražio.) Tražio je prvo gospodin Ajanović, iako sam mislio da je odustao već. (MIRNES AJANOVIĆ – Mislio sam.) Ali evo izvolte.

Enese morat ćete pošto je u vas diskusija da sačekamo replike pa ću ja vam dati. Neću zaboraviti. Izvolte.

MIRNES AJANOVIĆ

Objasnilo je gradonačelnika i kolegice nije adekvatno nazivu kakav piše. Piše lijepo Udruženje „Ljubitelja piva“. Nema sajma, nema ničega.

Mi, ja danas kad glasam za ovo, ja sam musliman, meni je zabranjeno koristiti alkohol. Ja sam u grijehu. Ja ću glasat protiv.

To je ružno. Trebalo je voditi računa o svima nama, o građanima koji su muslimani. Koji ne konzumiraju alkohol. O tome da je grijeh dijeliti alkohol. Pa i ako ga imate dat nekome. Ovo je ružno.

Ovo je moralo pisat ili Sajam. Ako neko nije bio dovoljno mudar da sakrije od nas, nek odgovara zato što nije sakriveno. (JASMIN IMAMOVIĆ – Ispravit ćemo. Staviti ćemo Sajam da piše.) Ovo je ružno. Ja ću glasat protiv šta god da sad promijenimo. Neću da nosim teret ovoga. I sramota je da je neko dao novac za ovo.

Razmislite, ovdje dosta ima u Tuzli muslimana. Neki možda i konzumiraju alkohol i nose teret toga. Ima ljudi koji neće.

I ružno je, pogrešno je, protivno zaključcima Vijeća. Tražim da se ispravi ovo u ovome, da vidimo ko je dao odobrenje za ovo i zašto. Dostavit nam izvještaj šta je. Je li to baš Udruženje. Je li to postoji neko Udruženje „Ljubitelja piva“. I mi njima dali. A onda otišli na neki sajam pa onda oni tamo još uživali u ljubljenju piva.

Ružno je to. Ne može Grad nikako stajati iza nečega što je zakonom zabranjeno da se uopšte reklamira. Zabranjeno je reklamiranje alkoholnih proizvoda bilo gdje. Ali se krše propisi pa nekako poturaju, reklamiraju, nešto rade. Ali je zabranjeno.

Ne smijemo kao Grad stajati iza ovog i tražim zaključak da se donese, da Gradsko vijeće Tuzla ne odobrava finansiranje bilo kakvih manifestacija koje promovišu alkoholna pića.

I ja sam u ovoj prilici kad se govorilo o pivnici, bila je ovdje predstavnik pivnice nekada iz SDA. Kako se zvala? Fikreta. Hajde nećemo dalje. I onda je ona opravdavala kako je to dobro radi Pivnice.

Pa gospođo Fikreta ako je pivnica toliko dobra nek napravi bezalkoholno pivo pa onda možemo reći eh postoji možda mogućnost da su to ljudi uzeli, probali bezalkoholna piva pa da, pa da promovišu da oni koji piju alkohol uzmu bezalkoholno pivo. Pa i nekako da bar budemo u tom nekakvom segmentu u nekakvom trendu izbjegavanja korištenja alkohola koji ima sve ono što je negativna posljedica opijanja ili slično.

Ali dajte nam, pomozite i nama sad. Ja ne mogu glasat za ovo. Nije mi bilo, nisam na ovakav način obratio pažnju. Hvala kolegama koji su ukazali na ovaj propust svih nas. Ali de nam pomozite da, nemojte da glasam za nešto što smatram da je pogrešno. I sigurno je pogrešno. Ne što mi je zabranjeno da dam bilo kakvu vrstu podrške tome.

Imaju viši organi iznad svih nas na ovoj planeti (JOZO NIŠANDŽIĆ – Hvala vam. Hvala. Imate pravo i jedno i drugo i treće.) ili u blizini ili svugdje ili van svega ovoga što postoji i ja ne želim da ako već živim život koji je primjeren onome što jesam, što sam se odredio da budem musliman, nemojte me dovesti ili bilo koga od kolega u poziciju da griješi. Hvala.

JOZO NIŠANDŽIĆ

Kasumović, Tupajić, pa Dajana. Sve su replike Enese još molim te moj nemoj se.

ELVIR KASUMOVIĆ

Ja bi samo repliciro mojoj kolegici Me, Erni. Ne znam novo prezime. Znam da je Mešić. (JOZO NIŠANDŽIĆ – Delić. Delić. Da zapamtimo više.) Delić.

Vidite nešto. Ja znam da trebam da budemo upoznat o radu Vijeća iz materijala koji se nama predoči. U ovim stavkama koji su dodijeljena sredstva stoji na 87 institucija da su dodijeljeni. Pa je li mislite da ja sad trebam zaviriti u svih 87 institucija i tražit tamo da vidim koja je to institucija, kome su dodijeljena sredstva i tako dalje.

A znam da je dužna Služba da me upozna. Nisam ja dužan da kao da vodim istragu po pitanju toga, nego dužna je Služba da me upozna po pitanju materijala da mi da materijal iz kojeg bi se ja informiso na taj način. A ne ovako da, da, da pričamo sad o ovome je li, da dolazimo do novih saznanja da se to radi o Sajmu, a u stvari je drugačije ovdje navedeno.

Jesmo mi i za sajmove naravno. Tuzla treba da slovi kao da kažem glavni Grad Tuzlanskog kantona i da imamo raznoliki sadržaj i ponudu prema svima, uz uvažavanje što je moj kolega Ajanović reko.

Mi smo multikulturalna sredina gdje, poštovat ćemo i ono što drugi praktikuju ukoliko oni uvažavaju i njihova vjera dopušta konzumiranje alkoholnih pića mi ćemo to poštovati, mi nemamo ništa protiv toga naravno, ali isto uz uvažavanje i prema ovim drugima je li koji to ne, ne, ne praktikuju.

JOZO NIŠANDŽIĆ

Tupajiću izvolte. Je li gotovo? (ELVIR KASUMOVIĆ – Da.)

MIRZA TUPAJIĆ

Moja diskusija će biti sličnog pravca kolege Kasumovića. (JOZO NIŠANDŽIĆ – Ne. Ne. Samo da pitam. Je li to replika ili diskusija molim te ja se izvinjavam?) Diskusija. (JOZO NIŠANDŽIĆ – Nemoj se ljutiti. Moram imamo Dajanu za repliku i imam Enesa Huseinagića čeka redovno. Pa onda ste tu. Oprostite.) Aha. Prozvali ste me. (JOZO NIŠANDŽIĆ – Zato ja vas pitam molim vas.) Okej.

JOZO NIŠANDŽIĆ

Izvolte Dajana.

DAJANA BAKIĆ

Ja se neću više i mislim da po Poslovniku nemam više pravo za repliku. (JOZO NIŠANDŽIĆ – Nemaš.)

Ovaj ja ovako shvatam ovo pitanje. I Udruženje „Ljubitelja piva“ kao i svako drugo udruženje je sačinjeno, odnosno čine ga članice i članovi koji su građani i građanke Tuzle. Mi živimo u sekularnoj državi i ja mislim da bi pitanje raspodjele sredstava svih nas koji punimo ovaj Budžet trebalo da bude posmatrano u tom smislu i da se pitanje vjere koje ovdje potenciramo treba razdvojiti od ovoga što ovdje diskutujemo i da ne bi trebalo biti to što mi uživamo privatno biti uopšte nešto što utiče na to kakvu ćemo mi odluku donijeti ovdje.

S tim u vezi, ja neću ovdje iznositi koja su moja vjerska opredjeljenja i da li ja pijem ili ne pijem pivo ali apsolutno stojim iza onog što je donijelo Klub vijećnika i vijećnica SDP-a BiH da se usvoji ova, odnosno primi ova informacija k znanju podrazumijevaći i ovo.

Tako da mislim da idemo u pogrešnom pravcu kada su u pitanju diskusije ovdje.

JOZO NIŠANDŽIĆ

Hvala. (MIRNES AJANOVIĆ – Ispravka krivog navoda.) Izvolte Ajanoviću. Vidite dogovorili se bili do jedan sat da završimo sjednicu Vijeća ali vidite ne ide.

MIRNES AJANOVIĆ

Dugo me nije neko ovako ponizio kao ona. Gospođa, gospođica. Šta je? Dugo. Ovdje izaći za govornicom, kolobatat očima, bukvalno govorit o pitanjima vjere uz kolobatanje očima. (JOZO NIŠANDŽIĆ – Molim vas. Molim vas. Ajanoviću nemojte.) Svi ste vidjeli to. Svi su vidjeli. Je krajnje drsko, bezobrazno.

Pogledajte kakav je osmjech podrugljiv. (JOZO NIŠANDŽIĆ – Pa nemojte. Šta.) A proizašao iz krajnjeg poniženja. Ja sam lagano govorio. Obrazložio razloge šta je. Ona govori o sekularizmu. O tome da Vijeće treba podržat alkohol, umjesto alkohola, smrti mladih i starih, brojnim saobraćajnim nesrećama koje su uzrok alkohola, razoreni brakovima, djeci bez roditelja, da to bude vodilja (JOZO NIŠANDŽIĆ – Ja vas molim.) predstavnika koji je ovdje govorio kolobatajući očima o pitanjima vjere.

Vjera nije grijeh, grijeh je alkohol. Podrška alkoholu, smrti, razvrati i svemu onome što znači alkohol, a što kolegica podržava.

I reko sam ako niste znali sakriti da podržavate alkohol i smrt. Alkohol jest jednako smrt. Kroz podgrubljiiv osmjeh sada ako imate onda poštujujte bar vjeru i nas koji ne želimo učestvovati i saučestvovati sa vama.

JOZO NIŠANDŽIĆ

Enes Huseinagić. Izvolte.

ENES HUSEINAGIĆ – samostalni vijećnik

Hvala lijepa predsjedavajući. Poštovani prisutni sve vas pozdravljam. Samatram da imamo jednu informaciju, inforanciju o podršci grada Tuzle organizacijama civilnog društva i javnim ustanovama u oblasti društvenih djelatnosti u 2014. godini.

Smatram da je informacija dobro sastavljena. Čestitam i gospodinu Vedranu Lakiću. On je napravio istinutu informaciju i mislim da je ovo, da nam. (NADA MLADINA – Transparentnu.) Molim? (NADA MLADINA – Transparentnu.) Transparentno. Tako je.

I mislim da je on da je bilo osnovno da je stavljanje ovo ljubitelja piva da je meni se čini bilo u stvari osnova da bi se promovirala tuzlanska privreda, odnosno da bi se promovirala privreda.

Ono što mogu kazat da, podržavam naravno ovu inicijativu, i smatram da je Grad Tuzla podržava ovaj sektor, da je napravio što se vidi iz izvještaja jedan širok spektar djelatnosti, u stvari podrške jačanju civilnog društva u svim segmentima razvoja.

I smatram da, i ja sam ljudi musliman, ali popijem i ja pivo, ne mogu kazat da ne popijem pivo i to sve, smatram da su ovdje sredstva transparentno, da je prikazano kako su sredstva data i smatram da gospodine Vedrane trebate nastaviti na ovaj način i dalje raditi. Hvala lijepa.

JOZO NIŠANDŽIĆ

Hvala. Gospodin Tupajić. Izvolte.

MIRZA TUPAJIĆ

(NADA MLADINA – Jesi proguto?) Hm? (NADA MLADINA – Jesi proguto?) Jesam.

Evo ovako. Ja ne vidim u ovom. Imamo znači tabelarni prikaz. 125.800 KM. Međutim, ove pare sigurno se dijele na javni poziv, projekti, apliciranje projekata, negdje imamo i sigurno u ovim manjim grantovima i tako dalje.

Međutim, ova informacija je nepotpuna po meni, jer svako ovo udruženje koje je dobila određena sredstva treba da piše zašto su dobili pare, znači da li je to jedan projekat, možda su to neke dobila na dva ili tri i da li su opravdali ta sredstva, da li je projekat realiziran.

I naravno da vidimo znači ako je to 2.500 maraka nekom udruženju, zašto su dobili tih 2.500 maraka. Zato kažem malo nepotpuno.

Na primjer ja neka od ovih udruženja poznajem, bio sam učesnik njihovih nekakvih projekata gdje sam vidio način na koji rade. Na primjer Udruženje građana Vive žene, koje super rade i tako dalje.

Ali zbog same informacije trebalo bi da to bude malo potpunije. Da tačno piše zašto pare, da li su opravdali ta sredstva, ipak se radi kad se ovo sabere o velikoj svoti novca. To je 125.800 KM.

JOZO NIŠANDŽIĆ

Hvala. Izvolte. Gospodin Alić Mensur. Tuzlanska alternativa.

MENSUR ALIĆ – vijećnik Tuzlanske alternative

Ja sam prvo mislio u početku ne treba izvještaj, pa nema klubova, ali zagužva se. Ali ne bi mi bili mi kad ne bi zagužvali na nečemu. To je uobičajno. (JOZO NIŠANDŽIĆ – Javili se vijećnici.)

Znate kako je danas najlakše za zaposlit? Osnujte udruženje i vi ste se zaposlili. Sebe i možda još nekog svog. I onda uzmete tašnu, otkucate zahtjeva na stotine, samo promijenite naziv firme i idete od firme do firme i tražite.

Kad bi se ja pito, ja bi pola od ovih udruženja ovdje ne bi dao ni feninga jednog. Ni feninga jednog. Zato što još ima, imamo, neko je spomenuo ovdje, 700 nevladinih udruženja na Kantonu. 700. I ja vjerujte svaki dan imam pet zahtjeva od tih udruženja. Traže pare. Gdje troše, kome polažu račun, kako pravdaju, uplatiš i nema više nikakve povratne informacije.

Kad je u pitanju ova stavka o kojoj se najviše govorilo. Pivara ima 300 zaposlenih radnika. Ostvarila je ove godine izuzetno dobar rezultat. Finansijski. Ako je to dato u reklamu, da se napravi reklama za Pivaru, ja ovo podržavam. A ako je otišlo negdje kontra na nešto drugo, naravno ne podržavam.

Nema objašnjenja, nije dovoljno objašnjeno i zbog toga nismo, ne bi trebali da pravimo ovoliku firku oko ovoga.

Ali ubuduće mislim da bi trebalo pored napomenuti, da ne ponavljam, stojati i za svaku zašto je ko dobio novac i gdje ga je utrošio. Mislim da nevladin sektor kad bi radio svoj posao ono što treba da radi mislim da bi daleko bolju državu imali i pobrinuli se za sve ono što nam je danas i socijalno ugroženo i svega, da bi bolje radili, daleko bila bolja država da ona sredstva koja dobiju od firmi privatnih i društvenih i raznih još kanto. Iz Kantona takođe oni dobivaju sredstva i tamo se pojavljuju sa zahtjevima takođe dobiju sredstva a nikom ne polažu račune.

Evo toliko da smirimo situaciju i da krenemo na glasanje. Hvala lijepo.

JOZO NIŠANDŽIĆ

Hvala. Hvala. Nada isto. Izvolte Nado.

NADA MLADINA

Poštovani vijećnici htjela bih napomenuti da ovdje nisu nabrojane. (JOZO NIŠANDŽIĆ – Samo malo molim vas.) Ovdje nisu nabrojane sve nevladine organizacije. I lično se ne bih složila sa činjenicom da se može na sve njih primijeniti epitet da ne rade dovoljno.

Ovdje su ono što se izdvaja iz Budžeta Grada (JOZO NIŠANDŽIĆ – Samo malo da saslušamo.) kao grant ili podrška nekakva stvarno simbolična sredstva za brojne nevladine organizacije koje daju značajan doprinos i rade ono što bi Vlada trebala i vladine organizacije da urade a nisu.

A koliko se ja, znam i koliko sam informisana iz dijela gdje sam i sama učestvovala u radu nevladinih organizacija, one sve podnose svoje izvještaje skupštinama nevladinih organizacijama i upravnim odborima nevladinih organizacija.

Tako da ne bi dobro bilo da ode na bilo koji način, nisam ja ni shvatila da to na tako misli gospodin Alić i ja mislim da nije dobro da može. Imamo tu nekih nevladinih organizacija koje su recimo dobile 7.500. (MENSUR ALIĆ – Ja kažem 50%) Pa kažem dobili su ali nemamo ni oko njih objašnjenje čime su i više doprinjeli od drugih. Ali svejedno mislim sigurno postoje razlozi.

Hoću da afirmišem činjenicu da mi zapravo uopšte imamo informaciju o ovome od Službe koja se time bavi i koja je transparentno dala presjek i pregleda koliko je kome dodijeljeno. Ja se ne sjećam da smo mi to do sada baš imali.

Pa da ne bude sad da drlje i kamenje ospemo na ono što smo dobili, uz uvažavanje svih primjedbi i naravno sugestija naših, sigurna sam da će Služba prihvatiti u narednom periodu da bi se otklonile nejasnoće možda nas u okviru informacije više i detaljnije o tome informisat.

Ja lično ću prihvatiti informaciju sa ovim pregledom.

JOZO NIŠANDŽIĆ

Hvala. Nema više. Zaključujem raspravu vijećnika. Molim vas idemo prvo na izjašnjenje vezano za informaciju a onda ćemo predlog zaključaka koji su već pripremljeni.

Pitam vijećnike, ko je za to da primimo k znanju informaciju o podršci Grada Tuzla organizacijama civilnog društva i javnim ustanovama u oblasti društvenih djelatnosti, molim da digne ruku? (MIRNES AJANOVIĆ – Samo malo. Poslovnička intervencija. Je li to sadržano u ovom izvještaju?) Pa to je taj izvještaj. (MIRNES AJANOVIĆ – To je ovaj gdje je sadržano.) To je taj izvještaj. To je taj izvještaj. (MIRNES AJANOVIĆ – Nije sadržano ovo za ljubitelje piva.) (NADA MLADINA – Jeste. Jeste.) (MEDIHA NUHBEGOVIĆ - Jeste.) Pa jeste. (NADA MLADINA – Jeste. Sastavni dio informacije je to.)

16 vijećnika je glasalo za, 9 vijećnika je bilo protiv i 2 vijećnika su bila suzdržana, te konstatujem da je informacija o podršci Grada Tuzla organizacijama civilnog društva i javnim ustanovama u oblasti društvenih djelatnosti, primljena k znanju većinom glasova.

(MIRNES AJANOVIĆ – Poslovnička intervencija.) Izvolte.

MIRNES AJANOVIĆ

Izražavam sumnju u rezultate glasanja, tražim pojedinačno glasanje, posebno iz razloga što je u ovoj Informaciji sadržana i informacija da se 2.500 maraka dalo za Udruženje „Ljubitelja piva“.

JOZO NIŠANDŽIĆ

Molit ću sekretara da prozove javno, što kažu da kažemo ko je za što.

MEDIHA NUHBEGOVIĆ

ILIJA JURIŠIĆ?	ZA.	ILIJA JURIŠIĆ za.
NADA MLADINA?	ZA.	NADA MLADINA za.
NIKOLA SLAVULJICA?	ZA.	NIKOLA SLAVULJICA za.
ELVIR MAHMUZIĆ?	ZA.	ELVIR MAHMUZIĆ za.

DAJANA BAKIĆ?	ZA.	DAJANA BAKIĆ za.
MERIMA SOFTIĆ?	ZA.	MERIMA SOFTIĆ za.
AZRA GAZIBEGOVIĆ?	ZA.	AZRA GAZIBEGOVIĆ za.
JOZO NIŠANDŽIĆ?	ZA.	JOZO NIŠANDŽIĆ za.
SRĐAN KEROŠEVIĆ?		SRĐAN KEROŠEVIĆ nije tu.
ERNA DELIĆ?	ZA.	ERNA DELIĆ za.
MEHMED MUJIĆ?	ZA.	MEHMED MUJIĆ za.
MIRSAD MALOHODŽIĆ?		MIRSAD MALOHODŽIĆ nije tu.
SABAHUDIN IMAMOVIĆ?	PROTIV.	SABAHUDIN IMAMOVIĆ protiv.
EDIS BAJIĆ?	PROTIV.	EDIS BAJIĆ protiv.
BERIZ SAKIĆ?	PROTIV.	BERIZ SAKIĆ protiv.
EDIN HARAČIĆ?	PROTIV.	EDIN HARAČIĆ protiv.
MIRZA TUPAJIĆ?	PROTIV.	MIRZA TUPAJIĆ protiv.
ENES HUSEINAGIĆ?	ZA.	ENES HUSEINAGIĆ za.
ELVIR KASUMOVIĆ?	PROTIV.	ELVIR KASUMOVIĆ protiv.
DŽEMAL DŽINDO?		DŽEMAL DŽINDO nije tu.
JASMIN HABUL?	PROTIV.	JASMIN HABUL protiv.
NEDŽAD MALIKIĆ?	ZA.	NEDŽAD MALIKIĆ za.
MIREL MIŠKOVIĆ?	ZA.	MIREL MIŠKOVIĆ za.
ADMIR HASANBAŠIĆ?	ZA.	ADMIR HASANBAŠIĆ za.
MIRNES AJANOVIĆ?	PROTIV.	MIRNES AJANOVIĆ protiv.
EDIM KADIĆ?	PROTIV.	EDIM KADIĆ protiv.
IVICA KOVAČEVIĆ?	SUZDRŽAN.	IVICA KOVAČEVIĆ suzdržan.
JASMINKA MIJATOVIĆ?	SUZDRŽANA.	JASMINKA MIJATOVIĆ suzdržana.
MENSUR ALIĆ?	ZA.	MENSUR ALIĆ za.
EKREM TOPIĆ?	ZA.	EKREM TOPIĆ za.
ADNAN SIJERČIĆ?		ADNAN SIJERČIĆ nije tu.

Rezultati su sledeći: 16 vijećnika je glasalo za, 9 vijećnika je bilo protiv i 2 vijećnika su bila suzdržana, te konstatujem da je INFORMACIJA O PODRŠCI GRADA TUZLA ORGANIZACIJAMA CIVILNOG DRUŠTVA I JAVNIM USTANOVAMA U OBLASTI DRUŠTVENIH DJELATNOSTI, primljena k znanju većinom glasova.

JOZO NIŠANDŽIĆ

Hvala. Idemo predlog zaključaka molim vas. Evo da ja pročitam.

1. Traži se od Vlade Federacije Bosne i Hercegovine, Vlade Tuzlanskog kantona (NADA MLADINA – Zaključke da saslušamo.) i nadležnih ministarstava, da izdvajaju veća sredstva za civilni sektor u Tuzli.

Popd dva. Malo molim vas tiše. Kasumoviću. (NADA MLADINA – Treba potpuno tiše da se sluša.) Ako hoćete dat ćemo pauzu. Ako mislim.

2. U narednom periodu preispitati kriterije za dodjelu sredstava po projektima, kako bi se poboljšali kriteriji za dodjelu sredstava na ime podrške projektima u oblasti društvenih djelatnosti.

3. Buduće informacije trebaju biti opširnije i sadržavati podatke o namjenama projekata, da li su opravdali sredstva i slično.

4. Za narednu sjednicu Gradskog vijeća Tuzla dostaviti informaciju o razlozima pružanja podrške manifestacijama koje promoviraju reklamne manifestacije pomenute u diskusijama vijećnika, za koje je Gradsko vijeće Tuzla svojim ranijim zaključcima izrazilo

negativan stav i traži da se takvi projekti ukoliko su u suprotnosti sa zaključcima Gradskog vijeća ubuduće ne finansiraju.

Evo to su prijedlozi zaključaka molim vas.

Pitam vijećnike, ko je za ovaj predlog zaključaka, molim da digne ruku? (27) Ima li neko protiv? (Nema.) Suzdržan? (1)

27 vijećnika je glasalo za, niko nije bio protiv i 1 vijećnik je bio suzdržan, te konstatujem da su većinom glasova usvojeni sljedeći zaključci:

1. Traži se od Vlade Federacije BiH, Vlade Tuzlanskog kantona i nadležnih ministarstava, da izdvajaju veća sredstva za civilni sektor u Tuzli.

2. U narednom periodu preispitati kriterije za dodjelu sredstava po projektima, kako bi se poboljšali kriteriji za dodjelu sredstava na ime podrške projektima u oblasti društvenih djelatnosti.

3. Buduće informacije trebaju biti opširnije i sadržavati podatke o namjenama projekata, da li su opravdali sredstva i slično.

4. Za narednu sjednicu Gradskog vijeća Tuzla dostaviti informaciju o razlozima pružanja podrške manifestacijama koje promoviraju reklamne manifestacije pomenute u diskusijama vijećnika, za koje je Gradsko vijeće Tuzla svojim ranijim zaključcima izrazilo negativan stav i traži da se takvi projekti ukoliko su u suprotnosti sa zaključcima Gradskog vijeća ubuduće ne finansiraju.

Prelazimo na dvanaestu tačku dnevnog reda:

INFORMACIJA O SARADNJI GRADA TUZLA SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE

Predlagач je Gradonačelnik Grada Tuzla. Obradivač je Stručna služba za poslove Gradonačelnika i koordinaciju rada gradskih službi.

Materijal razmatrali: Komisija za ekonomske odnose, Komisija za lokalnu samoupravu, Komisija za mlade, obrazovanje i sport i klubovi vijećnika.

Otvaram raspravu. Pitam vijećnike, ima li potrebe za uvodnim izlaganjem? Nema. Otvaram raspravu klubova. Zaključujem raspravu klubova. Otvaram raspravu vijećnika. Zaključujem i raspravu vijećnika.

Molim vas, idemo znači da, izjašnjavamo se o informaciji o saradnji Grada Tuzla sa inostranim subjektima i realizaciji projekata i programa iz oblasti međunarodne saradnje.

Pitam vijećnike, ko je za primanje k znanju ove informacije, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika su glasala za, niko nije bio protiv i suzdržan, te konstatujem da je **INFORMACIJA O SARADNJI GRADA TUZLA SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE**, jednoglasno primljena k znanju.

Molim vas imamo sada trinaesta tačka. (MIRNES AJANOVIĆ – Zar nije dvanaesta.) Dvanaestu smo završili. Trinaesta sad. Završena dvanaesta. Sad smo se izjasnili.

Prelazimo na trinaestu tačku dnevnog reda:

a) INFORMACIJA O PODRŠCI GRADA TUZLA PROJEKTIMA I AKTIVNOSTIMA MLADIH

b) INFORMACIJA O PRIPREMAMA GRADA TUZLA ZA NOVOGODIŠNJE PRAZNIKE (Naknadno uvrštena tačka u dnevni red. op.a.)

Hoćemo li to staviti pod ili dva, pod a) i b), pošto smo dodali onaj dio informacija o pripremi Grada hajde da kažem za blagdane. Pa hajde neka bude i tako. Ima li potrebe molim vas. Samo malo.

Znači predlagač je Gradonačelnik Grada Tuzla. Obrađivač je Služba za razvoj, poduzetništvo i društvene djelatnosti.

Materijal razmatrali su: Komisija za ekonomske odnose, Komisija za mlade, obrazovanje i sport i klubovi vijećnika.

Otvaram raspravu. Pitam vijećnike, ima li potrebe za uvodnim izlaganjem? Prva mi se javila, sad da li će biti pod a) ili b) vidit ćemo o tome. (MEDIHA NUHBEGOVIĆ – Ima potrebe.)

Aha ima gradonačelnik prvo da kaže pod a). Izvolte gradonačelnice. Izvolte gradonačelnice. Pošto je bilo pitanja. Tačno. Hajde izvolte. Ne. Ne. On ćemo samo vezano za informaciju o pripremi Grada. Tako je. Što smo mi jutros zaključili.

JASMIN IMAMOVIĆ

Ja sam obavješten da ste vi uz ovu tačku dnevnog reda pridružili informaciju vezano za Novu godinu i ostalo.

Ovako. Onaj zaključak koji ste prošli puta donijeli, građani, mi smo to sve uradili što se tiče kićenja, što se tiče, međutim građani su shvatili da će biti proslava Nove godine.

I onda smo mi krenuli sa Udruženjem „Obrtnika Tuzle“, oni bi bili organizatori. Valja nam se dakle potruditi. Imali smo sjajan iftar na Trgu slobode u Mjesecu ramazanu. Treba da se potrudimo oko, na istome mjestu, Katoličkog božića, odmah Nove godine i Pravoslavnog božića.

Tako da će Udruženje „Obrtnika Tuzle“ produžiti Sajam poduzetništva do 09. januara, oni će biti organizatori, a mi moramo finansijski pomoći.

Dakle nije problem da radi klizalište sve dok ima zainteresiranih. Hoće li to biti do devet naveče, ili jedanaest, ili dvanaest, svejedno je. Na tom istom mjestu. To je dobila nalog Panonika i to će tako bit.

Nije problem da svira muzika ali je problem što sad ljudi su shvatili da će to biti ozbiljno Nova godina, što će ljudi doći i mi sad moramo, u stvari smo već dogovorili, ide bina, reprezentativna bina sa odgovarajućim ozvučenjem i odgovarajućom rasvjetom.

Dalje. Valja obezbijediti obezbjeđenje, zaštitarsku kuću i to se mora platiti. Imat ćemo one iste šatore sve vrijeme, samo što će možda ugostiteljski sadržaji da budu dominantniji u toj novogodišnjoj noći. Uključit će se i kafići koji su u Baroku oni kafići.

Tako da ja mislim da mi, daće to biti fino, fina proslava, ne napadna i moglo bi se to, koštati će do ne dvije nego do 20.000 maraka. Ali do. Ali kad imate u vidu da nema nigdje ispod 200.000, mislim da nije problem utrošiti za one koji žele izaći van za Novu godinu ili su sami kod kuće i tako da dalje, da to nije neki trošak.

Dakle biće ono što ste vi stavili u zaključke Vijeća sve i još na to, da znate, DJ bi počeo da radi u 10 naveče do 11, od 11 do 1 bi bila muzika živa, više ovih izvođača, uživo, a onda bi od 1 do 2 opet DJ i ja mislim da je to gotovo, da je to sasvim dobra.

Pronašli smo i jednu organizaciju jer bi bilo vrlo teško reći privrednicima da bilo šta daju džaba je li, privatnicima i to, ali smo pronašli jednu nevladinu organizaciju koja je spremna hiljadu čajeva da podijeli besplatno, samo moramo naći volontere koji će to dijeliti i da to oko svega ovoga ima jako puno posla.

I volio bi jednostavno ovo što će da uradimo mi zajedno sa Udruženjem „Samostalnih poduzetnika“, odnosno ono što će uraditi uz našu finansijsku podršku Udruženje „Poduzetnika Tuzle“ je više nego što ste tražili i molim da ne bude nekih novih zahtjeva da ne odemo u skuplje finansijski i da ne izgubimo vrijeme. Jer potrebno nam je vrijeme da ovo realizujemo.

Eto to je ta informacija.

JOZO NIŠANDŽIĆ

Hvala. (MIRNES AJANOVIĆ – Predlagač. Predlagač.) Predlagač. Izvolte. (MIRNES AJANOVIĆ – Ja sam predlagač.) Pa Inicijative predlagač. Izvolte predlagač. Vi govorite samo o ovom dijelu koji sad ide. (MIRNES AJANOVIĆ – Jeste.) Jer imamo prijavljenih već za. Izvolte.

MIRNES AJANOVIĆ

Gradonačelnik nije bio na sjednici Vijeća kada smo mi 15. raspravljali o ovome. Dobio je zaključke koji su šturi. Stenogram još uvijek nije urađen. Nismo dobili zapisnik, niti stenogram sa te sjednice jer je bila prije sedam dana.

Nismo mi to tražili gradonačelniče. 20.000 maraka nije ništa novca. To je možemo reći ako trebamo biti bar minimalno Grad, u pravu ste, taj iznos je minimalan. Jer obično košta 100.000 maraka samo bina ili slično, pa onda još svašta nešto, pa nekakvi reprezentativni pjevači, pa. A nismo mi to tako zamislili.

I to da će podijeliti hiljadu čajeva, nemojte da dijeli ništa. Nijedan. Ta nevladina organizacija nek se skloni u stranu. Molim vas. Ako će dijeliti hiljadu, pa hiljadu i prvi dođe a nema taj čaj, ne treba ni oni prvih hiljadu da dobiju.

Mi smo razgovarali drugačije o tome. Napravimo bez te bine. Nikada ta živa muzika na otvorenom nije bila dobra. To je bila dreka, galama, cika, tandaranje raznoraznih dobrih, loših, sasvim je svejedno muzičara i pjevanje koje se ne čuje. Niko to ne čuje. Ne razumije se. To je buka koja smeta.

Mi smo planirali drugačije. Vi ako hoćete to uraditi ja vas ne mogu zaustaviti. Nit želim. Ako pravimo kako treba sa binom onda to mora biti kako treba, a ne da nešto smeta ljudima i da ih uznemirava ili slično.

Prvo gdje ćete staviti binu ako ima klizalište? Ne postoji objektivno mjesto za binu u stanju gdje klizalište već postoji na onom mjestu gdje ima. Zauzet će trg potpuno bespotrebno.

Ja bi zamolio Vedrana, Vedrane molim vas ako razgovaram nemojte ometati gradonačelnika. Imali ste priliku i mogućnost prije ove tačke dnevnog reda. Vaša Služba za društvene djelatnosti je trebala biti nadležna za ovo i nemojte sad ometati.

Mi smo planirali to drugačije. Da se Tuzlaci druže. Da se Trg slobode još adekvatnije ako je potrebno, mada je i sad vrlo dobar, a što da ne još malo više, pojačano, ako treba rekao sam, donijet ćemo iz kuća mi raznorazne nekakve svoje lampione pa ćemo to pojačavat ako je moguće, još više osvjetli.

Da se duž Korza, dakle onaj prolaz do Korza od Trga slobode, pojačano osvjetli raznim tim pahuljicama ili čime već, sve ukrasimo. Da dobijemo taj jedan prolaz šetališta. Da ljudi tu noć šetaju. Ne da stoje pred nekakvom binom, na nekakvim stolicama, pred nekakvom ogradom, što je teško i kontrolisati. Može se početi desiti i guranje ili nešto slično. To ne treba.

Treba da bude jedna vrsta relaksacije Tuzlaka koji prvo sjede kod kuće, pa hoće kaže da izađe malo da prošetam Trgom slobode ili Korzom. Drugo oni koji su u raznoraznim objektima pa da i oni malo izađu. Treće oni koji ne znaju ni šta će, ni gdje će, nebitno je imaju li ili nemaju novca. Četvrto oni koji nemaju ništa. Ima ljudi koji će dočekati Novu godinu možda gladni. Bez novca. Da i oni dođu na taj trg, da izađu. Malo da osjetimo tu atmosferu druženja, da se vidimo, prijatelj, poznanik, djed, nena, unuča, da dođe se.

Ne pred binu. Ona će, ona ili mora biti dobra ili nikako ne treba biti. Ako je nešto to minimalno, to će biti loše. Ne znaju oni to svirati. Ko zna svirati na takav način da oduševi ljude a da ne bude buka? Mi smo bili razgovarali, okrenite zvučnike sa objekta klizališta prema trgu. I sasvim je dovoljno taj DJ koji će puštati raznu, relativno laganu muziku, da nije buka. Da bude lijep ugođaj u svom tom osvjetljenju svih tih novogodišnjih ukrasa. Ljudi koji će izaći na ulicu da ne bude buke.

Lagana muzika dozirana na način da neko stoji tamo u toj masi ako treba da kaže malo još pojačaj ili smanji buka je. Ne treba biti dreke tu. Ljudi trebaju da dođu da se opuste, da razgovaraju, da mogu jedan sa drugim razgovarat, ne da se dovikuju na deset centimetara. Jedan od drugog.

Ne trebaju toliki novci za to. Ne treba nam nijedna grupa za to. Ne treba nam nikakva bina. Nema prostorske mogućnosti na trgu kad je zauzeto objektom klizališta. Šatore ostavite sa strana, postavite. Ostavite protok, ljude je šetanje.

I dajte tih 20.000 maraka, ako treba platimo mi ljudima da ima besplatnu konzumaciju nekog sendviča. Evo Menprom je reko da će on dati svoj objekat. Gdje će staviti čak, reko je da će razmisliti da vidi način da dijeli i čajeve. Neograničeno. Ne hiljadu. Dajte te novce u to.

Da ljudi kad izađu uzmu kolač kod nekog. Pozovite privrednike. Zar Vedran nije mogao otići, običi dvadeset, trideset slastičara, buregdžija, Bingo, razne firme. Hoćete li učestvovati u tome da vi ispred vaše firme stavite reklamu, malu nekakvu šatru, nekakav stolić, dijeliš kolač. Pa kolko ga hoćeš dat. Daj ga deset, pedeset ili sto. Reklamiraj se tu novogodišnju noć kad te bude vidjelo hiljade Tuzlaka da si se potrudio da daš poklon svojim građanima besplatan. To nam treba za tu noć.

To nam treba. Da bude drugačije obilježavanje. Ne bude to nešto. (JOZO NIŠANDŽIĆ – Nemojte molim vas. Pa dajte saslušajmo ga.) Da napravimo grad, tradiciju u gradu. Da dolaze kako što dolaze na Panonska jezera, da za tu iz Lukavca novogodišnju noć dođu malo da prošetaju Trgom slobode i Korzom.

To nas neće koštati ničega. Možemo ovu, ova sredstva obezbijediti, siguran sam, kao što idu ovi raznorazni udruženja, neka idu, hajde obilaze privrednike, pa zar ne može Služba običi privrednike pa im reće hoćete li učestvovati, reklamirajte se. I da bude to besplatno.

Nije to, šta topli napitci. Neko će podijeliti toplu kafu, neko će čaj. Neće to ljudi izaći pa jest. Ko će to. Ali da ima priliku. Da prođe pored štanda, da ne gleda onaj štand, pa da mu neko nešto prodaje.

To je novogodišnja noć. Reklamiraj se. Nudi, daj, pokloni. Kad već plaćaju za raznorazne reklame tokom čitave godine zar je to problem dati nekakva manja sredstva za Novu godinu poklonit svojim kupcima, konzumentima. Besplatno nekakav svoj proizvod.

Dajte. To je trebalo tako da se uradi. To je tako bilo prezentirano. Meni je žao što vi gradonačelnice niste bili pa niste imali priliku da, da, da o ovome govorimo.

Policija će svakako obezbjeđivati. Mi smo zadužili Panoniku bili. Okej neka to budu privrednici ali od toga nema ništa. Panonika, mora neko biti organizator, na način da se zna da koordinira.

Panonika je preuzela tu obavezu da, ondje svakako ima javno okupljanje svaku noć pa neku bude i tu noć. Neka bude ona organizator ili nosilac toga. Mora postojati neko ko će biti

hijerarhijski taj koji će to usklađivati. Služba za komunalne poslove. Vedranova Služba. Policija svakako će biti obaviještena. Oni moraju biti.

Imamo, pa što da ne, i mi trebamo kao Grad pokloniti građanima poklon. Ovo je poklon građanima. Dajte angažujte nas. Evo ja sam spreman biti redar. I ja ću stajat kao redar tu. Evo i vijećnici ostali ako hoće. Dajte uposlenike neke koji su svakako naši tu noć hajmo pokloniti građanima novogodišnju noć. I mi možemo biti. Molim vas predsjedavajući. I mi možemo biti u toj sužbi.

Ali se to može. Nije kasno ni sada. Razgovarao sam sa Kemom. Kemo je vrlo dobro razmišljao pa i ovaj prijedlog sa privrednicima, oni su inače bili do Nove godine pa su onda ga razvukli da bude za oba Božića i tokom Nove godine. Ko nešto prisutno. Ali to ljudi prodaju. To je biznis. Tu noć ne treba da bude hej hoćeš čarape, hoćeš gaće, ili ćeš nešto drugo. Ne treba to biti u nogodišnjoj noći.

Mi ćemo ostaviti te štandove koji će biti onako malo apsurdni u tom trenutku, u takvom ugođaju. Nije to rješenje. Da nam se sutra neko smije.

Treba onaj dio gdje imamo simbol Grada na Trgu slobode fontatnu, je li moguće konstrukcijski napraviti malo, pojačati, nekom konstrukcijskim simbolom, neku simulirati kupolu koja simulira jelku i dobro je samo okićiti. Okititi. I da simbol tog, te fontane ljeti bude i zimi simbol te nekakve novogodišnje jelke. Da to uredimo na način gdje ne treba puno novca.

Možete meni dati ja ću naći stolara koji će napraviti konstrukciju ondje u onom svemu, obezbijediti iznad da stavi kupolu koja simulira jelku i sa ukrasima koje ćemo staviti na nju. (JOZO NIŠANDŽIĆ – Razumili smo.)

Pa jesmo i to razumili i prošli put, ali nismo evo realizovali. Danas nismo dobili tačku dnevnog reda. Stručna služba je zaboravila staviti tačku dnevnog reda po zaključku Vijeća. Služba društvenih djelatnosti nije nas niti informisala. Gradonačelnik sam moro da praktično izađe da govori o nečemu što nije čak ni bio upoznat. I ne mora biti gradonačelnik. Što mora teret preuzimati bilo kakve vrste uvijek gradonačelnik.

I dogovorili smo, tu noć nema niti tih govora, nema bine, nema izaći niko pa nešto čestitam vam. Ne treba. Sve treba biti spontano. Druženje, hodanje Korzom, glavno je na trgu, dijeljenje toplih napitaka, kolača, sendviča, onoga što će ljudi na kraju ponijeti od kuće.

Ostavite negdje i prostora jer će neko, svako ponijeti od kuće nekakav svoj onog što je napravio, pa hajmo zajedno podijeliti i pojesti nešto. Zajedno se družiti.

Nemojte novac trošiti ne grupe, nemojte trošiti na bine, nemojte da pravimo nešto što će na kraju biti vrlo ružno, neće ličiti ninašta. Dajte da napravimo. Evo ja pristajem svakodnevno praktično od danas da budem kao predlagač sastavni dio te organizacione grupe ili tima. Nije mi mrsko.

Poklonimo građanima novogodišnju noć ali primjereniju, normalniju, kakva nije pa nigdje ni napravljena na ovakav način. Mi znamo da masa ljudi, koja ima novac, ide u te nekakve evropske destinacije, samo da bi prošetalali recimo kroz Pariz. Sad će neko reći Tuzla je Pariz. A što da ne.

Ako možemo dio toga, te atmosfere gdje se gore ne ide na binu, idu da prošetaju kroz neku ulicu, koja je osvjetljena sa adekvatnim ozvučenjem. Nama treba ozvučenje jedno na Panonici i pogledat koliko mi može iskoristiti Doma mladih ili drugih opštinskih, gradskih ozvučenja, da na nekih gore recimo na jednom dijelu Korza i na kraju Korza stavimo ozvučenje sa laganijom muzikom.

Ne treba nam ništa osim laganih, finih pjesama. Prošli put smo rekli. Naumpalo mi šta je iz mog vremena, sedamdeset, kraj neke, osamdeset i neke, Crvena Jabuka, Srebrna Krila, šta god onih raznih stranih, novijih, ali laganih pjesama. (JOZO NIŠANDŽIĆ – Možemo li privoditi kraju. Mogu li da vas zamolim.) Pa dobro kao predlagač. (JOZO NIŠANDŽIĆ –

Vrijeme je već gotovo isteklo.) Pa i vrijeme ističe. Evo danas je 23. Nova godina je za sedam dana. (JOZO NIŠANDŽIĆ – Hvala. Molim vas.) Da i sevdalinke. Pa nek, pustiti muziku ugodaja. Ne preglasnu, ne sa bine, ne mogu to da odrade.

I ja, evo ovo sad predlažem Vijeću, da budu zaključci da se ovo realizuje. Da se svakodnevno angažuje svaki resurs, dakle sve resorne službe, javna preduzeća sa svim onim što oni imaju, da poklonimo građanima Grada Tuzle novogodišnju noć na način kako će biti zapamćena i zabilježena. Hvala vam.

JOZO NIŠANDŽIĆ

Hvala. Hvala. Idemo. Erna. A ima gradonačelnik. Izvolte gradonačelniče molim vas. Dobro si reko ali si mnogo išo široko brate mili. Sve to mi znamo šta treba, kako treba. Zato su predlagači slušali.

JASMIN IMAMOVIĆ

Dajte molim vas da se Vijeće ne bavi organizacijom. Da se ne bavi ni režiranjem, ni organizacijom ni Vijeće, ni Gradonačelnik, ni Služba.

Vi ste 15. rekli obilježavanje Nove godine. To šta ste vi pri tom mislili narod ne zna. Po svim portalima, na svim telefonima očekuju uobičajnu proslavu Nove godine. I sad je gotovo. Oni očekuju uobičajen obilježavanje Nove godine. A ne da sad usklađujemo ukus Ajanovićeve, ili Imamovićeve, ili (JOZO NIŠANDŽIĆ – Moj. Nije bitno.) Jozićeve i tako dalje.

Jednostavno dobili smo 16. ujutru zadatak. Dobili 16. ujutru. Odmah su svi navalili kad će biti, šta će biti i tako dalje i dobili krompir. I mi smo onda napravili već, mi smo morali krenuti u organizaciju. To je bilo jako, jako kasno. Taj 16. Jako, jako kasno.

Moj tim i ja smo radili subotu i nedjelju. Dakle nemamo sad vremena ljudi. Mi smo zadužili, odnosno prihvatili su to, bez zaduženja, Udruženje „Samostalnih poduzetnika“. Nikakav problem nema, nikakvog pomijeranja.

Evo dobro je došla ideja evo vaša. Dobro došla. Jer sad će biti to dobro. Zagreb ima ja mislim četiri bine. Dakle ima bina će ići ispred Privredne komore. Ili ovaj. Nemojte dobacivat kolegice. Čujem ja da ste vi rekli kod Kantonalnog odbora SDA. Ja se pravim samo da to ne čujem.

I dakle biće solidna, pristojna bina, da se ne obrukamo jer dolaze nam gosti. Sad nam svi ovi naši stranci došli. Nek bude pristojan bina. Može to ovaj Grad da plati Udruženju. Nije to ništa. Ali otiće slike sa obilježavanja Nove godine.

I onda ova muzika nema snage, ne može da dobaci ova muzika sa tog klizališta. Nema snage. Nemoguće je to realizovati. Dalje. Neće to biti nikakav poseban. Ostaju dakle šatori, ostaje klizalište. Sve istovremeno radi. Samo što ima plus bina da se dočekaju ljudi koji kažu obilježavanje je. Oni sad očekuju kako se obilježava svud po cijelome svijetu i kako se doduše nekada i u Tuzli obilježavalo.

Ali neće to biti klasično ko koncert jer imaju šatori, štandovi i tako dalje. Ima klizalište. Samo je dodata i bina.

I mi nemamo vremena. Kad ste vi to rekli 15. Gotovo je. Mi smo morali da radimo dalje i ne možemo sad da zaustavimo stvari. I ja ne bi opterećivao ni Vijeće, ni službe. Ima prihvatili ovo Udruženje ovih poduzetnika ali da se napravi što pristojnije da zadovolji što veći broj ukusa. Ne individualno. Ukus recimo Jasminke Mijatović. Ona se najviše smije dok ja ovo govorim. A meni je kolegice drago kad ste vi dobro raspoloženi.

I ne ukus bilo koga od nas posebno, nego ukus jedne većine koji znaju kako se na trgovima širom obilježava neka Nova godina. I ja sam tome dodao, pazite, da malo

podebljamo Katolički božić na Trgu slobode i da podebljamo i Pravoslavni božić na Trgu slobode kad već imamo do 09. to Udruženje „Obrtnika“.

Tako da mi idemo prema njima sa zahtjevom za tri manifestacije a čitav ovaj iznos. Pazite Budva je uložila skoro pola miliona maraka. Čitav ovaj iznos i Nova godina i Katolički božić i Pravoslavni božić nije. Mislim neka ljudi se provesele, neka bude sajamska atmosfera, novogodišnja atmosfera a di mi ne idemo u detaljno preciziranje.

Ako nije bilo, dakle evo, jasno vam je, to radi Udrženje „Obrtnika Tuzle“, „Samostalnih poduzetnika“, uz naravno našu podršku i ja sam vam rekao kolika će biti podrška a govorimo o tri, tri datuma u kratkome vremenu.

Eto ja bi molio da eto to shvatite. Ne možemo nazad, nema vremena. Eto to je.

JOZO NIŠANDŽIĆ

Hvala. (MIRNES AJANOVIĆ – Ispravka krivog navoda.) Ispravku krivog navoda ima gospodin Ajanović. Izvolte Ajanoviću.

MIRNES AJANOVIĆ

Nema ovdje ličnih nekakvih želja o obilježavanju i proslavi i dočeku Nove godine. Po mojoj pisanoj Inicijativi je napisano da bude bina. Da koristimo naše domaće, tuzlanske umjetnike da praktično i oni poklone novogodišnju noć besplatno. Sve je to objašnjeno.

A onda kad je rečeno da nema para za to, nema za binu, ja sam moro da kao predlagač prije sjednice Vijeća smislim kako da napravimo bez para.

Razgovaro sam i sa gradonačelnikom. Reko je načelnik nema para. Rizično je. Svašta nešto. Šta ću, na Vijeće dolazim sa pozicije nema para, nema ničega. Odustanemo praktično. Jozo me molio da odustanem.

Tek na Kolegiju Vijeća smo svi kada smo sjeli, pa kad sam prezentirao onda smo zauzeli stav da hoćemo. Odustani kaže od toga. Ne možemo mi. Problem je. Može biti kakvih problema. Može ko baciti petardu. Nisam htio da odustanem.

Ja nisam protiv bine. Neka bina. Ali u kontekstu toga da ćemo 1000 čajeva podijeliti i prevariti ljude jer je zaključak Vijeća bio besplatno će se dijeliti i topli napitci i nekakva hrana. Kolko ko. Evo Mensur je prvi reko daće. A u kontekstu toga sam protiv bine.

Neću da mi dođe Tuzlak bilo kakav pa da bude gladan, gleda neko jede, uživa, a on možda gladan došo. To neću. Možemo li kako mi ko Vijeće da to riješimo. Možemo li mi da dodamo svoj doprinos kroz nekakav naš dio koji ćemo učestvovati. U tome kontekstu sam protiv bine.

Dajte onda ovo. Neka Vedran obiđe, nek mu ne bude mrsko, sutra, nek obiđe privrednike, slastičare, sve ove koje imamo, bureg, čevabdžije i ostale, buregdžije, pa nek dođu malo nek izađu.

Ko neće, kupite za određen iznos novaca, dajte negdje da stoji Grad Tuzla, pa dijele besplatno. Nemojte brojat kolko je. Dajte, to je suština. Rekli smo druženje Tuzlaka kroz to. Kad dođu, prošetat će malo kroz Korzo. Stat će malo, slušat tu muziku. Eto super je ako ima bina. Odlično. Moj prijedlog ispoštovan u startu. (JOZO NIŠANDŽIĆ – Hvala Ajanoviću. Mislim da si jasan bio dobro i da su shvatili.)

Nisam morao, ne bih morao razmišljat o tome. Ali dajte i ovaj dio, nemojte da ljudi dođu da tu nema ništa, da nešto mora opet vaditi pare i da neko gleda za tu noć da nema da uzme sendvič. (JOZO NIŠANDŽIĆ – Hvala.)

Nije mi to tu, ne dolaze, ne zovemo mi ljude radi sadake. Doće tu i onaj koji ima previše, hoće da se druži sa svojim prijateljima, kome ne treba ništa, ali možda će doći neko

ko nema. I ne želim Novu godinu na takav način. Mi treba da želimo Novu godinu na takav način. A možemo, imamo resurse, puna je Tuzla svih privrednika koji bi možda pristali se reklamirati.

Dajte im malo prostora. Dajte im obezbijedite između tih štandova onih koji traže novac za prezentaciju svojih proizvoda ili njima tu noć recite izvadite nešto ispod tih štandova, (JOZO NIŠANDŽIĆ – Gospodine, isteklo vam je vrijeme molim vas.) sakrijte ono što vam je žao dati iza, ali izvadite nešto prije i ispred stavite pa recite evo građani Tuzle i ko god dođe počastite se u ime Grada (JOZO NIŠANDŽIĆ – Mogu li vas zamoliti Ajanoviću, isteklo vam je vrijeme.) i u ime tog privrednika koji tu noć poklanja dio novogodišnjeg slavlja. Hvala.

JOZO NIŠANDŽIĆ

Gospođa Erna Delić. Izvolte. (JASMIN IMAMOVIĆ – Nemoj Jozo tako naglo, odjednom gospođa, bila gospođica.) Trebamo da naviknu. Ipak je, mora. Nisam ja ništa pogriješio. (JASMIN IMAMOVIĆ – Pa Mešić, pa Delić.) Nemojte. Izvolte Erna. Ne može nas niko zavaditi samo da znate.

ERNA DELIĆ

Da prihvatimo. Da prihvatimo to već jednom. (JOZO NIŠANDŽIĆ – Ma ja. Pretpostavljam da o prvom dijelu idete. Je li tako? Ovaj kako se zove.) Evo prije nego. S obzirom da objedinjeno vodimo raspravu (JOZO NIŠANDŽIĆ – Hajde možete. Može. Može.) ja bih isto tako i volila da se osvrnem na ovu informaciju koju evo niz ovih sjednica već vraćamo pa mislim da zaslužuje svoj prostor. (JOZO NIŠANDŽIĆ – Vodit ćemo raspravu mislim skupa, obadvije, ali ćemo glasat informacije pojedinačno, posebno i tako da znate. Izvolte.)

Evo prije svega ispred Kluba vijećnika Socijaldemokratske partije SDP-a Tuzla, mi smo zaista prvenstveno zahvalni evo kolegi Ajanoviću na samoj ovoj Inicijativi. Drago nam je bilo što se o ovome raspravljalo prošlu sjednicu, još više evo na sjednici Kluba vijećnika raspravljali smo i o ovim aktivnostima koje su poduzete poslije same sjednice Gradskog vijeća i evo stvarno slažemo se sa svim onim što je gradonačelnik ovdje izložio, dakle takav scenarij, onoliko koliko s mogućnosti mi raspoložemo trenutno i koliko se moglo realizovati do samog 31. 12.

Zaista mislim da skupa sa tom centralnom tačkom dešavanja i s tom binom i sa skromnim nastupima naših tuzlanskih bendova i sa svim ostalim popratnim sadržajem koji je planiran na samom Trgu slobode, zaista mislim da će građani i građanke Grada Tuzla biti sretni sa ovakvom vrstom dešavanja u našem gradu na taj datum.

I evo drago nam je što se došlo je li do neke vrste kompromisa kroz ovaj sav razgovor i evo svakako taj 31. 12. služit će kao jedan pozitivan primjer dešavanja u našem gradu kao i ovi popratni događaji i povodom Katoličkog božića a povodom i Pravoslavnog.

Ja ću samo još dvije rečenice vezano za informaciju o projektima, o podršci Grada Tuzla projektima i aktivnostima mladih. Zaista sam imala dužnost i evo nadam se da mi nećete uzeti za zlo što oduzimam vrijeme, ali mislim da ova informacija zaista zaslužuje svoju pažnju.

Kao što sam već i rekla, mnogo puta smo je već skidali sa dnevnog reda, pa vraćali, ali evo konačno i danas istu razmatramo. Bitno je naglasiti da smo mi svojim Amandmanom djelovali na Program rada Gradskog vijeća, te s tim u vezi razmatramo i drugu informaciju ovog tipa na inicijativu Kluba vijećnika Socijaldemokratske partije.

Kao što i vidite zaista informacija sadrži sve one aktivnosti koje je Služba za društvene djelatnosti u 2014. godini poduzela a vezano je za mlade. Dakle kao što i stoji u uvodnom dijelu ove informacije 78 projekata je realizirano za mlade, a podržani su u ukupnom iznosu od 197.480 konvertibilnih maraka, što je stvarno impozantan iznos i dosta veći u odnosu onaj koji smo razmatrali 2013. godine.

Sama informacija fokusirala se i na mlade u kulturi, umjetnosti, sportu, na edukaciju, na socijalnu zaštitu, na poduzetništvo i aktivizma mladih u zajednici. Ja neću po imenice ništa izdvajati ni bilo koje udruženje, niti bilo koji projekat koji je rađen u 2014. godini a tiče se mladih, ali evo fokusirat ću se i na svoje izlaganje kada je riječ o prijedlogu Budžeta za 2016. godinu.

Naime zaključak Kluba vijećnika SDP-a bio je da se u što skorijem roku riješi pitanje i realizuje inicijativa Kluba vijećnika SDP-a vezano za formiranje kancelarije za mlade i formiranje Savjeta, Vijeća mladih Grada Tuzla.

S obzirom da smo i prošli put kad se usvajala ova informacija isti taj zaključak ponovili, ponovili smo ga i prilikom usvajanja prijedloga Budžeta za 2016. godinu. Pa evo još jednom ću podcrtati važnost rješavanja te problematike.

Dakle nije ništa što nije u skladu sa zakonom i čak je i podcrtano i u Zakonu o mladima Federacije Bosne i Hercegovine, kao i u Strategiji za mlade Tuzlanskog kantona, da se ovo pitanje mora itekako riješiti i da je u nadležnosti naše gradske uprave, odnosno Grada Tuzla.

Pa evo molim sekretara, mislim da nemam pored ovog zaključka nemamo neki drugi, osim da za kraj kažem da će Klub vijećnika SDP-a podržati ovu informaciju.

JOZO NIŠANDŽIĆ

Hvala. Gospodin Sabahudin Imamović, ispred Stranke demokratske akcije. Izvolte. Neće on. Aha. Izvinite. Onda Edin Haračić, ispred. Izvolte Edine. Ispred Kluba je li tako ide? Jeste.

EDIN HARAČIĆ

Da. Ja ću se evo osvrnuti dakle na ovu informaciju o podršci Grada Tuzle projektima i aktivnostima mladih.

Sasvim drugačiji pogleda na uopšte na ovaj, na ovu tematiku kada su u pitanju mladi imamo u odnosu na ovu prezentovanu informaciju, iz razloga jer njome nisu obuhvaćene stvarne potrebe mladih već samo jedan mali dio i to onih mladih koji svoje potrebe najčešće ostvaruju kroz sportske klubove ili neka udruženja kulture ili slično.

Ovo iz razloga dakle što je u ovoj informaciji naglašena podrška Grada Tuzle koja obuhvata projekte koji su izuzeti kako je navedeno i u informaciji iz stavki Budžeta Grada.

U informaciji se dalje kaže da je cilj od mladih ljudi stvoriti sposobne i vispremne građane, koji ma šta to značilo, koji će ekonomski boljitak za sebe i svoje porodice promišljati od početka te biti subjekat a ne objekat svojih ekonomskih statusa.

Dalje se kaže da je podrška Grada Tuzla projektima i aktivnostima mladih jedan od strateških prioriteta u razvoju Tuzle.

Za jedan ovakav pristup potrebno je sagledati i razumjeti suštinske esencijalne potrebe mladih.

Prije svega nemamo informaciju da li smo mi kao zemlja a i grad bili dio istraživanja jer sve ozbiljne zemlje i gradovi koje teže ka tome da budu, treba da imaju svoje strategije za mlade. A ona se mogu napraviti tek na osnovu ozbiljnih studija.

Jedna takva globalna urađena ove godine je obuhvaćala polazaj mladih i uzorak je bio na 64 zemlje, pri čemu je za primjer samo evo susjedna Hrvacka, indeksirana kao najgora država u EU kada se radi o položaju mladih. E sad možemo se mi ravnati gdje smo mi u svemu tome.

Dakle radi se o Studiji koju je radio Institut Junatomiks, na temelju stotinjak različitih kriterija iz područja obrazovanja, pristupa zaposlenju, rada i životnih uslova, zdravlja, finansija, ekonomskih mogućnosti, političkog značaja i slično.

Izuzetno zabrinjavajuća je nezaposlenost mladih, zatim mladih koji nisu u sistemu obrazovanja, zatim nepovjerenje mladih u Zavod za zapošljavanje. Jednostavno prisutna je obeshrabrenost mladih. Mogućnosti za štednju ili rješavanje stambenog pitanja su skoro pa ravne nuli.

Ono što je izvjesno što mi kao starije generacije možemo ostaviti mladima je izgleda jedino javni dug.

Zato smatram da ovo treba da predstavlja osnov za promišljenja potreba mladih. Ovo prvenstveno mislim na službe koje treba da na ovaj način promišljaju. Dakle sveobuhvatno. I ono suštinski što je potreba mladih o čemu sam govorio kroz ovaj primjer jedne ozbiljne Studije koju mi nemamo dakle, a kojom se u osnovi bave stvarne potrebe mladih kroz sve segmente koji se tiču upravo njih.

Zato evo da ne bi dužio, obzirom na naše opredjeljenje, kao zaključak predlažem da pomenuta diskusija treba da posluži kao platforma za izradu jedne ozbiljne studije sa nevladinim sektorom o suštinskim potrebama mladih, kako bi oni svoju budućnost vidjeli u svojoj a ne u tuđoj zemlji. Toliko.

JOZO NIŠANDŽIĆ

Hvala. Ja više nemam prijavljenih od klubova. Zaključujem raspravu klubova. Otvaram raspravu vijećnika. Izvolte. Vi je li? Nada Mladina, zamjenica predsjedavajućeg i članica Socijaldemokratske partije. Izvolte. Kao vijećnica. Jeste.

NADA MLADINA

Ja bi za ovaj dio informacije koji je bio usmeni rekla par riječi. Zašto je zapravo proizašlo prihvatanje na našem Kolegiju Inicijative koju je podnio gospodin Mirnes Ajanović, da to bude na dnevnom redu općinskog, odnosno Gradskog vijeća.

Činjenica da mi ne želimo da mi kreiramo posebno ni da se bavimo pitanjima koja su posebno operativnog karaktera, zadiranja u nekakve nadležnosti drugih nadležnih službi, ali ja govorim sad u svoje ime, brojni građani su i preko društvenih mreža a i konkretno u susretima pitali se zašto se Tuzla nekako zatvorila pa nije uopšte doživljaj da se radi o nadolazećim praznicima.

Jedan od nadolazećih praznika već ranije je bio Katolički božić, zna se da on dolazi i zna se da dolazi Nova godina, pa eto sad kažemo i Pravoslavni božić, ali nije to sad posebno bitno što se mene bar tiče, jer nismo posebno obraćali pažnju na to prije, mada ne smatram da je to uredu, ali činjenica da grad nije okićen i da su ukrasi u gradu poprilično ostarili i da se prilikom svakih nadolazećih praznika neko treba time baviti pa onda napraviti tako da imamo doživljaj da se i u Tuzli približavaju praznici kao u svim gradovima u regionu, da ne kažem u Evropi, i da ne kažem i u Istočnim zemljama bez obzira koliki broj stanovnika ove ili one vjere negdje živi.

Znači tu je bio razlog šta mi tražimo i u tom dijelu razumijem ovo o čemu gospodin Ajanović govori, da mi građani i kad nam dođu gosti koji su porijeklom odavde ili nisu

odavde da znaju da dolaze u jednu Tuzlu koja zna da cijeni praznike koje slave građani širom ove planete Zemlje. I da se radujemo tome i da volimo da blagoslov svih vjera padne na sve nas. I da se međusobno razumijemo i volimo.

I u tom smislu mislim da trebamo voditi računa i da ne stoji činjenica da smo mi to 15. mi rekli, pa onda nabrzili nekoga, bilo koga. Ja lično mu se izvinjavam. Mislim ako je to ali činjenica je da je to možda trebalo napraviti bez da mi uopšte se javljamo. I da se mi obradujemo tome.

A spremna sam, ne ja nego svi mi ako treba da za nekoga platimo ako ćemo mi kupiti sendvič da platimo još jedan sendvič da se nekom da ako baš ne može drugačije, kao što smo plaćali za kruh u pekarama kad neko naiđe da mu daju pa ti platiš dva. Mislim da solidarnost građana u tom smislu nikad nije zatajila. Nikad nije zatajila.

I nije to sadaka, darivanje je zapravo oznaka ovih blagdana koji dolaze. Eto. Toliko.

JOZO NIŠANDŽIĆ

Hvala. Hvala. Zaključujem raspravu vijećnika. Idemo na izjašnjavanje. Prvo ćemo o ovoj informaciji o podršci Grada Tuzla projektima i aktivnostima mladih. Ona se prima je li k znanju, ali valja se izjasniti i o njoj.

Pitam vijećnike, ko je za, molim da digne ruku? (20) Ima li neko protiv? (Nema.) Suzdržan? (Nema.)

20 vijećnika je glasalo za, niko nije bio protiv i suzdržan, te konstatujem da je INFORMACIJA O PODRŠCI GRADA TUZLA PROJEKTIMA I AKTIVNOSTIMA MLADIH, jednoglasno primljena k znanju.

Idemo pod b) ova usmena informacija koja je bila od strane gradonačelnika u vezi pripreme za ove sve što kažu praznike, od Božića, Nove godine, drugog praznika. Ko je za ovu informaciju? Izvolte. Gospodin Ajanović imate.

MIRNES AJANOVIĆ

Evo ma i tu treba malo zaključaka. Evo rekli ste gradonačelnik. Nada je na kraju to dobro završila, zaokružila. Šta je suština, zbog čega smo se mi evo upleli u ovo. Mi nismo ni htjeli. Najbolje je bilo da su nas dočekali obavještenjem evo tad je pa izvolte svi dođite. A evo mi smo to inicirali kao Gradsko vijeće, a valjda idući put više neće trebati, valjda će postati tradicija.

Stavite da se, i zaključak, da se sugeriše organizatoru da prihvati, da i u skladu sa sugestijama onih koje su mogu realizovati omogućiti to. Pogotovo ovaj dio obezbjeđenja napitaka, kolača, hrane i svega onoga, prehrambenih proizvoda, koji će biti darivani građanima kao poklon za novogodišnju noć. (JOZO NIŠANDŽIĆ – Hvala gospodine Ajanoviću.) Eto. I gdje će svako moći konzumirati da.

To nam je. Ovo je Nada dobro primjetila. Tu moramo biti posebno osjetljivi, da neko ne dođe a da nema. Hvala vam Nado mnogo na tome, na podršci. Hvala.

JOZO NIŠANDŽIĆ

Hvala. Mi informaciju primamo k znanju, a evo čut ćemo prijedlog zaključaka molim vas. (NADA MLADINA – Primamo k znanju.) Ja primamo k znanju. Ovako možemo ali posebno ćemo zaključke.

Pitam vijećnike, ko je za to da primimo k znanju ovu usmenu informaciju, molim da digne ruku? (21) Ima li neko protiv? (Nema.) Suzdržan? (Nema.)

21 vijećnik je glasao za, niko nije bio protiv i suzdržan, te konstatujem da je INFORMACIJA O PRIPREMAMA GRADA TUZLA ZA NOVOGODIŠNJE PRAZNIKE, jednoglasno primljena k znanju.

(NADA MLADINA – Hoćeš da ja pročitam zaključke?) Hajde molim te. Izvinjavam se malo mi grlo nešto. (BERIZ SAKIĆ – Pa odsviraj kraj.)

NADA MLADINA

Ma evo sad ćemo mu pomoći. (JOZO NIŠANDŽIĆ – Da malo saslušamo molim vas, pa da završimo.)

Znači mi smo primili ove dvije informacije k znanju, o podršci Grada Tuzle o projektima i aktivnostima mladih sa Informacijom o pripremama Grada Tuzla za novogodišnje praznike.

Tom prilikom su usvojeni slijedeći zaključci. Ako smo rekli već za sve praznike onda bi trebalo reći za predstojeće praznike. (MIRNES AJANOVIĆ – A ovo je posebno.) Ovo je posebno za novogodišnju noć. Dobro.

Tom prilikom usvojeni su slijedeći zaključci:

Pod a)

- Gradsko vijeće Grada Tuzla traži da se u 2016. godini realizira Inicijativa o osnivanju Kancelarije za mlade Grada Tuzla i Vijeća mladih.

Pod b)

- Gradsko vijeće traži da se kod organiziranja novogodišnje proslave vodi računa o sugestijama vijećnika, pogotovo u dijelu, koji se odnosi na obezbjeđenju toplih napitaka i pića za građane.

(MIRNES AJANOVIĆ – Toplih napitaka i prehrambenih proizvoda.) Na obezbjeđenje toplih napitaka, prehrambenih proizvoda i pića za građane. (MIRNES AJANOVIĆ – Pića, stavite to.) (JOZO NIŠANDŽIĆ - Evo to je to. Napitaka.)

Erna ima dopunu zaključaka.

JOZO NIŠANDŽIĆ

Erna. Erna. Izvolte Erna. (MIRNES AJANOVIĆ – Ne kažu se pit. Napitaka i prehrambenih proizvoda.) Napitaka. Pa ja, tako sam. Izvolte Erna.

ERNA DELIĆ

I da se pristupi izradi strategije za mlade poslije Vijeća. Poslije formiranja Vijeća. Može? Hvala.

JOZO NIŠANDŽIĆ

Pitam vijećnike, ko je za ove zaključke, molim da digne ruku? (19) Ima li neko protiv? (Nema.) Suzdržan? (Nema.)

19 vijećnika je glasalo za, niko nije bio protiv i suzdržan, te konstatujem da su jednoglasno usvojeni sljedeći zaključci:

Pod a)

- Gradsko vijeće Grada Tuzla traži da se u 2016. godini realizira Inicijativa o osnivanju Kancelarije za mlade Grada Tuzla i Vijeća mladih, te da se pristupi izradi Strategije za mlade.

Pod b)

- Gradsko vijeće traži da se kod organiziranja novogodišnje proslave vodi računa o sugestijama vijećnika sa ove sjednice, pogotovu u dijelu, koji se odnosi na obezbjeđenje toplih napitaka i prehrambenih proizvoda za građane.

Ja ću zamoliti Nadu da malo samo preuzme dok vidim nešto me. I kišem.

NADA MLADINA

Ja nisam sigurna da mogu zamijeniti Jozu sve dok ne ozdravi. Mislim ja on kaže nešto mi loše.

Prelazimo na četrnaestu tačku dnevnog reda:

INFORMACIJA O AKTIVNOSTIMA NA ANIMIRANJU GRAĐANA I ORGANIZOVANJU AKCIJA DOBROVOLJNOG DARIVANJA KRVI NA PODRUČJU GRADA TUZLA ZA PERIOD JANUAR - OKTOBAR 2015. GODINE

Obrađivači su: Zavod za transfuziologiju Tuzlanskog kantona i Crveni križ Grada Tuzle.

Materijal su razmatrali: Komisija za mlade, obrazovanje i sport, mjesne zajednice i klubovi vijećnika.

Pretpostavljam da nema potrebe za uvodnim izlaganjem i izvještajem komisija. Otvaram raspravu klubova. Da li se neko javlja za riječ? Dajana Bakić, Klub vijećnika Socijaldemokratske partije. Izvoli Dragana. Dajana. Čuj mene Dragana. Zabuni se. Izvini.

DAJANA BAKIĆ

Hvala. Pa meni je žao što mi nemamo pred sobom informaciju koju je sačinila Poliklinika za transfuziologiju, odnosno Zavod za transfuziologiju UKC-a Tuzla, s obzirom da oni kada prave informaciju koju smo mi prije imali kao predmet rasprave na našim sjednicama Vijeća imaju tabelarni prikaz svih organizacija koje su se uključile, institucija, firmi, mjesnih zajednica, fakulteta, dakle obrazovnih institucija, pojedinki, pojedinaca, koliko je bilo organizovanih akcija, pojedinačnih darivalaca i darivateljki krvi, tako da bi ta informacija sigurno upotpunila i ovu.

Hoćete li da sačekam da se ismijete pa da ja nastavim ili? Navikla sam ja i da pričam dok se vi smijete je li. (NADA MLADINA – Ja se izvinjavam. Ja sam se skoncentrirala bila na sipanje vode u čašu pa vas nisam stigla na vrijeme opomenuti. Izvinjavam se vijećnici Dajani Bakić.) Naučila sam ja da se smiju. (NADA MLADINA – Molim vas da. Pa na ovo niste naučili.)

Uglavnom mislim da je značajno i da pored informacije koju sačini Crvi križ Tuzlanskog kantona pred sobom imamo informaciju od Zavoda za transfuziologiju, što je bilo planirano Programom rada za 2015. godinu. Međutim, oni očito nisu dostavili, ne znam iz kojeg razloga.

Mi smo predvidjeli u Programu rada koji smo usvojili na početku ove sjednice da nam takođe oni uz Crveni križ dostave informaciju za 2016. godinu pa se nadam da će to ispoštovati.

Ali mislim da bi bilo značajno da nam oni u svakom slučaju na znanje dostave informaciju i za 2015. godinu, kako bi imali potpuniju sliku o stanju dobrovoljnog darivalaštva krvi.

Generalno se situacija ne mijenja. Ako analiziramo stanje i informacije koje dobivamo i ovako zvanično, odnosno formalno i informacije koje možemo čitati i u medijima, ali ako posjetite Zavod za transfuziologiju uglavnom su to organizovane akcije koje su ciljane dakle za neku osobu je li.

Nema puno organizovanih akcija i puno ljudi se ne odaziva na te akcije. Sve više je manje ljudi iz mjesnih zajednica, što i stoji u ovoj informaciji, koji se odazivaju, dakle oni nisu ničim je li motivisani, a u prethodnim informacijama smo imali priliku da vidimo da čak ni studenti Medicinskog fakulteta se i učenici i učenice srednjih, Medicinske škole je li, se jako rijetko odazivaju ovim akcijama.

Mi moramo uraditi sve što je je li u našoj mogućnosti da se uključimo sa Zavodom za transfuziologiju i Crvenim križom, zajedno sa sekcijama dobrovoljnim darivalaca krvi da animiramo građanke i građane Tuzle da se priključe akcijama dobrovoljnog darivanja krvi. Da se potrudimo i mi da ih informišemo da se i sami je li kao primjer uključimo u te akcije.

Ja znam da se gradska uprava ima svoj termin jednom godišnje kada se daruje krv, ali evo to možemo i mi kao Gradsko vijeće pokrenuti takvu jednu inicijativu da se svako ko je u mogućnosti da daje krv. Ja evo lično ne mogu.

Mi smo već prilikom rasprave o Budžetu ja sam imala jedan prijedlog zaključka koji bi ja voljela i ovdje da istaknem, s obzirom da se radi o informaciji dakle specifičnoj koja tretira ovaj problem nedovoljnih zaliha krvi i problem sve manje ljudi koji daruju krv, a jeste da se mi ko lokalna zajednica, odnosno kada se nabave sredstva od strane Ministarstva zdravlja, (NADA MLADINA – Zatvorite vrata.) Ministarstva za rad i socijalnu politiku, koje jesu nadležne za ovu oblast, kad se nabave sredstva da se i mi kao lokalna zajednica uključimo u sufinansiranje nabavke separatora Amikus 31S.

On dakle razdvaja koncentrate u krvi direktno. To je proces koji malo duže traje od onog klasičnog darivanja krvi, ali koji obezbijedi puno više, puno više količine dakle tih različitih trombocita, plazme. Dakle ide ciljano na ono što je potrebno dakle osobi za jednu specifičnu bolest koju osoba ima.

2011. godine separator je koštao oko 80.000 eura. Ja vjerujem da je sada cijena znatno manja s obzirom da je prošlo pet godina. Ali evo možemo mi kao zaključak tražiti da Ministarstvo zdravlja i Ministarstvo za rad i socijalnu politiku koje jesu nadležne organizuju jedan sastanak sa Crvenim križom Tuzlanskog kantona i Sekcijom dobrovoljnih darivalaca krvi, da u vezi sa pokretanjem neke kampanje ili akcije prikupljanja sredstava s obzirom da su i ljudi iz Sekcije dobrovoljnih darivalaca krvi koji jesu uposlenici i uposlenice raznih institucija, ja mislim da je najveća Sekcija u Termoelektrani, da oni redovno daju i imaju različita priznanja, izrazili želju da se i oni uključe u ovo finansiranje.

Da se organizuju dakle jedan sastanak sa ciljem pokretanja te akcije, a da mi kao lokalna zajednica kada se prikupe sredstva od strane ovih institucija da mi učestvujemo sa određenim iznosom za nabavku ovog separatora, čije bi sjedište naravno bilo na Poliklinici Zavoda za transfuziologiju UKC-a Tuzla, koji bi trebali dakle u ovo svom problemu kojeg su oni možda i najsvjesniji da budu malo odgovorniji u smislu prema ovom Gradskom vijeću i da nam dostavljaju informacije kako bi mi imali kompletno stanje u ovoj oblasti.

Dakle već sam napomenula koliko je značajno da i nabavka jednog ovakog separatora iz razloga što on radi se o razdvajanju dakle komponenata krvi koje bi išle dakle direktno, direktno za ono što je potrebno.

Evo mogu samo navesti da jedan darivalac putem separatora može da zadovolji količine šest do osam doza krvi koje bi inače trebalo šest do osam ljudi da da prilikom jednog darivanja. I naročito je značajno ovo kod specifičnih bolesti i kod rijetkih krvnih grupa.

Tako da je nekako jako značajna nabavka ovakog separatora i mislim da bi mi kao lokalna zajednica i usvojili smo to kao zaključak prilikom rasprave o Budžetu. Mislim da bi značajno bilo i sada da ga na neki način podebljamo. Hvala.

NADA MLADINA

Zahvaljujem Dajana. Ko se dalje od klubova javlja za riječ? Niko. Zaključujem raspravu klubova. Otvaram raspravu vijećnika. Merima Softić, vijećnica Kluba Socijaldemokratske partije. Izvoli Merima.

MERIMA SOFTIĆ – vijećnik Socijaldemokratske partije

Pozdravljam sve prisutne. Pa ja bi samo mogla da kažem da evo slažem se kao naravno i svi ostali sa Dajaninim izlaganjem vezano za ovu jednu informaciju. Vidjeli smo koliko je bitno animirati građane u darivanju krvi. Građane i građanke u darivanju krvi.

Htjela bi samo da podsjetim Vijeće, da smo mi na jednoj od prethodnih sjednica kada smo imali predstavnike Gradskog saobraćajnog preduzeća ako se sjećate, imali smo ovu informaciju mislim upravo u ovom obliku, da smo donijeli zaključak da Gradsko saobraćajno preduzeće nekoliko autobusa, tada smo tražili samo jedan, da to bude neka kružna linija, oslika u vidu jedne poruke darivanja krvi, a po jednom modelu koji je uradio Grad Osijek i koji je donio velike rezultate što se tiče u animiranja građana u darivanju krvi.

Tada smo imali predstavnika na Vijeću, iskoristili smo priliku da mu predožimo to i on je pristao. Ne znam da li se sjećate. Žao mi zašto nije stupio u realizaciju jer mislim da je to jako jednostavno da se uradi a da bi mnogo značilo na animaciji svih građana prilikom darivanja krvi.

Pa evo stoga da se ponovi taj zaključak prema ovom istom Gradskom saobraćajnom preduzeću, jer znam da to ne donosi velika novčana sredstva i da podsjetimo na činjenicu da je tokom vijećničkih rasprava predstavnik i pristao na to. Eto.

NADA MLADINA

Hvala lijepo Merima. Da li se još neko od vijećnika javlja za riječ? Gospođa Jasminka Mijatović, vijećnica socijal, Hrvatske demokratske zajednice. Ja se ispričavam.

JASMINKA MIJATOVIĆ

Pa evo to je taj umor o kome smo govorili. Nekako iščekujemo kraj. (NADA MLADINA – Ne nekako. Nekako mi se činilo zgodnim. Izvinjavam se. Stvarno sam se zbunila.) Moram pogledati predsjednika. Tražim potporu čitavo jutro.

E isprika, dijelim razmišljanja kolegica. Ja jesam dobrovoljni darovatelj krvi, moji ukućani takođe. Moja djeca su prvi put dala krv u srednjoj školi. Ja isto tako i moj muž. Kolega Imamović se sjeća toga nije išlo u školu, mislim da je i sad takva situacija.

Ali ja predlažem jedan od zaključaka, da mi svojim primjerom obzirom da trebamo animirati građane, da svojim primjerom pokažemo da smo mi ti koji dajemo potporu i da se organizira među vijećnicima ali i ostalim zainteresiranim jedan dan darivanja krvi, svi oni koji mogu da daju krv, i time pokazali doprinos akciji i informacije koju danas usvajamo.

NADA MLADINA

Hvala lijepo. Da li se još neko od vijećnika javlja za riječ? Ja podsjećam na činjenicu da se radi o informaciji o aktivnostima vezano za animiranje za dobrovoljno darivanje krvi. Tako da mislim u skladu i sa tim zaključci trebaju biti. Obzirom na činjenicu da je odziv koji je ranije bio manji. Pa ako se niko ne javlja za riječ više, zaključujem raspravu.

I pitam vijećnika, ko je za to da primimo k znanju ovu informaciju o aktivnostima građana i organizovanju akcija dobrovoljnog darivanja krvi na području Grada Tuzla za period januar-oktobar 2015. godine, molim da digne ruku? (26) Ima li neko protiv? (Nema.) Suzdržan? (Nema.)

26 vijećnika je glasalo za, niko nije protiv i suzdržan, te konstatujem da je INFORMACIJA O AKTIVNOSTIMA NA ANIMIRANJU GRAĐANA I ORGANIZOVANJU AKCIJA DOBROVOLJNOG DARIVANJA KRVI NA PODRUČJU GRADA TUZLA ZA PERIOD JANUAR - OKTOBAR 2015. GODINE, jednoglasno primljena k znanju.

Predlažem da se usvoje sljedeći zaključci:

1. Traži se od Javno zdravstvene ustanove UKC Tuzla - Zavoda za transfuziologiju da dostave informaciju sa tabelarnim pregledom o akcijama dobrovoljnog darivanja krvi na području grada Tuzla za period januar-oktobar 2015. godine

2. Nakon što se obezbijede sredstva od viših nivoa vlasti, Grad Tuzla će se uključiti kroz finansiranje u saradnji sa Zavodom za transfuziologiju za nabavku separatora trombocita plazme.

3. Traži se od Ministarstva zdravlja Tuzlanskog kantona da u saradnji sa Zavodom za transfuziologiju i Sekcijom dobrovoljnih darivatelja krvi organizira sastanak radi akcija animiranja građana na dobrovoljnom darivanju krvi.

4. Aktuelizira se raniji zaključak Gradskog vijeća Grada Tuzle da se oslikaju autobusi Gradskog saobraćajnog preduzeća, kojim će se građani pozvati na dobrovoljno darivanje krvi.

5. Gradsko vijeće traži, da se organizira akcija dobrovoljnog darivanja krvi, gdje će nositelji akcije biti i gradski vijećnici.

Ima li neko prijedloga za dopune ovih zaključaka?

Ako ne, pitam vijećnike, ko je za molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv i suzdržan, te konstatujem da su jednoglasno usvojeni sljedeći zaključci:

1. Traži se od JZU UKC Tuzla-Zavod za transfuziologiju da dostave informaciju sa tabelarnim pregledom o akcijama dobrovoljnog darivanja krvi na području grada Tuzla za period januar-decembar 2015. godine

2. Nakon što se obezbijede sredstva od viših nivoa vlasti, Grad Tuzla će se uključiti kroz sufinansiranje u saradnji sa Zavodom za transfuziologiju za nabavku separatora trombocita plazme.

3. Traži se od Ministarstva zdravlja TK da u saradnji sa Zavodom za transfuziologiju i Sekcijom dobrovoljnih darivatelja krvi organizira sastanak radi provođenja akcija animiranja građana na dobrovoljnom darivanju krvi.

4. Aktualizira se raniji zaključak Gradskog vijeća Grada Tuzla da se oslikaju autobusi Gradskog saobraćajnog preduzeća, kojim će se građani pozvati na dobrovoljno darivanje krvi.

5. Gradsko vijeće traže, da se organizira akcija dobrovoljnog darivanja krvi, gdje će nositelji akcije biti i gradski vijećnici.

Prelazimo na petnaestu tačku dnevnog reda:

INFORMACIJA O POJAVI BRUCELOZE

Predlagач je Gradonačelnik Grada Tuzle, a obrađivač Služba za inspekcijske poslove i pretpostavljam Veterinarska stanica. (MIRNES AJANOVIĆ – Mogu li ja kao predlagач?) Samo čas.

Materijal su razmatrali: Komisija za komunalna pitanja i pitanja mjesnih zajednica i klubovi vijećnika.

Evo za uvodno neko slovo. Ima li potrebe za uvodnim izlaganjem? (MIRNES AJANOVIĆ – Predlagач.) A gospodin Ajanović se javlja kao predlagач Inicijative da se ovo uvrsti u dnevni red. Ali mislim da ima potrebe za uvodnim izlaganjem.

Naravno. Ima. Izrazili su potrebu jedan Klub. Malikić nemojte ga ružiti zbog toga. Izvolte gospodine Ajanoviću. Molim vas. Molim.

MIRNES AJANOVIĆ

Ne kratko ćemo. Da. Ja sam. Hvala predsjedavajuća. Predložio sam ovu Inicijativu, dobio sam informaciju, imamo je u pisanoj formi. U Tušnju se desilo da je bilo pojave bruceloze. Veterinarska stanica je sasvim adekvatno reagovala. Inspekcije, Služba sa kojom sam komunicirao takođe su adekvatno reagovali. Međutim, nadležnost je na Kantonu po pitanju veterinarske inpekcije.

Ja bih da evo mi ne raspravljamo nešto naročito o tome. Imamo dobru pisanu informaciju. Veterinarska stanica je dala opsežno, dakle sve ono što je uradila. Da čujemo u najkraćem, dakle u nekoliko minuta i šefa Službe za inspekcijske poslove i direktora Veterinarske stanice u najkraćem.

I da zaključak jedan stavimo, da vidimo, naravno potrebno je uvijek pratiti (NADA MLADINA – Haračiću, vrati se.) i novčano podržati aktivnosti Veterinarske stanice. Ne smijemo dozvoliti da dođe do širenja bruceloze ili bilo kakve druge okolnosti pasa koji su nevakcinisani, nekastrirani ili koji mogu biti opasnost za grad, pogotovo u stanju jer grad ima veoma, za razliku od drugih, dobru kontrolu do sada je bar je imao, ali smanjenja su sredstva Veterinarskoj stanici, pa da se kroz zaključak definiše da tokom rebalansa, razmotri se mogućnost i obezbijedi bar nivelisanje sa prošlog nivoa, dakle onoga što je potrebno dati iz Budžeta za rad Veterinarske stanice, a radi sigurnosti građana po svim okolnostima iz djelatnosti Veterinarske stanice. Hvala.

NADA MLADINA

Hvala lijepo. Evo profesor Ferizbegović. Direktor Veterinarske stanice Tuzla. Jasmine ti nam ukratko reci a onda ćemo viditi ako bude pitanja i potrebe da se uključiš. A ovi vijećnici koji su izašli oni to prate putem monitora.

JASMIN FERIZBEGOVIĆ – direktor Javnog preduzeća Veterinarska stanica Tuzla

Gospodine predsjedavajuća, dopredsjedavajuća, sekretaru, dame i gospodo gradski vijećnici, dobar dan. Vi ste dobili dakle jednu iscrpnu informaciju u kojoj u uvodnom dijelu smo mi kao što je naša obaveza ukazali na činjenicu o kakvoj se radi bolesti. Šta je to uopće bruceloza.

S druge strane predložili smo određene mjere koje se trebaju i moraju poduzimati u kontinuitetu. Mi smo koordinirali sa našom Službom za inspeksijske poslove jer ovdje je nadležnost, kao što znate općinski veterinarski inspektor u Gradu Tuzla ne postoji i usput ja mislim da bi bila dobra inicijativa da se, a ima mogućnost u Zakonu, uputi jedan zahtjev prema Kantonu, to je samo moj prijedlog naravno, i da se definitivno etablira općinski veterinarski inspektor i u Gradu Tuzla jer imate čitav niz radnji u domenu veterinarske medicine koje treba brzo, operativno, efikasno rješavati.

I mislim da bi to bilo racionalno. Ako ništa drugo, ono što je najbitnije sa stanovišta zaštite zdravlja građana.

Bruceloza je kao što znate od ranije, mi smo o brucelozi govorili u više navrata. Bruceloza je dakle akutna zarazna vrlo često i hronična bolest. Uzročnik bruceloze je intracelularan. Da bi vam preveo to znači on se nalazi u stanici kao uzročnik i sama činjenica da se nalazi u stanici ukazuje na tvrdokornost uzročnika, odnosno da se radi o vrlo ozbiljnoj bolesti, gdje se moraju poduzeti sveobuhvatne medicinske mjere kako bi se dakle spasio ljudski život.

Ono što odgovorno mogu reći, oboljeli od bruceloze u pravilu postaju teški invalidi. Dakle to govori o činjenici da je bolest izuzetno teška, da se bolest prenosi sa životinja na ljude, da se tretira kao bolest zoonotičkog karaktera, dakle prenos sa životinja na ljude je mogu.

Ta tvrdokornosti i specifičnost bruceloze jeste prije svega vezano na širenje zaraze. Širi se svim izlučevinama. Širi se posebno sa pobačenim materijalom kod životinja. Sa steljom, sa pašnjacima koji su kontaminirani ukoliko su boravile ovce, širi se sa kontaktima, širi se sa priborom i vrlo često se širi ono što bih htio da vam kažem i to je možda najvažnije danas reći, da se prenosi bolest sa konzumacijom mlijeka i mliječnih proizvoda koji nisu termički obrađeni.

Dakle svi vi ovako jedna usputna je li poruka, koji ste imali lijepu nekakvu tradiciju i to se nekada radilo da se pije svježe mlijeko, da to zaboravite. Dakle mlijeko se mora termički obraditi da bi vi bili sigurni kao konzumenti.

Dakle sama činjenica kada to kažemo ukazuje da se uradi o uzročniku koji na svu sreću nakon pasterizacije i nakon dakle prokuhavanja je termički dakle nestabilan i takvo konzumiranje onda ima jednu određenu sigurnost.

Ono što je takođe opasno. Svi proizvodi koji nisu podvrgnuti termičkoj obradi su takođe kako mi kažemo lokus minoris rezistence, znači postoji mogućnost da ukoliko nisu termički obrađena a ima mliječnih proizvoda koji se termički ne obrađuju, mogu izazvati širenje infekcije.

Glodari, krpelji i svi drugi nametnici su rezervar u širenju ove bolesti. Mi smo započeli bili prije nekoliko godina jednu sjajnu aktivnost, a to je da definitivno detektiramo problem bruceloze na način da uradimo dijagnostička ispitivanja svih životina na prostoru Bosne i Hercegovine.

Taj Projekat je usvojio i u drugoj godini iz nama nerazumljivih razloga zaustavljen i, sa nivoa Federalnog ministarstva i Ureda za veterinarstvo Bosne i Hercegovine donešena je jedna suluda odluka da se započne preventivna vakcinacija protiv bruceloze.

To je stručno gledano katastrofalna odluka. To nikad se nije smjelo dogoditi u Bosni i Hercegovini. Mi smo sve stručne argumente stavili u prvi plan. Rekli smo da vakcinacija je zadnje što se može uraditi u cilju radikacije bolesti. Dijagnostika je prva stvar koju treba uraditi. Apsolutno snimiti stanje. Napraviti inventuru postojećeg stočnog fonda a onda sveobuhvatne mjere poduzeti na terenu u cilju njene dalje radikacije.

Vi znate da je kod bruceloze stepingaut, dakle likvidacija siropozitivnih slučajeva. Usput da vam kažem, prvo dakle dijagnostičko ispitivanje ne znači i da je životinja bolesna. Mora se uraditi ukoliko je seropozitivnost utvrđeno, mora se uraditi takozvana konfirmacija, to znači potvrda na referentnom laboratoriju, i tek tad se onda donosi rješenje Federalne uprave za inspekcije o likvidaciji tih grla.

Ako me pitate zašto se to sve događalo? Jedan od ključnih razloga je sporost o odlučivanju. Dakle sa nivoa kantonalnih i federalnih institucija, veoma sporo su se upućivala rješenja kako bi se likvidirali pozitivni reaktori, a pozitivni reaktori su danima emitirali uzročnike i izazivali teške posljedice po zdravlju životinja i po zdravlje ljudi.

Šta je opasnost kod bruceloze? Vi koji eventualno imate ili koji ste u kontaktu sa tim životinjama nećete uočiti kliničku manifestaciju bolesti kod oboljelih ovaca ili pak koza, prolazi u sukliničku i tako latentnoj formi.

Mi kako kažemo vrlo često cijeneći patogenost uzročnika imamo hodajuće bombe, koje na svim nivoima isijavaju bukvalno uzročnike a da se ne primjete klinička manifestacija. I to je velika opasnost i za ljude ali Boga mi i za stručnjake ukoliko se ne započnu dijagnostičke procedure.

Osnovni razlog je znači kod detektovanih slučajeva izolirati životinju i što prije likvidirati. Naravno opet dolazimo na temu nemamo stočnih grobalja, nemamo spalionica, nemamo kafilerija.

Tu su dakle pitanja za sebe, o kojima mi na žalost ne možemo odlučivati, odlučuju viši nivoi, ali ja znam da je i ovo Vijeće upućivalo inicijative, da relevantne institucije obezbijede dakle uslove za kupovinu spalionica, kako bi animalni otpad bio neškodljivo uklonjen.

Kad se tiče ljudi, bolest počinje sa slabošću, tremorom, vrlo često sa visokom temperaturom, bolovima u zglobovima, bolovima u kostima, često otokom, epididimisom, orhitisom i tako dalje, da vas ne zamaram o kliničkoj slici.

Bolest se jako teško liječi. Suština je što prije je prepoznati. I ono što je posebno značajno, ukoliko dođe do ja bi rekao kasnog javljanja medicinskim institucijama, posljedice ostaju teške i ostaju trajne posljedice.

Glavni problem i mi apsolutno smo apledirali na sve stručne institucije, a to je da se sa činom vakcinacije dakle nije smjelo ići u to i sa činom vakcinacije Bosna i Hercegovina je izgubila veliku šansu i trgovinsku. Nama je definitivno uvezen po tom osnovu embargo na izvoz ovoga programa i mislim da je to velika šansa koju smo propustili. Za dugo vremena nećemo biti u prilici da to popravimo.

Svi apeli, argumeti, dakle struke koji su išli u tom pravcu, su definitivno bili marginalizirani. Odlučili su oni koji malo znaju o tome, nažalost posljedice su skupe. Mislim da će ova cijena biti velika i da će nam se ovo vratiti definitivno kao bumerang.

Samo ću reći dvije bitne stvari koje su protiv dakle vakcinacije. Jedna je, da u zemljama koje imaju principno mladenje i seminomladenja, kao što je dominacija u Bosni i Hercegovini, apsolutno vakcinacija neće polučiti rezultate. To je dakle konstanta.

I drugo. Biodiverzitet pojedinih područja je specifičan i to je jedna od ključnih premisa koje se moraju uzeti u obzir kada se odlučuje o uvođenju takve mjere.

Bosna i Hercegovina danas ima jako puno bruceloze. Mi na žalost ne radimo dijagnostiku. Ako me pitate kakva je situacija? Ja kao stručnjak globalno mogu reći da je

loša. Ako me pojedinačno pitate mi to ne znamo jer mi ne radimo dijagnostiku. Nama je dijagnostika zabranjena i mi dijagnostiku, evo završit ću, mi dijagnostiku radimo samo kada neko od farmera, neko od građana, neko od vlasnika, pojedinačno zatraži da se uradi dijagnostička procedura kako bi bio siguran ukoliko će se raditi o ekonomskom iskorištavanju grla da on i njegova porodica mogu bezbjedno to dakle konzumirati.

I tragom takvih dakle informacija i slučajeva mi smo obavili dijagnostičku proceduru kod jednoga od ovih vlasnika. Dobili ste u prilogu kompletnu hronologiju događanja, da sad ne ulazimo i gubimo vrijeme oko toga, mi smo uradili i nedvojbeno je utvrđena bruceloza. Dakle seropozitivnost, kako mi to stručno kažemo.

Materijal je upućen na potvrđivanje, na Kliniku u Veterinarski fakultet Sarajevo, koji je referentan za dokazivanje i potvrđena je.

Mi smo istog dana obavijestili Kantonalnu upravu za inspeksijske poslove, jer dakle dalji dio posla nastavlja Kantonalna uprava za inspeksijske poslove i sve dakle na nivou Grada Tuzle. Znači našu Službu za inspeksijske poslove, Kantonalnu, Zavod za javno zdravstvo, Infektivnu kliniku, Dom zdravlja i tako dalje i tako dalje. To je jedna hronologija koju moramo ispoštovati. Zakonska.

I kada se došlo na licu mjesta da se definitivno uradi eutanazija, tog grla nije bilo. Grlo je dobilo drugog vlasnika. Kad si došao kod drugog vlasnika, drugi vlasnik je vratio prvom vlasniku. Kad si došao kod prvog vlasnika prvi vlasnik je prodao trećem vlasniku. I na kraju se izgubilo dragocjeno vrijeme od strane tih koji su defakto je li pravili tu nekakvu mrežu. I mi smo naš dio posla uradili.

Eutanazirano je grlo. A onda kod trećeg vlasnika koji je pomiješao dakle sva sa ovim bolesnim, dakle detektovanom bolesnim grlom, smo morali uraditi dijagnostiku svih grla i moja malenkost je apelirala da se uradi apsolutno svi koji su čuvari stada. I oba su bila pozitivna. I to je završeno.

Dakle provedenu su procedura eutanazije i mi smo poslije definitivno uradili potpunu radikaciju terena. Urađene su sve mjere, pojačana je dezinfekcija, dezinfekcija i deratizacija, i ste strane mogu reći da su građani bili jako zadovoljni jer su vidjeli da dakle naše službe funkcionišu i da smo praktično odmah intervenisali i poduzeli sve mjere u cilju zaštite građana.

Sretna okolnost je, da su građani odmah upućeni dakle u cilju dijagnostičkih procedura na brucelozu i da niko hvala Bogu nije obolio od bruceloze, a naravno nakon izvjesnog vremena treba ponoviti te dijagnostičke procedure.

Toliko što se tiče uvodnog dijela jer vidim da ste i vi i jako imali napor dan i ja rado ću odgovoriti na sve ijedno vaše pitanje koje se tiče ove problematike.

NADA MLADINA

Hvala profesore Ferizbegoviću na uvodnom izlaganju koje će biti korisno i za naše građane koji će pratiti da kao upozoravajuće. Jer malo znamo o nečem takom, tako bitnom nažalost.

Otvaram raspravu klubova. Da li se neko javlja za riječ? Ako ne, zaključujem raspravu klubova. Otvaram raspravu vijećnika. Niko se ne javlja za riječ. Zaključujem raspravu.

Stavljam pred vijećnika na, da kažem primanje k znanju, informacije o pojavi bruceloze.

Pitam vijećnike ko je za, molim da digne ruku? (22) Ima li neko protiv? (Nema.) Suzdržan? (Nema.)

22 vijećnika su glasala za, niko nije bio protiv i suzdržan, te konstatujem da je INFORMACIJA O POJAVI BRUCELOZE, jednoglasno primljena k znanju.

Predlažemo zaključke:

Prilikom rebalansa Budžeta Grada Tuzle, razmotriti mogućnost izdvajanja sredstava za sprečavanje i suzbijanju zaraznih bolesti, koje se sa životnja prenose na ljude i za aktivnosti, koje u vezi sa tim provodi Javno preduzeće "Veterinarska stanica" Tuzla.

Ima li sugestija za dopunu ovih zaključaka? (MIRNES AJANOVIĆ – Imam jedino finansiranje.) Kako mislite? (MIRNES AJANOVIĆ – Pa ovo potrebna sredstva.) (MEDIHA NUHBEGOVIĆ – Izdvajanje sredstava. Pa ja pišem izdvajanje sredstava na ime finansiranja. Eto.) Sredstava. Sredstava. Izdvajanje na ime finansiranja. (EKREM TOPIĆ – Pojačati. Pojačati.)

Znači izdvajanje sredstava na ime finansiranja, sprečavanje i suzbijanje zaraznih bolesti, koje u vezi sa tim provodi Javno preduzeće "Veterinarska stanica" Tuzla. (MIRNES AJANOVIĆ – Hvala.)

Pitam vijećnike, ko je za ovaj zaključak, molim da dignu ruku? (22) Ima li neko protiv? (Nema.) Suzdržan? (Nema.)

22 vijećnika su glasali za, niko nije bio protiv i suzdržan, te konstatujem da je jednoglasno usvojen sljedeći zaključak:

Prilikom rebalansa Budžeta Grada Tuzla za 2016. godine, razmotriti mogućnost izdvajanja sredstava na ime finansiranja projekata namijenjenih za sprečavanje i suzbijanju zaraznih bolesti, koje se sa životnja prenose na ljude i za aktivnosti, koje u vezi sa tim provodi JP "Veterinarska stanica" Tuzla.

Jozo jesi li ti ozdravio? (JOZO NIŠANDŽIĆ – Zamolio bih vas ako možete da nastavite.) Dobro. Dobro. Da pitam.

Prelazimo na šesnaestu tačku dnevnog reda:

INICIJATIVA ZA IZMJENU IZBORNOG ZAKONA BIH U CILJU DA MANDAT PRIPADA POLITIČKOJ STRANCI

Obrađivač je gospodin Mirnes Ajanović. Materijal su razmatrali klubovi vijećnika. I evo uvod hoće da da predlagač. Izvolte gospodine Ajanoviću.

MIRNES AJANOVIĆ

Kome trebaju naočale? Profosoru? Kome? Profesore je li vaše? (JASMIN FERIZBEGOVIĆ – Jeste.) Evo izvolte. (JASMIN FERIZBEGOVIĆ – Hvala. Ja ne znam što će mi. Ja dobro na oči gledam. Ja ne znam što će mi naočare.) (NADA MLADINA - Dobro da nije otišo. Trebat će kasnije. Doviđenja.) Sretno. Doviđenja. Hvala vam profesore.

Inicijativa je apsurdna. Evo ja sam predlagač inicijative izmjene Izbornog zakona, da mandat Političke stranke koja kandiduje, koja kandiduje kandidate na izborima pripada Političkoj stranci.

To je toliko apsurdno raspravljati o tome da je nevjerovatno. Dakle jedna Politička organizacija koja treba i kandiduje se na izborima i treba da sutra vodi državu, da predstavlja državu, odlučuje o državi, o svemu, o svim segmentima, od lokalnog nivoa, evo od ove tačke bruceloze do toga hoće li biti vode, ovog, onog, zraka, funkcionisanja kantonalne vlasti, Federalne, državne, dakle o svemu, da mi pričamo o tome da mandat koji pripada toj Stranci i treba da pripadne na kraju Stranka može raspolagati s tim.

Evo ovako kad bi malo rekli. Zamislite okolnost, evo mi smo Grad Tuzla, i jedna Služba za finansijske poslove recimo drži novac, sve, i dođe sad šef Službe i kaže, odoh ja raditi privatno za sebe. Ja mislim sa svojom glavom i sad ću ja ona sva sredstva, finansije i sve odluke koje se tiču Grada Tuzle raditi privatno. I uzimat novac sebi, nosit kući sebi.

To što sam ja imenovan ispred Grada je, baš me briga. A napravimo takav zakon. Donese neko odluku, šef službe, službenik, može u jednom trenutku da kaže, postaje samostalan. I on odlučuje o svemu. O svim pravima koja su pripadala Gradu. Samostalno. I da uzme novac sebi. I da odlučuje kako hoće. I da kaže neću više ništa raditi, odoh sebi praviti vikendicu, bazen. Sva ona sredstva koja su za komunalnu infrastrukturu.

Što ću ja kaže provoditi tamo negdje provoditi cestu, odah ja sebi bazen, veliku kuću, trideset spratova. Malo mi. Odoh ja još deset spratova nadograditi. Malo mi. Odoh još malo da vidim kako je u oblacima.

Je li to normalno ljudi? Pitam vas. (NADA MLADINA – Malo smanjite deskripciju.) Ne. Moram malo da pokažem. Je li to normalno? Pitam ikoga. Je li iko misli da je to normalno? Je li iko misli da je to normalno? Nema takvih. To je nenormalno. Suludo.

(NADA MLADINA – Obrazložite suštinu inicijative.) Suštinu sam obrazložio poredeći sa ovim.

Evo drugo. Otvorite firmu. Evo Stranka nek bude firma kako kaže počesto jedan vrlo uvažen političar Lagumdžija, da je Politička stranka jedna vrsta firme. Sve ima segmente. Ima dakla hijerarhiju, predsjednika, organe, predsjedništvo, sve. Do na kraju onih ljudi koji su na terenu koji idu po. (NADA MLADINA – Izvršnog direktora.) Naravno. Izvršnog direktora. Sve.

I na terenu koji idu po, po mjesnim zajednicama. Oni najniži, koji su u stvari rudari i lobiraju za glasanje. Ali nemojte Stranku. Firmu. Firmu. Neko dakle uloži milione maraka, napravi firmu, preduzeće, zaposli ljude i sad jedan u tim ljudima koji je zaposlen, kaže odo ja raditi za sebe.

I kaže direktor samo ti radi za sebe. Super. Evo napravimo mi budi samostalan. I taj počne sve što je suština egzistencije firme uzimat sebi. Hoće li ta firma preživjeti? Neće. Umrijet će. Je li normalno da se to dopusti? Nije normalno. Svako će reći nije normalno.

Eh Grad Tuzla, ta neka firma, je ništa u odnosu na vlast. Na vlast gdje jedan poslanik izabran ispred Stanke, kandidovan ispred Stranke, Stranka mu platila praktično, bukvalno kandidaturu, platila cenzus, platila, skupila one kandidatske obrasce podrške gađana i sve slično.

I ispred te. Molim malo tišine. Stranka dakle po zakonu plaća cenzus. Prijavu Političke stranke koja iznosi po 30, 25.000 maraka. Zavisi od nivoa. Stranke se prijavljuju. Stranka plaća, ne plaćaju kandidati. Ne mogu ni platiti, plati Stranka.

Ima institucija nezavisnog kandidata. Svako može izaći sam na izbore, sam platiti cenzus, sam prikupiti potpise podrške i izaći.

Dakle Stranka plati i izađe na izbore i dobije mandate. Neko više, neko manje. Nije ni važno. Stavi nekog prvog, drugog, neko bude zadnji, malo više lobira, nebitno. Ali ne može niko sam dobiti.

Ima li ijedan nezavisni kandidat da je prošao u kantonu, Federaciji ili državi? Ima li? Postoji li ijedan nezavisni kandidat? Ne postoji. Nijedan nije izabran. Svi su izabrani ispred političkih stranaka. Ne može proći. Neće niko glasat za njih. Možda neko iz familije. Samo prođu kroz Političku stranku.

I zamislite. Dođete u poziciju, vi ste ispred Stranke, vi ste praktično predstavnik te Stranke. U ime Stranke radite. Ne u ime lično. Logika je da slušate ono što odredi Politička stranka. Za mene je nelogično da predstavnik Političke stranke kaže ja ću sad raditi kako ja

hoću ili glasat ću drugačije. Ne slušam ja, ne poštujem Stranku. To je anarhija. To je političko divljaštvo.

Ima da se poštuje organ u kojem ste. Ako se ne slažete i niste mogli prije izlobirat, izvolte izađite iz toga. Onda nije vam mjesto tu.

I zamislite ovo, krene se evo u usvajanje Budžeta Federacije. Dvije i po milijarde maraka je Budžet Federacije. Za godinu dana. Sve egzistira dakle od toga. I mi kao grad dobijamo određena nekakva sredstva.

I fali jedan glas. I onaj jedan kaže, znaš šta uh dvije i po milijarde. Uh koliko tu para može da se uzme ovako kad bi ja posto samostalni, a ja odlučujem jedan. Ode kaže početak sad mislit drugačije.

Izađe kroz Izborni zakon, kaže samostalni poslanik. Ništa mu Politička stranka ne može uraditi. Glasao on svojom voljom. Ja digo ruku. Kaže šta je? Demokratija. (NADA MLADINA – Mirnese, zamolila sam da ne budete tako deskriptivni.) Moram malo tako pokazat ekspresivno.

To je najbrutalnije političko divljaštvo koje je moglo da se desi Bosni i Hercegovini. To ubija državu.

Evo jedan primjer. E da se vratim opet na ove dvije i po milijarde. I on odjedanput u toj fazi kaže, eh da vidim hajmo ko daje više. Masa para. Pa ko zar vama kaže bitno nešto 100, 200.000, pa i milion. Dvije i po milijarde su u pitanju. Ja ću glasat kaže po svojoj savjesti, a neću kako Stranka hoće.

Pa nedavno gledam jedan iz jedne Političke stranke u Državnom parlamentu, prave se nove koalicije, ljudi pokušavaju napraviti funkcionisanje vlasti, jedan iz jedne Stranke izađe, Stranka kaže mi ćemo napravili smo tu neku koaliciju, je li dobro, nije, nebitno, odlučili politički organi političkih stranka koje imaju mogućnost da odlučuju o tome, neću ja glasat kaže kako hoće Stranka, ja ću kako ja hoću.

Gledate to, ne možete da vjerujete u toliko brutalnost toga. To je nemoguće šta nam se događa u državi.

Evo u Tuzlanskom kantonu. Isto tako jedan je postao samostalni poslanik, napusti svoju Stranku, napravi koaliciju sa drugom stranom, drugom političkom opcijom, ne sviđi mu se ta koalicija jer nije od nje izuzeo što je mogo, napravi koaliciju sa svojom bivšom Strankom. Pa nevjerovatno.

(NADA MLADINA – Eto. Ja vama lijepo kažem nemojte previše.) Pa. Evo. Ja namjestio. (NADA MLADINA – Past će Vlada.) (MEDIHA NUHBEGOVIĆ – Otišli snimci. Nema snimka.) Neće pasti. Da hoće pasti ti samostalni poslanici kroz zakon da budu. (NADA MLADINA – Ode sve. Vrlo temperamentno to sve.) Je li radi? Radi. Sve kuca. Kuca. Kuca provjereno. (NADA MLADINA – Provjerit ćemo da li radi.)

I napravio on koaliciju sa svojom bivšom Strankom, koja je prinuđa ući u takvu sramnu koaliciju jer nema kud. Jer izgubit će svu vlast. I onda traži ministarska mjesta. I onda on ima ministarsko mjesto.

Pa ljudi to je nenormalno. To je brutalno. Silovanje politike i građana i svega. To je toliko nemoguće šta nam se događa. I to je. To je. Izvinjavam se. Molim vas samo me pustite još malo. (NADA MLADINA – Što na mene pokazujete.) Ne samo vi ste htjeli me prekinuti, pa kažem nemojte. (NADA MLADINA – Da vam kažem da skratite.) Niste vi. Hvala. Nemojte da skratim. Samo malo. Nije mi isteklo vrijeme. Kratko sam. (NADA MLADINA – Skratite. Pa moramo stići.)

I šta je se desilo. Nakon tog svega, revolucija je bila u februaru. Ljudima više ono, ono prekardašilo sve. Ljudi izašli na ulice. Nisu radi političkih stranaka, radi tih ljudi. Danas u Bosni ne vladaju političke. Mogu li malo molim vas dobiti pažnje? Molim vas.

Danas u Bosni ne vladaju političke stranke. Nisu na vlasti ni SDA, ni SBB, ni SDP, nit su bili. Nisu. Vladaju samostalni poslanici. Oni koji prodaju svoju Stranku, koji pljunu na svoje ljude koji su glasali za njih. Izdaju ih. Ukradu bukvalno mandat Političke stranke koja im je dala budu u mandatu.

Najgore političko zlo je samostalni poslanik. To ubija državu. Nema države i politike u Bosni i Hercegovini dok postoji to zlo, samostalni poslanik. Koji nema nikakvu definiciju. Ništa u Izbornom zakonu nema. Samo piše, može postati samostalni poslanik i Stranka mu ne može ništa.

Zamislite da imate situaciju, koja je normalna. Izabrali ste kandidate i on kaže odo ja raditi sad malo za sebe. I Politička stranka ga ne smijenji. Ko je kriv tu? A može ga smijeniti, da ima Izborni zakon, kaže nisi radio u okviru programskih opredjeljenja, Statuta, političkih ciljeva, platforme, izbornih obećanja i čega sve ne. Samostalno odlučuješ. Ne možeš samostalno. Nisi samostalni. Nisi izašao kao nezavisni.

Kriva Politička stranka. Tad bi znali gdje je odgovornost. Mi smo napravili nakaradnu demokratiju, gdje mi u stvari kažemo ljudima de vi gledajte kakakav je ko. Kako će on gledati hiljadu poslanika i zvaničnika, vijećnika, kako ko radi. Nemoguće je.

Ne treba da interesuje birača kako ko glasa, radi, odlučuje, nego političke predstavnike na svim nivoima da li njegov politički predstavnik u parlamentima izvršava svoje obaveze na način kako je to obećano od Političke stranke. I to je suština rada.

Ne radi, pustimo mi nekog da radi sam po svom, pa ja sam kriv. Ja sam kriv ako taj izabrani zvaničnik radi šta hoće a mogu ga smijeniti. Nama treba to da uspostavimo u Bosni i Hercegovini, jasnu odgovornost političkih stranaka u odnosu na rad ili nerad izabranih zvaničnika. Ne da više da građani gledaju. Ne da mediji prate.

Nego da taj zvaničnik od opštinskog, kantonalnog, entitetskog ili državnog nivoa, mora pratiti rad izabranih zvaničnika da li rade adekvatno. To je demokratija. Mi hoćemo da kažemo da je demokratija to da neko može ukrasti mandat i raditi šta hoće, prevariti birače i da se smatra časnim, ponosnim pripadnikom jednog političkog predstavničkog tijela. To je strašno. (NADA MLADINA – Mislim da je dosta za uvodno izlaganje. Ovaj jer inače pretvara se u radionicu.)

Uvodno izlaganje je iz ovog razloga ovako. Jer mi nemamo budućnosti u Bosni i Hercegovini dok god imamo ovo stanje zla samostalnog poslanika, izabranog zvaničnika, a da Politička organizacija koja ga je kandidovala nema mogućnost da ga zamijeni i da time dobijemo jasnu disciplinu u političkom sistemu Bosne i Hercegovine i jasnu odgovornost.

I čuo sam da određene političke stranke razmišljaju o tome da se ovo promijeni. Postoji problem kod tih navodnih nekakvih nevladinih organizacija koje kažu ah to kaže nije demokratija. Gdje ćete vi kaže uskratiti pravo nekome da radi šta hoće. To da nekome da radi šta hoće, pravo koje je dato je uništilo državu i uništava svakodnevno.

I nemamo budućnosti ni za sebe, ni za svoju djecu, ili bilo koga drugog, unučad, ukoliko ne dobijemo tačan status odgovornosti svih prema svima. A ne ovog što imamo danas.

I što je najgori problem, ovo što sam ispričao, dobio sam od određenih kolega sugestiju da oni ne mogu glasat za ovo, da se promijeni Izborni zakon, da inicijativa, da mandat Političke stranke koja je kandidovala svog izabranog zvaničnika pripada toj Političkoj stranci, na način da ako taj izabrani zvaničnik počne raditi nemoralno, politički se prostituisati i nepoštvati odluke Političke stranke ili bilo šta da drugo, da ga Stranka praktično ne treba ni smijeniti da treba da ostane ovakvo stanje.

To me razočaralo posebno. Posebno sam razočaran s tim. Što danas mi ovdje izgleda memamo 16 ruku da bi se izglasala ovakva podrška ovakvoj inicijativi. To je potpuno razočarenje. Svi smo mi saučesnici u zlu. Ja bar progovaram.

16 ruku ovo Vijeće nema za to. Nema. Ova inicijativa ne može proći. Određenim izgleda odgovara ovako. Ili kalkulišu u smislu, možda mi neko zatreba za neku podršku ovamo nešto prođe pa znaš šta, da se ja mogu osloniti na tog samostalnog poslanika.

Jesam razočaran s tim. Neću se predati nikada. To političko zlo dok živim pokušat ću spriječiti da divlja kao što divlja dosad. Pokušat ću na sve moguće načine političkim putem uticati na javnost gdje god budem imo priliku. Pa kad dobijem nekad i 2 minuta u nekoj emisiji ako dobijem, da mognem na izborima, prvu stvar govoriti o tome.

Apelovati kod razumnih političara u Bosni i Hercegovini da shvate da ovo političko zlo mora biti uništeno. Da mora postojati odgovornost izabranog zvaničnika prema Političkoj organizaciji koja ga je izabrala, a samim time političke organizacije prema građanima na način da mora sankcionisati one koji ne rade u interesu građana.

Najporaznije što ovakva inicijativa ne može za sada dobiti podršku. Ja mogu samo apelovati na minimum, minimum razuma kod političkih predstavnika koji mogu odlučivati u Parlamentarnoj skupštini Bosne i Hercegovine. (NADA MLADINA – Ne treba mi sat. Ne treba mi sat. Gospodin. Gospodin Ajanović ima.) A znam jedan od samostalnih traži sat da se nađe. Smeta mu. Boli. Moguće je. A dobro.

(NADA MLADINA - Samo malo. Podsjećaju. Ne. Ne. Ne. Ja mislim da je uvodno izlaganje vrlo obimno.) Dobro.

(NADA MLADINA – Kao što sam dala profesoru Ferizbegoviću obzirom na ozbiljnost oboljenje bruceloze.) Hvala vam. (NADA MLADINA – Mislim da ste i vi dobili dovoljno prostora.) Hvala vam. Evo završavam. (NADA MLADINA – Pa da završite.)

Obzirom da je uvodno izlaganje, na kraju i završna riječ. (NADA MLADINA – Pa hajde dajte i završnu riječ.) Zato što. Zato što je i završna riječ. (NADA MLADINA – Ja. Sve je zapravo ste sve rekli.)

Jer ono što sam dobio od određenih prije ove sjednice kolega, razumijem ih ne mogu niti odlučivati možda, možda i ovo pitanje, nije možda, nego za viši nivo vlasti, u smislu ne stranaka po zakonodavnom nego unutarstranačkom smislu vlasti, e s obzirom da ne želim da likuju određeni samostalni time što bi dobilo se da ovo ne bude izglasano, a neću da likuju, izborit ću se protiv takvih svih.

Nisu ni krivi neki što su takvi nego što im se dalo da budu takvi. Možda ti ljudi ne bi bili ovakvi, takvi kakve sam ja rekao, da zakon im dio dao mogućnost evo budite nemoralni. Budite kakvi god hoćete, radite šta hoćete, ne možete nikako. (NADA MLADINA – Nemojte. Nemojte etiketirat. Nemojte etiketirat.) Ne govorim o tome.

Govorim o tome, moje je mišljenje da se radi o nečemu najgorem što ubija državu i što praktički rezultirat će da ćemo mi svakim danom imati sve manje države, dok jednog dana ne dobijemo tu mogućnost da promijenimo taj Izborni zakon. (NADA MLADINA – Vi govorite o globalnoj negativnoj pojavi, društvenoj, nego o kome je riječ.)

Globalno. Ne govorim ovdje ništa konkretno o ovdje. Ne ovdje. Nego govorim o globalnom stanju. O svemu. Gradsko vijeće je opštinska jedna ta mala lokalna zajednica sasvim je nebitna u situaciji kada se odlučuje gore o milijardama i o sudbini države Bosne i Hercegovine, od entitetskih do državnih parlamenata. Komunalna infrastruktura je više-manje. Možemo to i zanemariti.

Govorim o globalnom stanju, o tome da danas u Bosni i Hercegovini odlučuju na tim svim nivoima ljudi koji su prevarili sve što su mogli prevariti. (NADA MLADINA – Ja oni su. Razumjeli smo.) Da. Ništa. Ništa ovdje za Vijeće govorim. (NADA MLADINA – I šta sad? Šta sad kao zaključno razmatranje?) Malo me samo iziritiralo što dobijam ovo.

Zaključak je da, ja kao predlagatelj imam pravo da odložim izjašnjenje po ovoj tački dnevnog reda za neku od narednih sjednica Vijeća kada ćemo opet ovo vratiti na raspravu i odgađanje, (EKREM TOPIĆ – Ne moremo tako.) te iz tih razloga povlačim sad tačku dakle

(NADA MLADINA – Povlačite tačku. Dobro.) iz ovih okolnosti (EKREM TOPIĆ – Jer si već nabrojo.) do nekih od narednim sjednica kada ćemo ponovo vratiti na dnevni red.

Ona i dalje je dakle živa, efektivna, ne moram ni tražiti podršku, (NADA MLADINA – Ali je sad povlačite sa. Dobro.) nego samo ću je predložiti ponovo, ali evo na ovaj način imam pravo da je povučem.

I sa ovim je rasprava završena. Jer sam ja ipak predlagač. Hvala puno.

NADA MLADINA

Obzirom da je predlagač povuko ovu tačku dnevnog reda (ENES HUSEINAGIĆ – Nemojte, trebo je prije. Nismo na ovaj način.) (EKREM TOPIĆ – Trebo je jutros povući. Ne može tako. Sve reko i sad povlači.) (MIRNES AJANOVIĆ – Imam pravo. Imam pravo.) Ali. Mediha on po Poslovníku ima pravo.

(MEDIHA NUHBEGOVIĆ – Ne glasa se o tome. Pošto je povukao.) O tome se ne glasa. Mislim to je. (ENES HUSEINAGIĆ – Ovo je jako nekorektno.) (EKREM TOPIĆ – Samo dodajte i 7% onaj izborni prag uz to. Sve kad budemo raspravljali.) Kad budemo raspravljali. (ENES HUSEINAGIĆ – Predsjedavajuća. Predsjedavajuća treba dati, treba dati i nama da i mi pa ćemo i mi povući svoje.)

Obzirom. Obzirom. Obzirom da Poslovník, Poslovník predviđa da se kad predlagač. (EKREM TOPIĆ – To je trebalo jutros na dnevnom redu povući. Prošo dnevni red.) Da ne razgovaramo na ovaj način. (EKREM TOPIĆ – Poslovníčka.)

Poslovníčku intervenciju ima gospodin Topić. (ENES HUSEINAGIĆ – I replika.) A ja. A ja nemate, (MIRNES AJANOVIĆ – Povučena je tačka. Ako ćemo ući u raspravu.) ne možete mi ni na poslovníčku, ni na povlačenje imati repliku. Nema rasprave o tome.

EKREM TOPIĆ

Uz dužno. Uz dužno poštovanje i vas dopredsjedavajuća i kolege Ajanovića, mislim da je prema nama ovo nekorektno. To je trebalo jutros kad se usvajao dnevni red povući tačku dnevnog reda, nećemo o njoj raspravljati, nećemo se izjašnjavati.

Mislim da je nekorektno prema nama. (ENES HUSEINAGIĆ – Poslovníčka.)

NADA MLADINA

Poslovníčku intervenciju ima gospodin Huseinagić. Pa Poslovník tako predviđa. I ja nisam znala da će.

ENES HUSEINAGIĆ

Poslovník se iskoristi i za druge da vam kažem svrhe. Ne bi bilo nikakvih problema da ima standarda. Kad vi imate ljudi, naravno nemojte shvatiti ovo da je, da je u nekog upereno lično, svaka sličnost ona je sasvim slučajna.

Imate ljudi koji su otišli u Stranku, nisu imali nikakvog ni poziva, ni zanimanje, ni škole, politika im dala ljudi sve. Od statusa, od škole, od stručnog ispita, od stambenog pitanja riješenog.

Vi imate ljudi, napravi prvo standarde, pa kad napravite standarde ko može biti u politici. A ja vam kažem neće ovo državi, šta je veće zlo? Kad dođe fukara na vlast pa vas vodi, nije mogla ni građe napraviti a kamoli da napravi nešto bolje. Hvala lijepo.

NADA MLADINA

Gospodine Huseinagiću znači i vi ste zloupotrijebili poslovničku intervenciju. (ENES HUSEINAGIĆ – Jesam. Isto tako kao i ovo.) Dobro. Ja sad završavam. Gotovo. Više se o ovome ne diskutuje. Dala sam vam poslovničku intervenciju. Primamo k znanju da je ova inicijativa povučena od strane predlagača koji je.

(MIRNES AJANOVIĆ – Na način da će na narednoj sjednici ili nekoj od narednih sjednica. Molim vas, poslovnička intervencija.) Vi ste, viste povukli to. (MIRNES AJANOVIĆ – Poslovnička intervencija. Mogu li dobiti?)

Još jedna poslovnička intervencija. (MIRNES AJANOVIĆ – Da pojasnim.) Hajmo. Ili ćemo raspravljati ili nećemo raspravljati.

MIRNES AJANOVIĆ

Poslovnički evo da provjerimo. Šta su prava. Ako ćemo raspravljati da raspravljamo. I ja bi rado odgovorio na ovu poslovničku zloupotrebu ali neću da zloupotrijebim za sada.

Poslovnički. Imam li ja pravo povući je sada i odložiti za neku od narednih sjednica na način da se to smatra da je? (NADA MLADINA – Evo objasniti će to sekretar Vijeća, da ne bude sad moja lična odluka. Ne zato što se bojim, nego što će ona biti korektnija.) Okej. Hvala.

MEDIHA NUHBEGOVIĆ

Dakle po Poslovníku kad se neka tačka povuče sa dnevnog reda o tome se ne glasa. Naravno onaj ko je predlagač ima pravo da je delegira sledeći put. (NADA MLADINA – Opet da je predloži.) Dakle da podnese novi prijedlog da se o tome diskutuje.

NADA MLADINA

Opet da je predloži. Evo završili smo. (MIRNES AJANOVIĆ – Poslovnički. Moram. Sad smo se pojasnili.) Hajde.

MIRNES AJANOVIĆ

Ne povlačim tačku. Idemo u raspravu, tražit ću kasnije samo da se odgodi izjašnjenje za neku od narednih sjednica. Izvolte raspravljajte. (JOZO NIŠANDŽIĆ – Nećemo.)

NADA MLADINA

Ovo ne može tako. (MIRNES AJANOVIĆ – Može tako.) Ne može. Ja sam završila. Gotovo je. (MIRNES AJANOVIĆ – Nije tačno. Nije.) Povučeno. Gotovo. Sad smo objašnjavali. (MIRNES AJANOVIĆ – Molim vas. Nije povučeno. Mogu li poslovničku dobiti?) Jest povučeno. (MIRNES AJANOVIĆ – Nije.) Ne možete sad ovako sad onako. (MIRNES AJANOVIĆ – Mogu li poslovničku dobiti?)

Pa koliko puta? (MIRNES AJANOVIĆ – Mogu li dobiti i ovaj put?) Pa može ali mislim nije, nije uredu. Da poštujemo Poslovnik onda. Rekli smo nema rasprave jer ste povukli.

MIRNES AJANOVIĆ

Predsjedavajuća. Predsjedavajuća, ja sam lijepo i jasno naglasio, povlačim da bude stavljena u jednu od narednih tačaka a nije se. (NADA MLADINA – Jednu od narednih sjednica.) Sjednica. Nije se izjasnilo. Niste vi ko predsjedavajuća izjasnila se da je tačka povučena. Pustili ste da se još dvojica jave kao poslovničke intervencije. Ja sam se javio kao poslovničku intervenciju.

Je li ima gdje, sekretaru, okolnost da ja prije nego što je donesena odluka od predsjedavajućeg nemam pravo da kažem šta smatram da treba da bude sa tačkom koju sam predložio?

Ja smatram da imam pravo, poslovnički mi se dozvoljava. Da niste pustili ovu dvojicu, da ste vi konstatovali, tačka je povučena i ja bi završio sve, dobili bi okolnost da bi ja moro opet tražiti 16 ili na Kolegiju određeni broj ruku da ova tačka prođe. Možda ću ih i moći dobiti.

Da ne govorim sad koje političke stranke nisu htjele da glasaju na Kolegiju da ova tačka uopšte bude na dnevnom redu. A možda hoću u raspravi.

Dakle tačka nije povučena. Ovako ili onako vi niste kao predsjedavajuća konačno. Niste ih trebali ni pustiti, trebali ste kako sam rekao tako povući i ja bi se složio.

Nije povučena. Predsjedavajuća molim vas provjerite sa sekretarom, imam li pravo prije kada se završi rasprava odgoditi ovu tačku za izjašnjenje neku od narednih sjednica, pošto eto ne mogu drugačije.

Ja hoću da ova tačka bude aktivno živa u okviru dnevnog reda, a pošto je tako kako jeste ja ću tražiti danas izjašnjenje onda. Neću je nikako povući. Da vidimo ko je za, ko protiv. Ko je za, ko protiv, da ostane egzistirati političko zlo koje ubija Bosnu i Hercegovinu. Da vidimo koje su to političke partije za, javno neka se izjasne, da ovo stanje ostane ovako kako jeste.

(NADA MLADINA - Gospodine Ajanoviću, ako vi to odlažete izjašnjavanje za narednu sjednicu, neku od narednih sjednica, onda se vijećnici trebaju o tome izjašnjavati.) Da. Da.

(NADA MLADINA - A ako povlačite, onda nema izjašnjavanja.) Da. Da. Kako god hoćete. Samo eto dajte. (NADA MLADINA – Pa nema kako god. Kako vi hoćete.) Neću ja. Dajte kako Poslovnik kaže.

(NADA MLADINA – Jer ja moram. Nemojte mene da kršim Poslovnik. Ne kršim Poslovnik.)

Tražim pauzu od petnaest minuta da se dogovorimo o načinu kako ćemo ovu tačku dalje voditi.

NADA MLADINA

Hajmo pauza od petnaest minuta, na predlog Kluba Bosanske stranke. (Pauza.) Zamolit ću sekretara Vijeća da za govornicu kaže rezultate dogovora.

MEDIHA NUHBEGOVIĆ

U stvari to su samo prijedlozi, s obzirom da Kolegij, svi članovi Kolegija nisu bili prisutni na sastanku.

Dakle imamo dva prijedloga. Jedan je prijedlog da se sve tačke dnevnog reda odlože (MIRNES AJANOVIĆ – Uključujući i ovu.) za narednu sjednicu. A drugi prijedlog imamo

da se, da završimo kadrovska pitanja kao što smo to inače radili. Pa evo molim vas da stavite na glasanje. (NEDŽAD MALIKIĆ – Ma treba zaključiti.)

JOZO NIŠANDŽIĆ

Ja ako možemo i predlažem, da sada zaista sa ovom sjednicom završimo, nastaviti ćemo sljedeću. Da vam budem iskren i ja sam, ne mogu više ni stajat ovdje.

Ako se slažete da stvarno izglasamo da sve odlažemo za sledeću sjednicu oko toga molim vas. (ELVIR KASUMOVIĆ – Poslovnička.) Izvolte Kasumoviću. (NADA MLADINA – Ali šta je sa. Šta je sa ovom tačkom?) (MIRNES AJANOVIĆ – I ona za. Uključujući i ovu.) (NEDŽAD MALIKIĆ – I ovu uključujući.) (MEDHA NUHBEGOVIĆ – Ja. Sve.) Uključujući sve. Sve. Sve.

ELVIR KASUMOVIĆ

Dosad nikad nismo kadrovska pitanja ostavljali za sledeću sjednicu. (JOZO NIŠANDŽIĆ – Pa Kasumoviću.) (EKREM TOPIĆ – Eto sad ćemo ostaviti.) Nije nikakav problem.

Dosad smo imali džentlmenki sporazum, evo odsad taj sporazum bar što se tiče Saveza za bolju budućnost ne vrijedi.

I nemojte od nas više nikad očekivati kad tražite rame za plakanje da vas odsad Savez za bolju budućnost u nekim stvarima podrži. Nije nikakav problem. Eto tako. (JOZO NIŠANDŽIĆ – Hvala. Hvala. Hvala.)

Znači mi ćemo se u skladu sa ovim malverzacijama i ovim neprincipijelnim djelovanjem ovih klubova koji su se izjasnili da neće podržati ovo, nemojte više nikad da tražite od nas da se džentlmenki mi odnosima prema vama kad ste vi ovdje pogazili tu džentlmenku riječ.

JOZO NIŠANDŽIĆ

Hvala. Hvala. Ima, ima Azra prvo se javila. (NADA MLADINA – Pa nije hvala. Nemoj tako. Ne možemo tako.) Hvala Nado, valjda ne znam. (NADA MLADINA – Moramo pojasniti sad.)

AZRA GAZIBEGOVIĆ

Ja ću samo upozorit. Odsad kada bude zakazan, prekid sjednice i kad se traži sjednica Kolegija Gradskog vijeća, da svi predsjednici klubova budu na sjednici Gradskog vijeća a ne da nas troje ili četvero stojimo ispred vrata tamo a drugi predsjednici klubova za koktelom stoje i jedu.

Mislim da to nije korektno prema nama koji se odgovorno ponašamo prema ovom Vijeću. (MIRNES AJANOVIĆ – Mogu li i ja kratko? Poslovnička.)

I ne podržavam ovaj prijedlog. Dakle Klub vijećnika SDP-a će podržati prijedlog da se sve tačke odlože za narednu sjednicu koje su ostale.

JOZO NIŠANDŽIĆ

Hvala. Izvolte Ajanoviću. Je li tu onaj. Dobro, sad ćemo. (NADA MLADINA – Šta?) Ništa. Ništa. Ništa. Samo ćemo se izjasniti oko toga.

MIRNES AJANOVIĆ

Meni je žao, kolega Elvir iz SBB-a je u potpunosti u pravu. Ja, bez obzira koliko neke ljude ja cijenio ili bilo kako ih ne cijenio, sasvim je nebitno.

Mi smo zauzeli stav da Stranka kada delegira prijedlog izmjene u komisijama ili bilo gdje u mjesnim zajednicama ima apsolutno pravo da to radi bez ulaženja druge Stranke. To treba poštovati.

I ja. Ja bez obzira dakle koja Stranka i kako delegirala koga ili zamjenjivala ja i BOSS uvijek će biti za prijedlog te Političke stranke. I to moramo poštovati.

I ja bi vas zamolio sve ostale kolege da to bude naš princip. Dakle bez obzira koliko prema nekome vi osjećali simpatije iz druge Političke stranke ne smijemo se upustiti u ovu avanturu. Kolega Elvir je u potpunosti u pravu.

Sad ja bih evo onako apelovo na SBB da radi ovih okolnosti svega samo sad prihvati da je to tako dakle. Da li je neki Klub rekao da neće podržati ili hoće, BOSS će uvijek podržati prijedlog bilo koje Političke stranke kako ona to predloži, pa makar ta Stranka neimala nijednog kandidata.

Predsjednik Stranke, Opštinskog odbora, glavni predsjednik Stranke ima pravo da dostavi na Vijeće šta god hoće da mijenja, mjesne zajednice, komisije, ili slično.

Ali sad ako mogu kolege iz SBB-a radi specifičnih okolnosti da evo slože se sa ovim a s naše strane i vjerujem i od ostalih kolega će biti to što smo se dogovorili na početku kolegijalno, da ne ulazimo mi u način odlučivanja i postavljanja, biranja, mijenjanja u mjesnim zajednicama i u komisijama Gradskog vijeća. Hvala.

JOZO NIŠANDŽIĆ

Kasumoviću izvolte.

ELVIR KASUMOVIĆ

Ovdje se radi o jednoj odluci koju organ Stranke Saveza za bolju budućnost donio i koju mi trebamo da provedemo. Radi se o principijelnosti.

Ja razumijemo nečiji revolt ovdje, ali su ga razumjeli i građani Grada Tuzle na prošlim izborima.

Prema tome ja vam, (JOZO NIŠANDŽIĆ – Dajte molim vas i konkretno samo recite. Nemojte da udaljavamo se. Da se izjasnimo oko toga i gotovo.) Ja vam želim. Ovo građani Grada Tuzle moraju viditi i djelovanje predsjednika, odnosno predsjednice Kluba Socijaldemokratske partije i ja vas opet pozdravljam građani Grada Tuzle i želim vam da ovakve ljude, osobe prepoznate na sledećim izborima ko što ste ih prepoznali prošle godine, pa ste dobar šamar dobili, a iduće godine ako Bog da ja vam predviđam bokser.

JOZO NIŠANDŽIĆ

Molim vas, nemojte se oko toga brinuti. Vaše je, ostavite to. Molim vas, imamo. Je li imate? Izvolte. Azra Gazibegović. (EKREM TOPIĆ – Kakvi bokseri? Šta je ovo? De da prekinemo.) Pa zato ćemo. Sad ćemo završiti.

(NADA MLADINA – Ako ćemo da nastavimo da nastavimo. Ako ćemo prekinut da prekinemo.) Sad ćemo. Da čujemo Azru.

AZRA GAZIBEGOVIĆ

Kolega Kasumoviću, upravo zato što je predsjednica Kluba SDP-a u ovom Gradskom vijeću stajala ispred vrata čekajući zajedno sa gospodinom Mirnesom Ajanovićem i predsjedavajućim, (ELVIR KASUMOVIĆ – I ja sam bio tu.) (JOZO NIŠANDŽIĆ – I ja sam.) čekajući kolege druge predsjednike klubova (ELVIR KASUMOVIĆ – I ja sam bio tu.) da dođu da budemo na sjednici Kolegija Gradskog vijeća je moj revolt za nastavak sjednice. (ELVIR KASUMOVIĆ – Jesam li i ja bio tamo?)

Vi tamo niste bili i ja sa vama nisam razgovarala jer vas nisam vidjela tamo ispred vrata. (JOZO NIŠANDŽIĆ – Ma niste bili. Nemojte tako. Bili ste za stolom. Vidio sam vas ja.)

Prema tome, moj revolt je iz tog razloga. Ja ne ulazim u pojedine tačke i kako će se Klub vijećnika SDP-a izjasniti vezano za pojedine tačke.

JOZO NIŠANDŽIĆ

Molim vas. Imamo dva predloga molim vas. Evo sad ćemo doći do toga. Imamo dva predloga molim vas.

Jedan predlog da potpuno prekinemo sjednicu, nastavak će biti kad bude ona sjednica zakazana. (MEDIHA NUHBEGOVIĆ – Ja. I da se tačke uvrste.) I da se te tačke uvrstavaju na sledeću. (MEDIHA NUHBEGOVIĆ – Dnevni red naredne sjednice.) (JASMIN HABUL – Ne možemo ba mjesec dana čekati. Ma daj ba. Političko nasilje.)

Pitam vijećnike, ko je za to, molim da digne ruku? (17) Ima li neko protiv? (5) Suzdržan? (2)

17 vijećnika je glasalo za, 5 vijećnika je bilo protiv i 2 vijećnika su bila suzdržana, te konstatujem da je sljedeći zaključak usvojen većinom glasova i da nema potrebe o drugom prijedlogu da se glasa:

Odlaze se rasprava o nerealiziranim materijalima i tačkama dnevnog reda, te će se isti uvrstiti u dnevni red 18.redovne sjednice uvrstiti sljedeći materijali:

16.INICIJATIVA ZA IZMJENU IZBORNOG ZAKONA SA CILJEM DA MANDAT PRIPADA POLITIČKOJ STRANCI

17. KADROVSKA PITANJA

18. ZAHTJEV ZA UKIDANJE DISKRIMINACIJE U ODNOSU NA UPOSLENIKE, KOJI PRIMAJU PLATU I NAKNADE IZ BUDŽETA TUZLANSKOG KANTONA

19. TEKUĆA PITANJA

a) Inicijativa za postavljanje usporivača brzine na raskrsnici Paša bunar i drugim raskrsnicama, gdje je ugrožena bezbjednost građana

b) Inicijativa za kvalitetnu pripremu i čišćenje prometnica (saobraćajnica) na području Tuzle u vrijeme zimske sezone

c) Urgencija Službi za komunalne poslove, izgradnju i poslove mjesnih zajednica za provjeru ispravnosti svih gradilišta na području grada Tuzla

d) Urgencija za hitnu rekonstrukciju pješačkog prolaza u ulici Muhameda Havajia Uskufija, koji se nalazi između Gimnazije Ismet Mujezinović i OŠ Pazar

e) Inicijativa za izradu “Vodiča za investitore Grada Tuzla”

f) Inicijativa za postavljanje usporivača brzine u Rudarskoj ulici

g) Inicijativa za dopunu Odluke broj: 02-05-12617-2005 od 23. 12. 2005. godine

h) Inicijativa za energetski efikasan grad

- i) Inicijativa za uspostavljanje putne komunikacije između ulica Paša bunar i Batva u dužini od 30 m
- j) Inicijativa za rekonstrukciju vodovodne mreže u MZ Dobrnja, naselje Razinoge
- k) Inicijativa za sanaciju mosta u MZ Dobrnja, naselje Rozića bare
- l) Obavještenje Službe za prostorno uređenje i zaštitu okoline o razlozima prolongiranja izrade Regulacionog plana Prostornje cjeline SOLINA NOVO NASELJE 2.
- lj) Inicijativa za sanaciju putne infrastrukture u naselju Gornji Brđani oko novoizgrađenog mosta

Molim vas. Samo malo molim vas. Ja želim obzirom da već idu ovi praznici hajde da kažem, prije svega svim vijernicima katoličke vjeroispovjesti čestitam u ime nas sviju je li, sretan Božić i da ga proslave u miru i rahatluku.

Takođe svima nama i građanima i Tuzle, Grada Tuzle, Novu godinu i vjernicima pravoslavne vjeroispovjesti 07. januara znači Pravoslavni božić isto tako da čestitam, da provedu u miru i rahatluku.

Završavam sedamnaestu sjednicu Gradskog vijeća. Hvala vam.

(S obzirom da je dnevni red iscrpljen predsjedavajući Gradskog vijeća Tuzla zaključio je rad sjednice Gradskog vijeća Tuzla u 15,30 sati.)

STENOGRAM SAČINILI:

Senada Karabegović

Igor Kurcinak

P R E D S J E D A V A J U Ć I

Jozo Nišandžić, s.r.